
## 民國叢書

第四編

. 50 .



第四編

**50** 

語言一文字類

中 國 國文法革新討論集 語 問題討論集

國語文學研究 光華大學中國語文學會著

中

**汪馥泉** 

朱麟公兒

分 總 獲 發 行 行 所 所 4 發 校 著

兒 兒 圆 年 牟 月 印 發 行刷

溽 刷 行 趜 棋 者 者 者 者

有

限

刷步費公

所<sub>路</sub> 逵 司

埠 街

中

中上代中 中 局

自

局

(外埠县 中 莊 合

**阎谐兼誌客委會審查證審字第**九九八號

**ම** 

(八四五六)(天)

士者恥行; 徵。 亦 來爲得漢之宮室圖, 鄭夾漈作通志深慨中國實學之不講嘗取圖譜之學以爲 後漢之訓詁唐之詞章宋之義理皆統之以語文者也末流之失轉視爲無用之學於是, 其 在 夫圖譜特實學之一耳夾漈重之今天下 奥, 學者之搜取而 則 我 種 光 有餘 種 華 學, 學 间 術之本 力則以學文爲弟子訓: 學 組. 已。得 武平一唐人也其深於春秋爲得氏族 織 也普 中 其 國 孔子四 粗 語 而 文 不得其精; 學 教、 會, 矣因書諸端。 研究語· 甚矣語文之爲學聖門之亟 首日文四, 非 圖 譜, 四教之所謂文亦非四科之所謂言語 文學。語文兩字粗觀之抑末 固 科曰言語文學使於四方不能專 百在 也圖譜之外 世系譜即 **説** 張華晉人也其博 亟 之宜 此圖譜, 也有如此三代 講 矣; 者且 而 而 實 進 多矣, 學可 物之 對, 而 文 而

序

學

也願

心吾同

毋揣

其

末

而

探其

(本可

民國二十三年六

月鄞縣

張

靐

鏞

序

## 中國語文學研究目錄

論	序
箸	

目錄	告子辯	一莊子南華眞經 二韓非子	讀子卷頭解題記兩種	荷墨名學研究	<b>墨經科學辨妄</b>	洪範合象數以應洛書說	京氏易傳證僞	釋燉	對於們	
	孫世揚九五———九六				楊 寬二九——七〇				章炳麟一————三	

齋論文書札沈竹礽先生遺箸一易漢學正誤沈竹礽先生遺箸一	文學批評之標準」思勉一三七—一四〇書論章炳麟一三三—一三五	近代提要鉤玄之作者錢基博一二七—一三一	焦里堂先生評傳	宋明理學家的本體論	
----------------------------	-------------------------------	---------------------	---------	-----------	--

詩三十二首…………………………一八九一二〇一

文 苑

文三篇

本書分「論箸」「特載」及「文苑」三類「論箸」體例以四部爲序「特載」係沈竹仍

編者識

李審言兩先生遺稿為未刊之佳作「文苑」以作者姓氏筆畫多寡為次。

章

炳

鰦

亦臨宮臨 **〈傳**, 冬與 冲。 農 {象 (傳, }漢, 以 一之日, 從 侵同 蘊 危 宋 自 隆 禽 熏 十 孔 也, 蟲 心 用, 爲 納於凌陰冲陰爲 類 氏 蟲自 也, 往 是 韵篇公劉食之飲 而 詩 已偏列 吝 止 知 聲 冬當井 郊徂宮 諸 窮 類, 躬 也, 始 其 也, 禽 分 靡神 冬于 心 窮 入 字不滿百名恐古音不當獨成 躬 爲韵。 韵。 侵 不宗上帝不 爲 部, 之君之宗之飲宗爲 小戏: 東 比象傳 韵。此 非自 鍾 以騏師是 江 皆 爲 自 :不臨寕丁: 同 位 爲 部 Œ 部 谉, 也。 中 **騎驟是鯵中** 部。 而 孔子 也, 非 然 韵蕩其 合用孔 失前 我 其 易傳, 躬蟲 所指 禽 一部按詩人 宮宗臨 也, 驂 氏 東 命 聲 為的思齊 冬蒸 匪 固 上 母, 使  $\bar{x}$ , 諶, 無 冬 中 侵多 鮮克 1.月二 躬 過 古 也, 爲 冬中宗 合 音 韵。 有 中 雍 之日, 用。 此 禽 雍 與 終, 然 六 東 中 諶 衆 在 鑿冰 爲 終 事 宮, 鍾 如、 躬 者, 蟲 大 韵。在 爲 不 **多** 中

昋 鰛

學者當

知之。

部

準,

亦

未

**效正由今思之古音但有侵部而** 

已,

更無冬部也書

已刻行不及追

與

侵

最

近,

乃

不

能

丼

冬

於

侵,

蓋

創

作

之始,

不

敢

不

愼

也。

氽

向

作

交始,

尙

沿

其

剎,

及作

段氏始分之支脂爲三六朝已上有韵文字證據具足而不能自言其聲勢之殊晚

節乃反質之江有誥江亦不能言其故由今思之段氏拘於唐韵次第日韵目在先 正音弓韵目在: 後者爲變音故無以分三部聲勢耳三部之中唯支佳一類支爲正音佳 者

爲 變音若之咍一類則贻爲正音而之乃變音也脂微齊皆灰一 類則微灰爲正音, m 脂

微 齊皆乃變音也支也哈也微也取此三韵辨之則聲勢較然易別 則 闔 口其對轉之韵支對轉青青亦橫也。 仙韵見二十三部音準青韵古音當如今呼先 **咍對轉蒸蒸亦縱也**。 矣支之音橫咍之音縱, 微對 轉

亦闔 口 也。

祭泰叏廢又殊於脂此一 類有去入無平, 上其聲勢當如今呼麻韵去聲說見二十

三部音準。

質櫛屑一類段氏以承眞臻先孔氏亦不能別今旣知陽聲自侵覃以外皆無入則

 悲

関 質櫛屑當自為 泌 秘報導度的皆在至的然標目當用質字以唐韵至本承脂易於混淆也余向用 類亦有去入無平上者也其去聲字如至疐致躓痓懿豷饐檯恤 嫉祕

王

祖

說以至字標書已刻行不及追改然學者當知之。

合 也。按 或 廣韵 說 侵己 奄 杰 背 下 九 訓 的緝己 覆, 弇 訓蓋, 下九韵, 盦訓 平入 覆 蓋此 相 配,而 四字聲義 古音 天 則 同。 不 而 相 弇本 謀。 此 從 但 合聲, 知 其 **乃讀** 分, 不 知

**欺在合韵** 废韵又有 平 平。 其 從 崦餣 與 盒字廣: 一參聲, 聲 入 入本自 廣韵 餣 本 不 敜從 **邊在合**韵 在 韵 相轉但平入業已異讀則有韵之文不能相 相 入 仍 在平 聲業韵是此 在入 |文 念 叶。 其 聲, 砭 乏 貶 從 乏 聲, - 聲覃的 聲 相 **爺皆在怙韵與該同紐** 廣韵又有捻鲶螓苍捻 合韵。 叶 者, 乃古 四字之類 其從奄聲 叉 /在入聲· 音 蓻 帖姑 本 墊 · 盂 韵。 筝 者, 從 不 -入皆通: 則罨 讀 執 學 廣韵語字亦下 盍 入 益本讀入而<sup>2</sup> 庵跪掩 而 外此 讀 平 者 如 在入聲合韵敬 **谙從音聲** 從 入 叶, 也。 同 孟 侵己 而 **猒聲濕隰濕從**暴 類之 聲者又有豔字又媕幹皆 非 絕不 下 沙龙, 九韵, 合韵聲在恬韵 相謀 在 緝 更 入 、聲葉 顯 B 也。 然。 下 齊 源 於 九韵 褂 韵 唯 從 腌殗 甚 音 其 從 蘒 平 姼

師

然則 書為 掛 箕了之文疑其 任 記 公先 田 {地, 明 此 孔子 夷 狩 曲 無 田 **狩字古文狩父**乙 羅 禽 生 于 + 字最初之典籍爲 守古今字本 振 天 南 甚 世 國 所 ---子諸俟無事則歲三田此皆田獵之義後儒謂此 無逸 一釋名 删 文 狩 新 所記 定、 撰 語 L-----釋 وسية أ 用 真松堂集古遗文其 不 源 敢 红地 古籀 作 周 爲 解 盤 狩. H. 翠 者美其父乙 股 易經明夷: 於游 周之際 耕 其 田 改 犬 **畋**云: 在 後 裓 問語 網 H, 通 1. 其 此 前, 用 爲 流 守耳。 叔于 背 善狩 不 典 時 <del>--</del>1 卷九 以 要阮 九三 }文 尙 在 農耕 也其人 H, o 田 狩 未 侧, 周禮 下云陳 亦 全入 一明夷 第 九 W 之義 篆作 手上 周 四 (善狩) 農 于 田 易校勘記謂『狩手又反本亦作守同』 頁, 僕, 南狩, 耕 爲 下 有嫁父乙觚一器嫁字諸家 人也樹穀日 ·捕之象》 以 解 以狩字歸 社 7得其大首5 釋也 田 會也處書 以鄙穀梁 然易繁辭 獵獲 乃叚借田 一『犬田 田, 之,或 象形, 形, 不 有東巡守之文惟 可疾貞。 卽 小 桓 也从犬守聲易 从口 一疇之田 篆形 諡之所由 四 以 年 田 以十二廣 不顯 {傳, 以 明夷 春 漁 未 釋。 起

\*4

今 |文云 所 想 實 其 獵 旣 則 戵 難, 侧, 主 守 字 場, 叚 見網 畫 其 漁 小 各部 形 象 起而 <u>Ш</u>. 篆 田 本 獵 則 田 字; 之張 作 网 知 變 爲 卽 社 掩捕之事 今世 會遠在 落 此意者鮮矣今得此 爲 爋, 獵 Ш 交 而 文而 羅之嚴語 疇, 獵 田 場 鸠, 畢 [疇之田] 賽足 肖 也。 場 僅 丽 之界也。 本字 得餼羊之遺 其狀二手 網 鐘 農 密 立 與 鼎 耕 毬 守 於獵場之一 反 有 從 社 也。 乃其叚借字 球者異, 後 會以前的 守 网 加 厥 後耕稼 球門 支, 亦 世 之字皆作 說文 器, 段借 意, 而 者、 畋, 斷 丽 m 九一易繫辭 狩字 昂首 形晦 以示 其 爲 多 面, 事 無 巡 不 賟, 前 理 人 M 立 符 矣。 過 殿 而 本 可 别, 與 人 **烂三之例示** 字。 門 相 史 潤 此 反叚借後 田 義 田 一疇之形 前, 而 叉 相 乃可 簽 作 稱 子曰: 非 湯 密 其 似竊 結 明 得明 卽 後 也。 開 邇 繩 自 所謂 衆手 於 叉 以 起 人所造字之理竊 而 天子 也。 網 ĭE 手 網, 也。 爲 爲 (田字之十) 之仁日 《罔罟以田》 變爲 即合諸 姑 守 也。 與 | 敷古代 大最 梁說 爲 適 相 詮 諸 ₹, 類,乃 · 竹訛為· 兇猛 釋 侯曰 欲 獵 是 獵 左 也古 乃象 卽 如 以 夫 左, 巡狩, 難 此。 手 叚 漁, 時 以 欲 力 者 結 罔 爲 匿 近, 此 而 右 故 罔形, 篆 守 巡 而 田 田獵 而 犬守於 狩 捕 獵 右, 捕 網 爲 作 捉之, 之耳。 之極 飙, 之 侧, 者 必 俟 巡 वि

國

一十二年

十月十九

日寫成於四部

書

齌

漢易有京房之學卓然自成一家元帝時置之博士東漢習京氏易者尤盛經三 國

例一卷考其辭旨不類宣元之文其卜筮之法又與京房寒溫占驗之學異今據諸家之 晉隋學漸湮微書皆散佚至宋有京氏易傳四卷或日: 即京氏積筭易傳三卷及雜占條

書以證其僞。

京房箸述漢書藝文志載孟氏京房十一篇災異孟氏京房六十六篇及京房段嘉

一篇 此十二篇爲嘉注京也 易京氏凡三種八十九篇隋書經籍志有周易十卷漢魏郡太守

占災異十二卷周易占十二卷周易妖占十三卷周易飛候九卷又一部六卷周易飛候 京房章句又云梁有周易錯入卷京房撰又五行家周易錯卦七卷逆刺一卷周易逆 刺

京氏易傳證偽

六日七分八卷周易四時候四

卷凡有京氏章句十卷占候十種七十三卷唐書藝文志

七

沈 延 國

亦作京氏章句十卷而占候存者三種三十三卷考諸志京氏箸述卷次不一而隋唐志

重 京氏易傳, 複 互見不 則不載於漢隋唐之志至宋目後相傳易傳三卷易傳積章法雜占條例 可究詰占候之部疑皆漢志八十九篇之散佚令皆亡不可詳考但今存之

即爲京氏易傳宋晁氏公武曰

京氏積筹易傳者疑隋唐志之錯卦是也雜占條例法者疑唐志之逆刺占災異是也』 一个傳者曰京氏積筭易傳三卷雜占條例一卷或共題易傳四卷而名皆與古不同今所謂京氏易傳者, 一氏易傳卷下四部叢刊本京 或題曰:

宋目前無京氏易傳晁公武始論之目京氏易傳彊與隋唐志合臆斷無據附會滋甚晃

### 公武又曰

景迁 濟南人乃公武之從父也案晁說之號景迂字以說 嘗 曰: 「余自元豐壬戌偶脱去舉子事業便有志學易…… 當自有名象者果得京

近便 即山居寂寞之中而私識之……或傳是書而文字舛謬得以予言而攷諸凡學不可就正者缺以待來』 而文字與倒奸訛不可訓知迨其服智甚久漸有所窺今三十四年矣乃能以其象數辨正文字之舛謬於邊 傳 安 氏 是 人

景迁自謂三十四年之間辨正京氏易傳**舛謬斯可疑者也元胡** 一桂周易啓蒙翼傳曰

展說之誰古周易八卷太極傳五卷……其學本康節自云「初學京房後遇楊寶寶得其傳」 初箸商瞿傅

之建炎中再作此。

唐李鼎祚周易集解十卷傳養祭乐及京房之說而於京氏易傳竟未引及若唐有斯書, 按商子之學宋時已不可考景迂所箸未免誇矣旣好託古安知京氏易傳非景迂 篇作?

迂偽作亦必唐宋間術士之書經景迂潤色而始顯者也。 若嫌京氏易傳豈能「宮次」同世位也 古籍流傳必有淵源可緒攷京氏易傳前无箸錄至宋忽現又經晃氏景迂糾繆卽非景 引周易京房章句不及京氏易傳且「世位」 學者豈能弗引唐陸德明經典釋文僅 而餘皆 「世位」之說與京氏易傳符餘皆異惟釋文 異哉第京氏易傳略取京氏遺法而巳且 爲上下經序卦之本其所引徵必據章句。

\_

京房之學漢書京房傳日

『京房字君明東都頓丘人也治易事梁人焦延壽… 其說長於災變分六十四卦 「 為 衍文 更直 日用事

雨寒溫爲候各有占驗房用之尤精好鍾律知音聲.

又儒林傳曰:

偽

九

「房受易梁人焦延壽延壽云「嘗從孟喜問易」會喜死房以為延壽即三氏學雀牧白生不肯皆曰「非也」

至成帝時劉向校書考易說以爲諸易家說皆祖田何揚叔丁將軍大誼略同唯京氏爲異黨無焦延壽獨得隱士

之說託之孟氏不相與同房以明災異得幸爲石顯所谮誅」

## 後漢書律曆志曰:

『元帝時郎中京房字君明知五聲之音六律之數』

王充論衡寒溫篇日

·易京氏布六十四卦於一歲中六日七分,計用事卦有陰陽氣有升降陽升則溫陰升則寒由此言之寒溫隨

卦而至不應政治也』

觀上引徵則京氏之學用卦氣寒溫占驗吉凶以明災異卦氣者六日七分之學也易稽

寶圖云:

『甲子卦氣起中孚』

鄭氏玄注日

「卦氣陽氣也中学卦名也中者和也乎者信也」

易稽覽圖又云

## 「六日八十分之七」

## 鄭氏玄叉注日

『六以候也八十分爲一日之七者,一卦六日七分也』

此卦氣之學而分卦直日之法一爻主一日六十卦爲三百六十日餘四卦震離兌坎爲 方伯監司之官所以用震離兌坎者是二至二分用事之日其占驗之法以四時之寒溫,

各專王之氣觀其吉凶此京氏占法載諸典籍皆有明文可考更舉例以明之漢書京房

### 傳日

得如意……迺辛已蒙氣復乘卦太陽侵色此上大夫覆陽而上意疑也」 辛酉以來蒙氣衰去太陽精明臣獨欣然以爲陛下有所定也然少陰倍力而乘消息臣疑陛下雖行此道猶不

## 京房傳房至陝復上封事曰:

力而等消息之氣不勝强弱安危之機不可不察已丑夜有還風盡辛卯太陽復侵色至癸巳日月相薄此邪陰同 『乃丙戌小雨丁亥崇氣去然少陰幷力而乘消息戊子益甚到五十分蒙氣復起此陛下欲正消息雜卦之黨并

東長易傳證偽漢書五行志引京房易傳曰:

力而太陽爲之疑也」

中國語文學研究

『有始無終厥妖雄鷄自齧斷其尾』

叉 曰:

『婦人顧政國不靜牝鷄雄鳴主不榮』

『復崩來無咎自上下者爲崩厥應泰山之石顚而下聖人受命人君虜』

叉 曰:

叉 曰:

『伽而不損茲謂秦厥災水厥谷牡亡』

叉 曰:

『臣有緩茲謂不順厥異籍不殺也』

叉 曰:

『臣私祿罔辟厥妖鼠巢』

後漢書 鄭顗傳引京房易傳曰:

『河水清天下平』

以上皆京房占驗之說房箸逃雖佚兩漢書引京房易傳者凡七十餘事類皆可據者也。

# 今本京氏易傳之內容四庫全書總目提要日

生死所寓之類。 卦次論納甲法次論二十四氣候配卦與夫天地人鬼四易父母兄弟妻子官鬼等爻龍德虎形天官地官與五。 『上卷中卷以八卷分八宮每宮一純卦純七變卦 而註其世應飛伏游魂歸魂諸例下卷首論聖人作易撰著布

自重者也。 井宿從位入辛丑」等每卦如斯其非京氏學蓋可斷言為後世術家箸述託詞京氏以 降二十八宿等訣其訣如「五星從位起鎭星參宿從位起壬戌」又「五星從位起太白, 推然悉出術家其法淺陋何能與京房占驗之法相較哉而京氏易傳有運五行位五星, 如宮次及二十四氣配卦爲治易之本惟世應飛伏父母兄弟等皆術士之說雖有 法可

永傳後漢書與凱傳等所載京房之作其文皆古樸宏厚效法洪範而京氏易傳文辭淺 今本京氏易傳之內容其非京房箸作旣如上述茲更考其文辭漢書五行志及谷

京氏易傳證僞

**陋殊無倫類體裁相較眞僞立見茲略舉漢書五行志引京房易傳及今本京氏易傳之** 

## 文辭相較如后:

漢書五行志京房易傳

一、「震途泥厥谷國多糜」(度)

二二枯楊生梯枯木復生人君亡子』(天通)

『枯楊生華國后當之』

三二小人夠廬厥妖山崩茲謂陰乘陽弱勝彊』

(操性)

四「『豐其室下獨苦長狄生世主廣」(豐上六)

五【賢者居明夷之世知時而傷」(明英卦)

### 今本京氏易傳

為飛伏宗廟處上六運數入丙子至辛己積鐸起辛

已至庚辰土宮配吉凶。

二二大過陰陽代謝至於游魂……互體象乾以金土定日3月月二宮酉世区』

吉凶……五星從位起熒惑箕宿從位降丁亥』

三乙剝柔長剛滅天地盈虛體象金爲本隨時運變水土。

用事成剝之義出於上九

四气豐雷火交動剛柔散氣積則喑動乃明……火木分

象配於積陰與震爲飛伏……』

道危陽道安故與震為飛伏……五星從位起太陰五气傷正道曰明夷五行升降八卦相盪變陽入純陰陰

奎宿從位降癸丑』

四四

六【睽孤見豕負塗厥妖人生兩頭……』(睽卦)

七 經稱「觀其生」,言大臣之義當觀賢人知其 性行推而質之否則為聞善不與茲謂不知厥

異黃厥斧聾厥災不嗣』(觀卦)

六二人次二象氣運非合陰消陽長取象何比惟陽是從 位起歲星參宿從位降已酉」 弧遇雨則吉琴疑亡也」與離為飛伏……五星從 ……易云「見豕負塗載鬼一車先張之弧後說之

七『觀內象陰道已成威權在臣雖大觀在上而陰道浸 長與巽為飛伏諸候臨过反應元士而率九五……

金土火互為體五星從位起熒惑……」

矣或曰漢書藝文志僅載孟氏京房諸篇並未直稱之曰京房易傳此大謬不然漢志易。 京房易傳如漢書五行志引京房易傳曰: 分「經」「傳」「章句」三類明白可考(『誰ご且京房箸述皆在「易傳」類故統稱爲 『夏雨雪戒臣爲亂』而開元占經引京房易

夏雨雪司馬爲亂。文句雖稍有出入可證易候即易傳也。

糾繆文詞未離術家之訣以五星起位等術爲後世卜筮之語非京氏寒溫占驗之法

明

觀上所載京房易傳文辭若洪範樸雅誠西漢之作京氏學也而京氏易傳雖經晁景迂

京氏易傳證僞

几

京氏易傳爲後世爲書非京房所作確然不易唐賈公彥儀禮出冠禮注疏曰:

『易筮法……古用木畫地今則用錢以三少為重錢重錢即九也三多為交錢交錢則六也兩多一少為單錢單

錢則七也兩少一多爲折錢折錢則八也』

宋朱熹(晦庵)語類 章日:

『今人以三錢當揲蓍此是以納甲附六爻納甲乃漢焦贛京房之學』

又 日:

『卜易卦以錢以甲子起卦始於京房。

項安世(平甫)亦云:

『以京易考之世傳火珠林即其遺法』

傳既出於是晦庵平甫皆謂始於京房王應鳞困學紀聞日: 考買公彥論錢上則云「今則用錢」不及京氏可知以錢代筮乃後世之法追京氏易

# 「納甲之法朱文公謂今所謂京房占法見於火珠林是其遺法」

此 不 知京氏易傳爲後世僞託而火珠林一書非漢人遺法晦庵等以爲火珠林之術出

自京房設也先大父竹礽先生周易示兒錄日

後世以錢代書出火珠林 人以爲出於京房課也且通行本之火珠林非舊法也』

無撰: 氏箸述是無可疑學者不深究咸以京氏易傳爲京氏學清惠棟治易標漢學竟引京氏 **孫** 此 麻 |林 言是也按火珠林之術、宋時盛行、宋史藝文志及文獻通考經籍志均載有火珠: 衣 道 者 同 出 者非舊法又爲後 姓名似唐人之作以錢代蓍始於此書非祖於京房也惟今坊刻本火珠林托名 一流一則僞託一則隱名以卜筮言, 人 所僞夫京氏易傳爲後之術士假名僞託而其書之法與火 兩書相若也不過略采京氏遺法斷非京 |林,

博考羣書亦未及京氏易傳之僞近人更論說卦傳等三篇以爲出自京房康有爲新 僞書擠於漢學之林此蓋未深邃於易之術妄與易學混爲一談姚際恆古今僞書考雖

%經濟日

京氏易傳證偽。說封與孟京卦氣圖合其出漢時偽託無疑。

七

中國語文學研究

孟氏卦氣圖今尚存考其圖與說卦之理絕不相合非孟京兩氏所作可以明證康氏好 一猶據此說是,則更亞於康氏矣。

註 按漢書藝文志易傳有: 作

誕言强不知以爲知而近人

周氏二篇(全佚)

楊氏二篇(全佚)

· 禁公二篇 (今僅存李鼎祚集解剝上來三一條) 韓氏二篇(散見韓詩外傳及漢書蓋覧饒傳李氏集解陸德明釋文諸書

古五子八篇(今佚馬國翰引據漢書律野志及文選左太冲吳 丁氏八篇(作易說三萬言已佚散見集解釋文諸書)

都 赋

劉淵林注引易无妄似皆不足徵。

**淮南道訓二篇(今散見淮南子)** 

**冶雞八十篇雞災異三十五篇神輸五篇圖一(以上全佚)** 

**远氏京房十一篇災異孟氏京房六十六篇五鹿充宗略説三篇京氏段嘉十二篇(以上孟氏易散見** 

許慎五經異義說文解字及釋文諸書京氏散見漢書五行志及谷永傳後漢書郞顗傳等五鹿充宗 暨


段嘉均佚)

此。 者, 雞 五 所 不 視, 也。 南 行, 火 後 觸, 解, 兀 方 寒 雨 者後天 天象 懷疑 也。 坤 者, 冥 者 氽 日水二 心 玩 聽, 後 木 也 東 者, 獨 久 多易 Ŧi. 也 矣。 運,豁 象 後 是 者, 象 北 垂 日 、西方兌金, 思貌 北 方艮 四十年; 日 先天 天 亦 方坎 灭, 三 然而 象 昌 明 宋邵 者, 明 土, 東 象 先天 日木, 水 方 通。 凡 一後 西 東 震木, 關 南 西 也。 南 乃爲 康 之兌 北 節 於易象易數者皆 啺 方 象 天 Dri 《之說元大也元第 即觀物篇「九九』 西北艮, 方乾金 者後天, 象 Ė 坤 東 土也。 西南 金, 也。 南 更 方 五. L之異況。 象南 是明 **吕對方言之二五** 也庶強之寒、爲乾兌象也、 巽 戸 東北震說卦傳 土水 木 方 明一 也。 者後天 · 計傳: 離 範 能約 金者, 八 後天 之數, 十 一, 火 八也燠者 略 一、兌爲 後 即洪範 解之獨箕子 元範之數] 象 天 象 北方 事 也。 炅 象 入 爲 後 在 口 西 風 天 者, 庶 坎 之 巽 方 西 手, 後天象 數 爲風; 震爲 水 象 徴 兌 南, 配黄 也火 也。洪 東 所傳洪範 在 金, 曰貌, 定; 方 西 東 八者後 、範篇言 東 震 北, 北 口 貌以 北 中 木, 典 方 三言, 天 方 乾 九 出 東 ---(手足為 ΕĹ 風言 艮 金 象 北 南 方 也。 南 忽 巽 行 土 有 西 木 相 方

一 九

範

合衆數以應洛書



甲 象 總

視者先天象東北之離說卦 日睿睿作聖以心御物是以乾御坤也九五 「坎爲耳」耳司聽也思者先天象南方之乾北方之坤相接也孟子云「心之官則思」思 之長有務之意義在焉;故**度亦焉也**。 論語云:「仁者樂山;仁者霧」,長子 曰攸好德五日考終命壽者先天象西北艮東北震說卦傳 傳 皆壽之徵象也富者先天象東南之兌西南之巽說卦 「離爲目」 目司視也聽者先天 福在正南與二五事相比。一 象西方之坎説卦傳:

日壽二日富三

艮爲山震爲

後 天 象 先 天 象

洪範合衆數以應洛書說

**兌爲澤巽爲** 近 利 <u>一</u>倍; 則富矣。戰劃 於五行爲金也。 康寧者先天象東方之離說卦

終 攸好德者先天象西方之坎號卦傳: 命者先天象南方之乾北方之坤相離也易於坤爲 官, **孟子**云 **「胸中正**, |則眸子瞭焉] **坎爲耳」人有善言而聞之是入耳而** 胸 中正稟氣充足, 「大終」: 〕則無病; 故云「康寧」也。 考, 順者 也考

叉為

「命」

向下之险,宣其乾陽之命也。 巽卦云:『重巽以申命。』以口

故合言「考終命」也東方三八木則曰三八政一日食,


於乾爲

于考无咎。」

象 總 Z


嘗以死待之也其實死本未嘗死易大傳云: 中其旨遠矣司空水官也 有情狀何嘗有死之可言也等子以祀 日賓八 氣爲物游魂爲變」 東方爲三食也貨也人之所以生也配者死 賓火象也師水象也食貨配 日貨三日祀四日司空五日司徒六日司寇七 日師夫中央者五皇極之位也而 是故知鬼神之情狀鬼 司 徒, 土官也 三者或 卽 位 司 寇金官 副 子人 河圖 神 固 事 精 且

徒司寇之三者加皇極之五成八即 咸亨也對方七稽疑在西日 雨, 霽,日 河 圖東方之三八天地 。 驛 日 克 日 貞 日 悔 雨 者 水 相交在春 生之位, 也。 八庶政之雨字不同此雨字,是雨之兆 ता 後 品 ッ。 故與 物



=

洪範合衆數以應洛書說



次爲辰又是一說曆數金轉而克歲星木歲 星也辰者古人謂星土也 行星也彗星土之受光體, 者所謂受光體也衛星上之受光體過去之 發光者所謂發光體也行星土之爲光所照 者火也星辰者土也天上之恆星土之能自,; 兀 几 曰星辰五曰曆數歲者木也月者水也日 九 金而曰四五紀一曰歲二曰月三曰日, 或以日月交會之 或發光體未來之

時若移7 之乾位。一日正直二日剛克三日柔克而箕子乃以「正直」下引申之曰 括三八政食 日之火火克曆數爲革變之金象而要皆歲 爲 八庶 典 徵地上之五行而: 司徒等之人事也所謂時 爲 一種觀法入庶徵四五紀歲日月星辰曆數等之天, 也不僅如此西北之六三德適當後天八卦象 月日時擬議之象也。且此四五紀之歲月日 星木克星辰土星辰土克月之水月之水克 「平康正

而又以 祀 時也三八徵之時乎真統洪範九疇而 五 弗友沉潛」引申之與「變友高明」引申之合而爲六以爲君權之用與平康等之五者, 也河圖三八與四九相對而今相連。一六與二七對而今又相連二七占卜之兆也與四 爲 也乾九五之「飛龍在天」即飛於皇極大中之位乎「剛克」「柔克」之下則又以「强。 悔也四十一正直也四十二剛克也四十三柔克也四十四皇極也四十五 思也三十四雨也三十五霽也三十六蒙也三十七驛也三十八克也三十九貞 七 |木也四金也玉 也十四司空也十五 紀歲月日星辰曆數之爲天象者而括入性之二五事人命之九五福在中也; 五六天地之中合今皆集於大君之位矣。然皇極之五又可爲一也則是西北爲一六 攸好德也二十八考終命也二十九貌也三十言也三十一視 日也二十二星辰也二十三曆數也二十四壽也二十五富 「唯辟作福唯辟作威唯辟玉食」接之辟者何乾也皇極五之出現於乾 土也六雨也七暘也八燠也九寒也十風也十一食也十二貨也十三 司徒也十六司寇也十七賓也十八師也十九歲也二十月也二 一時也天人相交通乃如此矣而! 也三十二聽也三十三 也二十六康甯也二十 一水也二火也 一凶短折· 亦所謂 也, 也四 位

洪範合衆數以應洛書說

六十二人 
凌友柔克六十三、 
沉潛剛克六十四、 
高明柔克六十五作福六十六作威六十七, 此洪範九疇傳之武王不啻目歷代所傳之大寶授之武王也。 錫之也天錫大禹以洪範九疇乃啓九州 恭作肅七十四從作义七十五明作哲七十六聰作謀七十七零作聖七十八休之時七 之數五十見矣皇極體也去蓍數之四十有九也更加水之潤下五十一火之炎上五 十九咎之恆八十而皇極爲一故曰九九八十一元範之數也大禹之學箕子傳之大禹 玉食六十八貌日恭六十九言日從七十視日明七十一聽日聰七十二思日睿七十三 十七曲直作酸五十八從革作辛五十九稼穑作甘六十平康正直六十一强弗友剛 之受虞舜授之虞舜之受唐堯授之其爲天之曆數在舜禹之躬而授之是無異於天之 二木之曲直五十三金之從革五十四土之稼穑五十五潤下作鹹五十六炎上作苦五, 十六疾也四十七憂也四十八貧也四十九惡也五十弱也而皆時中之所有者也大衍 而井田九百畝卽九州之小者耳然則箕子以

### 附說

洪範九疇日洛書包先天後天河圖三象而總象乙之中一六與二七之間書洛

書右方者謂河圖之數列在洛書之右方也三八與四九間書洛書左方者謂以河圖書右方者謂河圖之數列在洛書之右方也三八與四九間書洛書左方者謂以河圖 之數列在洛灣之左方也。皇極五亦可作一而十亦可 作 故云太極十卽 二 也。

德,為誠,即妙其有也,:「不誠無物。」故一即為 總象甲之中皇極亦作 常無常有」也亦即莊子所云「非陰非陽」也莊子天運篇云 旣爲 一叉為無邵子云「是爲有無之極也。 一亦作無一卽誠哉誠故一卽誠。不 誠 無物; 未形,物得以生謂之德○」中庸云是有矣。莊子天地寫云: 「有一而 「九洛之事治成德備, 世觀物篇。 卽老子所云: 部薙湟極經

監照下土天下戴之此爲上皇」下土是九嚋上皇即皇極也蝗

楊寛

同」之辭與公孫龍子及莊子天下篇所述惠施之言相出入故方余初治濹經則於經 著而 魯勝而 子爲學多言而 著書作辯經以立名本。前說則取其「墨子著書」之說後說則取其 難而: 命之日墨子辯經或墨辯其說亦源於魯勝而汪中孫詒讓衍之魯勝墨辯叙曰『墨子 謂之墨經」此不然魯勝墨辯注所注亦僅上下經及上下經說大取小取當爲後學辯 誦 墨 出於後世之墨者矣經上經下辭約旨博未易通貫最顯言 作, 是墨經之名蓋於古有之惟不明何指焉汪中墨子序以「經下至小取六篇當時 經而倍譎不同相謂 班子天下篇云: 畢沅衍之或以倘賢倘同諸論當之而以經上經下出於「相謂別墨」時之墨者, 非墨者所俱誦 不辯今旣取「辯經」之名而以爲其義在辯自不得不以 『相里勤之弟子五侯之徒南方之墨者苦獲巳齒 也晚近論墨經或以經上經下當之以爲墨子所自著其說本於 「別墨」以「堅白」「同 異」之辯相訾以畸偶不仵之辭 見者惟經下「堅白」「 「辯經」 鄧 爲 陵子之屬, 非墨子 之名墨 異

經科學辨妄

諸句皆論六 惑於皆有「堅白」「同異」之辭而不辨其義也經上之論及「堅白」者惟「堅白 與 要之所在其旨非僅同荷子之正名而已固墨者所俱誦者也經下文皆辨辭是固末流 名實之理無不作系統之叙述絕非「相謂別墨」時之辨辭更非名家怪說蓋墨學綱 不與經下同途恍然悟經上下二篇非可一概而論經上文皆界說其於字 外」一句墨經論宇宙以萬物之不同由於物德組合方式之有異「有間」「間」「鑪」 上下出於後 承「盈」句而言以爲堅白二德充滿全石石乃堅白二德相盈而成也所謂堅白之辨蓋 方式「仳」句論 墨家倡道 家其說固非章行嚴以墨家辨難名家亦賓主顯倒未明相辨之跡象也所謂同異之辨, 他家辨難而作疑同爲墨子所自著者惑於同名而不察其實也疑同出於「 (見公孫龍子及莊子) 有空隙之組合方式[盈]句論相混合之組合方式[攖]句論相接疊之組合 盈堅白之宇宙論, 世墨者之說雖欲不信而不得後更細玩乃見經上「堅白」「同異」之辭 不 規律之組合方式「次」句論有規律之組合方式「堅白不相外」句蓋 而墨者更辨護之, (見經上) 窮百家知之辨者乃以「離堅白」之說破之, (見經下) 魯勝孫治讓胡適混同名 宙人生以及 別 示相 墨兩

爲 而 亦 不 縄家 由 在 墨 要旨 家嚴 「辯」也。 分同 争 辨之辭, 辯經之名魯勝 [異之別] 未嘗或 而 辨者以「合同異」之說破之而墨者更辨護 妄自 見; 雖 杜 亦 有 撰 爾古 辨二説」之界說, 無是也 墨 經 第 卽 其 |經 <u>E</u> 端 耳; 空。經上: 旣 其 爲 旨 墨 固 家 在 要旨 篇, 墨 全

爲 也。 旨 故 經爲 經 博 }下 爲 後 墨 下 辨 別 辭, 者 人 於俱 篇當 所 必 往 難 往 俱 公誦之(墨) 索解故易 爲 誦 \_\_\_ 本於 辨 又爲 護 經, 辨 時 經上墨經欲爲 某派 受辨者之非 者 乃以俱誦之墨經爲經上而以之爲 辨難 之領 之鵠 袖 難, 的。 所 墨 爲其 者 (墨 自 所 經 互. 俱誦, 徒以之爲 旣 爲 故 墨 爲 者 不 辨者 同, 文多 所 韓 俱誦, 經下 相 非 界說辭約 辨護時 辨之根據者故亦尊之 所謂「書約而 兩篇旨趣不 而 必 旨 多 所 博 第子 同 也。 依 一辭約 放, 故

校 及 叉不 釋, ŀ 存。經經次 必 下 經說, 取 人無校! 難 終以 代 解 考據之學興墨子 者 訛 釋脫誤至不可 而 誤過 强 解 之自 甚, 辭約 矜 可讀晉雖有魯勝之墨<del>韓上經下非墨者所</del>俱誦常 旨 書 乃有 博, 不 能 汪 中孫星 通 其 義 以意 也。 衍 辯注然 畢沅 近 今學: 說, 遇 孫 者, 有 詥 僅 讓之 以 不 乃 合意處不 驚 形 校 爲 名 釋, 爲 一奇 然 指 文, 於 歸, 衍 上 而 競 下 其 文, 則 相 書

大異,

此篇之所謂墨經

祗限經

<u>{</u>正;

當

別論此不

<del>真</del>

所 **新** 此 於 之 皆 伍 可 或 日 視 依 諸 謬 解 脫 {釋, 非 通。 砵 則多 計條 說, 之以 篇, 文, 再 附 伯 同 經, 近 乏 茫 世 碎 舊 用 之人, {解 所 然 亂 誑, -1-必 釋, 詭 不 年之力, 之字 器: 無 有 然, 未 亦 不 辨, 乃 觀 議 未 校 亦 11 則 ---貫 論 得 能 强 僅 輕 典 通 日 (然者? 之系 其旨錯? 粉錯, 弊, 釋, 亦 以 於 其 通 訛 校 義 臆 張 未 貫 詇, 矣。 純 見 統 也。 勘 改, 前 互 或 和亂古籍浸料 此 遂 一相是 有 有 人 可 隨 之墨 使古籍 惠言 諸 若 勘 所 尋, 意 書皆守本 書 非, 豈 闡 何 移 之成 之經 釋, 者, {學 發; 文, 可 不 分科 章行 文益 如 以成 氽 顧 或 功; 說 近 文義 病 任 《俗矣夫墨》 等書, 之也 嚴之墨 人之視 梁 ·文, 不 情 發解, 俗 文例, 啓 未 丽 破 則 超 得 義 久, 知 字, 之校釋寬 氏墨學 。 妄生穿鑿 ; 多 其 益 本 則 同 毎 擬 所 目。 謬; 普遍之定 經也 闕, 舉 解 精 傳之後 附 者 不 會 則 仍 敢 審 者, 義, 考 穿 易 太 多 别 不 輒 輒 鑒胡 核, 所 其旨 義 原 改, 半; 世, 顧 相 草 書 · 然者? 强 孫 然 學 雖 爭 逮, 爲 鞰 計 最 爲 沿 術 訟, 有 日 墨經 辨 讓 烈, 玉 善 訛 又豈 情 或 之 有 之 讀 證; 勢强 釋之以 墨, 踵 **)淺釋**, 別計, 誣 {原 鄧 者, 謬, 可 }始 古 高 著其 亦 而 如 加 鏡 則 義 科 人 專 將 近 附 之 也; 於 膠 不

及

全

書粗成除嘗以論字

宙一章顔

日墨經宇宙論考釋刊於去

年大陸雜誌之新年特

校

諸

家

穿鑿之積

作

\_\_\_

貫

之校

而

還

其

本

來

面

然

以

學

有

未

遲

遲

未

能

寫

以示人也。 家之妄而 夫 經 校 二貫 號, (釋者期得) 餘 數章終以數處訛誤未能校勘旣 之校釋則 另闢蹊徑, 頃 見謬 原 信之益 始之經意而 說 非欲 横行, 含舊 堅爱先就 愈演愈烈, 己苟違 説而 務新奇亦求其不失古人之意云 諸家 乃更 經意, 出 附 不願曲爲之說又不欲闕以問 避新亦· 會 舊作相為校比, 科學之說 舍苟合經意 而 **漫舊**說 辨其 雖舊 妄以 之益 爾。 水通 亦 取; 世, 不 此篇 可 藏 人 之裁 諸筬 通, 辨證 而 定焉。 於墨 中, 未

類似之附會尙不一而足十三經四學通義 政 長 拾 之科學實導源 古 征 也南宋 無不 者 籍 當 也言物理上之三態變化出於亢倉子也化學之理出於淮 中 近 以古籍附之及今讀之殆如夢 世 一可 西方科學輸 於我, 附 幽厲之時疇人弟子失散, 會 科 學者, 入 之初, 加 以穿鑿謂科 國人 頓 囈! 起驚 尤為其 墨經附會科學之說 學不足奇 避亂 駭舊 中有系 逃咎不憚遠陟 儒 於劉宋 自 我先民已先 恥 統 缺 之作; 然乃不 之世格致 亦於斯 南子 舉 殊 西 方, 西 惜 方之 古微 也; 固有 割裂古籍, 方而知之西方 時 電學 始。 科 等 挾 學以及 書, 出 其 於 如 書 每 此 뤪

西算 即幾何原本長線減短線之理以「有間」句謂即幾何之角以「端」即「點」以「平」 之於是墨經科學之說幾成定論晚近梁啓超校釋益以「端」「尺」「區」「厚」爲幾何之 行線以「圜」「方」諸句卽幾何界說。 法。 以 墨經附會科學者發自鄒伯奇鄒氏見經 (見學計一得論西法皆古有) (見東塾讀書記) 及陳澧乃略衍其說以「 中有 圜] 「方」 諸 孫治讓撰墨子間計復加潤 同 句, 長以正 逐謂經 相 一中有 盡, 即平 色 謂

點線 中 動, 之可 為萬 見齊魯大 面 體以 有 附 本原。 會 學國 者爲喜於是遍覓全書將 (見墨子學案及墨經校釋) 學彙編)分「 動理二 幾 可附會者盡行附會之欒調 何」「光學」「重力」「 海內學者乃靡然從風往往以發現墨經 變化」五 類; 張 純 更

| 仳 爲

比例以「倍」「損」爲

加減,

以

「刑之所以奮」爲論力學言力之運

學大綱矣二千年 地 有墨學分科 圖 學日光學日熱學日聲學日 書分析 前 中國科學之昌明幾與今日等同讀之不禁神往何我先民之神 更繁日形 一醫藥 學日微積分日, 學日 生物 物理 學,日 生 學日力學日機械 理衞 生學日 氣 學,日 象 學、嚴 測 然 量 學, 明 科

如 彼我後學之不肖又如是?

粦 [4 見豈 (墨 一經論 得 碎亂 認識步驟井然其論德行「仁」「義」「禮」諸句亦以次相承 如 附 會者所釋? 或 以 上句 爲幾 何學, 或以 下句為 物理 其有 學, 割裂 貫之文

益 不 叫 通 也。 科學旣 如 彼其精, 何 全文編製又 (如是其 疏 耶?

校釋破字特多墨經之面目全失胡韞玉讀墨子 將 惜 自 理國故之當還其本 亦 墨經 力斥 賤其 參考西· 分為 附 會 家 珍曲學 「方學術| 力學心 而 倡 比 來面 理學等一仍舊儒附會之談梁啓超治國學的二條大路亦 較惜其於墨 以 而 比較研究, 阿 目欲以漢還漢以魏晉還魏晉惜其治墨亦多所穿鑿 世 好, 本治國 經亦未嘗好爲 此 我 治 學者所當痛 學應有之法 慗 (國學叢選第十集) 理而 則若不知 戒者也胡適 比 較也其中國哲學史大綱 作比較而妄 國 學季刊 更嘗云 加 附會, 、發刊宣 電紅 力言整

附會之說古學自有好處不必附西學而重由陳出新是在善學者舊 附會者戒惜其墨子 儒不知新學每有此 病。

論益警切?

誠

足爲

亦 釋以 :幾何 原 \*\* 測 平 面 之理「同長以正相盡」 「直參也」以及「端」[ 艫\_諸句亦全從

經說淺釋

(國學彙編第二集)

於

一平同高

F 經 科學辨安

陳澧附會之說未見古學好處也夫墨學自有墨學之特質、墨經更有墨經之本旨比較

而闡發之則可附會而穿鑿之不特不豐其末而反損其本也。

# 證之以進化歷程

# (1)自發說之不可通

受而 闡發或反抗而排斥驗之墨經前後古籍絕未見有科學之跡此亦未始不足以見 時代之學術有一時代討論之中心此一時代前後之書籍必皆受其影響或承

墨經科學說之虛妄也胡適雖於中國哲學史大綱中稱揚墨經科學推爲中國第一奇 書然亦未見論及源流惟其先秦諸子進化論 (科學第三卷第一期) 則云:

·列子莊子時代的科學思想比孔子時代更進步了墨子時代的科學家很賤得形學力學光學的道理…』

胡氏之意似以墨子時代之科學思想乃承莊子列子而來列子書僞可不辨其所謂莊 子之科學思想 (物種由來) 亦由附會而成也莊子至樂篇云

種有幾得水則為動得水土之際則為證嬪之衣生於陵屯則為陵鳥陵鳥得鬱棲則為鳥足鳥足之恨爲蠐螬,

斯彌斯彌為食醯頤輅生乎食醯黃軦生乎九飲瞀芮生乎腐蠸羊奚比乎不箰久竹生青甯青甯生程程住馬, 其葉爲胡蝶胡蝶胥也化而爲蟲生於竈下其狀若脫其名爲鴝掇鴝掇千日爲鳥其名爲乾餘骨乾餘骨之沫爲其

生人人又反入於機萬物皆出於機皆入於機』

魚人魚(Centauv)及不死鳥 (Phoenix)人魚可化爲人等是莊子荷繩以科學之史在 學未發達前亦多此說如謂牡肉能化蜜蜂汙泥可生青蛙腐肉可生蛆河泥可生螺鱔 蝶」「程生馬馬生人」此生物偶生之說(Obiogenesis)與進化論適得乎反當西方科 幾皆入於幾」此莊子「萬物皆化」「生死爲晝夜」之論 「鳥足之根爲蠐螬其葉爲胡 彼亦是也」 豈足以言科學而胡氏釋此謂「幾」即種子故云萬物皆出於幾趨象斷絲 卽 此莊子「謬悠之說荒唐之言無端厓之辭」也莊子不譴是非變化無常「是亦彼也, 微 生動物以全節爲論微生物至人之進化歷程穿鑿殊不可通所謂「萬物皆出於

在足證莊子時代尚未有何等科學思想也。

|李季中國哲學史大綱批評論墨經科學之起源云

「實則一切科學都起於社會之勞動中實際的應用並不是任何人憑空想出來的他們的門徒因參加生產,

接近農工而獲得種種經驗創造種種科學這是理所當然絲毫不足奇怪』

亦理所不可通科學之起旣由實驗故其思想亦無不由實際而進於理論此中外各國 百人之經驗始漸可觀。墨經之前旣無科學可言、墨經如附會者所釋又如是其精博此 科學之起於應用固確切不易然科學之起決非由於一人一時之應用試驗必累 千

所同然而梁啓超釋「盈」句云 (見墨經校釋)

尺端無數隨所引而皆有函』 『於尺無所往而不得者……引端爲尺則尺函端無數縱橫曲折以成區則區函尺無數積疊以成厚則厚函區

梁啓超釋「端」句又云

"點者不可分者也不分是無間也」(其他諸家類此之釋尤多)

理則絕少踪跡附會者竟以墨經亦有燦爛之物理學此更理所不可通。 是皆巳遠離實際而深入理論非一人一時之實驗所能得彰彰可見科學 才之說可不攻自破也雖然古代之科學與哲理相混而 不清數學尚有數之運用而物 出自傑出天

甫墨子科學云

墨子科學……有「動理」「幾何」「光學」「重力」「變化」之說先秦諸子嘗採其辭以爲談辨者矣然惟

「飛鳥」「越南」之論中於肯綮」

嘗有長於蛇之可能。信如胡氏之說則公孫龍輩所言與其所釋莊子相類何莊子之復 郭沫若竟皆以科學釋之郭沫若於「火不熱」「目不見」以熱學光學釋之(見郭氏 學氏似指名家之詭辨爲墨子科學之影響名家「別有毛」「目不見」「火不熱」「雞 文藝論集)其穿鑿附會固不待深辨胡適中國哲學史大綱以「卵有毛」「馬有卵」皆 含有生物學重要之問題與進化論相關以爲雞卵中巳有雞形馬嘗經卵生之階級龜 三足」之辭皆「以反人爲實」「欲以勝人爲名」「飾人之心易人之意」者也而胡適

與公孫龍輩相責難公孫龍子堅白論云

『且猶白以目以火見則火與目不見而神見神不見而見離』

說亦本於此謂如無神雖觸火亦不能覺其熱也「雞三足」之說亦本於此司馬彪謂 謂白之能見以目與火但目與火之本質皆不能見其所以見者 「 神 」之 通 貫 神, 雖有目亦不能見「目不見」之說蓋本於此鳥有所謂科學思想也「火不熱」之 也。 無

行由足發動由 神御今雞雖兩足須神而行故曰三足也」是也。

試更觀經下之辨說其辨[目不見]云

『知而不以五路說在久(經)

知知以目見而目以火見而火不見惟以五路知久不當「以目見」者「以火見」(說)」

此謂眞知之得以歷久之經驗見以目見目以火見然火之本質本不能見其所以能見 **耆以五路(五官)以前之經驗能見白而知爲白必先前有白之經驗非「神」之力也。** 

經下辨「火不熱」云

『火熱說在頓(經)

火謂火熱也非以火熱我有(同又)若視白 (說)』:

大抵墨家倡道經驗論之認識論名家以直覺論之認識論破之此則墨家更辨護之吾 謂知火熱不必以火熱我見白而知其堅不必由石觸我皆以前之經驗故非神之力也。

人於名墨相辨之跡中亦歷, (2)外來說之更不可通 歷可見其無些微之科學思想存其間。

墨經科學辨妄

**}子** {犯 鄙 公輸 阿二 竟創 [通 越 自 之上亦有冠 以 疑「墨」本非氏故儒墨並 魯 誤者」 人也渚宮舊事謂魯陽文君言於王曰: 王爲公尙過東車五十乘以迎子墨子於魯其遊歷貴義篇謂其北之齊南遊於楚 墨 篇謂 墨子為 一氏之起源大抵 即齊呂氏春秋愛類篇 論 貴義 墨子「賤者本有名無氏」惟單呼「翟」短促不 而 訓 謂 其歸過宋亦足證其國籍爲魯也呂氏春秋愛類篇謂其見楚王曰: 魯問篇墨子 稱爲墨翟於是「墨」 篇墨子自稱: 印度 以 鄒魯之儒墨」亦足見墨之在鄒魯也以上諸 職 人之怪說(見東方雜誌第二十五卷第八期) 業 如是「墨」之由 或特點者阿三業木匠則稱之木匠阿三阿二業皮匠則稱之皮匠 文有 「翟上無君上之事下無耕農之難」又稱「翟聞之同歸之物信 稱,蓋 亦謂其自魯往 「若以翟所謂忠臣者」云云此墨子屢自稱翟 漸成 「氏者所以貴功德賤伎力或氏其官或氏其 非氏而 爲氏。孟子滕文公下巳直稱爲「墨氏」矣近 墨子北方賢聖人亦足證其 而救宋(淮南子亦云然)墨子魯問篇 進爲氏當亦如是墨子魯人故魯問篇 順, 叉不 端皆頗 易識別翟墨之至也 以墨指 顯 者 爲 面 而 北 方人 胡 厠 懷 臣北 事。 其 黑翟 人於名 也 こ(泊虎 逐 名 {淮 不 亦謂 冠之 謂 翟

者蓋翟 之墨; 名說文云「禹蟲也鯀魚也」 視 狄 印 卷第六 證 於 墨 無 八之異文墨 父者以 度 爲 氏 北 無 雖 人 刻生 方異族之辭若 兼 印 後 多, 政府之國 爲 胡 愛, 期 爲 度 但 而 Щ 無父 墨 全 氏 人, 「黑炭」主「: 文繁不可 翟 雉尾長者亦當 家 附 乃 出 更 也孟子 者, 死謂之惑」 矣! 兼愛無親疏之別視父若無也; 謂 爲 附 人其說 黑 墨學 墨子 會, 翟 狄 余 具引僅就 譏墨氏 學辨 意 之妄 **尚同」之墨子弟子又豈願堂堂稱** 也, Ě 亦 蓋 於墨 全 爲 」契古文為 刻死 謬 時 狄, |ED 本 度出 ·通俗之命 墨子 ]學 於 書, 有 無父以其爲 其墨經出於尼乾子經」 非 附 如 FI (今已 生亦 是 豈 家 本 度, 人故孟 了亦獸名 字 於印 (禽)墨 以哲 者! 願 此巳 載 實 自 出 度 學 利 乃 稱? 入 墨子託 子譏其 家人則孟子譏楊氏爲 夏 科 學派之名荀 由 不 辨 衞聚賢古史研 主義之謂 然信 學文 鄭 代 文 文 師 中 學 許 如胡 化 古 無 《父其論》 於夏, 宗 吳 詳 也 幼 之說而 教 進 説, 其 若 子 辨 稚, 究第二 之 矣, [孟 墨意 修 師 禮 亦 名 風 樂篇 俗 浮 曰: 爲子 屢 尙 淺 尙 器物 略辨之以 加 爲 通 陋 通 (見大陸 -墨子哉孟子 楊氏 集 辨正 無君, 云: 俗, 俗, 面 म् 諸端 黑,則 笑, 其 名 矣, 必以 狄為 爲 刻 不 以 所 明墨 我, 死 猶 {雜 特 此 辨 以 動 無君 其 子譏 }誌 證 辨 不 今 名 古 附 植 之論 爲 生謂 認 人 第 物 人 翟 墨 也; 其 居

#### 非外來也。

# 胡氏辨證墨經出於尼乾子經云

「(經)知聞說親。

……百論疏云「舊有尼魏子經說有十六諦量諦有四種一現知如眼見色耳聞聲等二比知如見一分卽知餘 、說)知傳受之閉也方不廣說也身觀爲親也。

知即現知說知即比知譬喻知併合爲一聞知即聖人語』

分見煙知有火等三不能知信聖人語四譬喻知如見日去等……」墨子分知識為三種即倂四量而為三也親,

昔黃建中爲墨子分經辯論三部考辨(見學衡第五十四期)其辨胡適經說作於施龍

時之說云:

了至其堅白之辯同異之論固往往與<u>公孫龍書及莊子所述惠施之言相出入此則惠施公孫龍取諸墨經非必</u>

經說作於忽施公孫龍時也若徒拘泥時代以為推斷則經上所謂「聞知說知親知」即因明之「聲景比量現

量」經下之「徧有徧無有」即因明之「同品定有性異品徧無性」不當又云上下經說作於因明學輸入中;

士以後邪』

黃氏謂若因與施龍出入而謂其作於施龍時則「聞知說知親知」即因明之 「聲量比

量現量」亦可謂其出於因明傳入後矣蓋所以反詰胡適者不意曾幾何時竟眞有人

四四四

出而主之斯亦奇矣!

僅「聖人語」而已下句墨經足以證之下句墨經云。 然細究之墨經之「聞知」 言由傳受而得知也所聞者包函古人語及今人語非

『(經)聞傳] 親。

說)聞或告之傳也身觀焉親也』

豈得謂與「聞知」相同。墨經所論在分析知識之來源在研究如何而可得知識量審也。 量諦」者在審察如何之知識可信故云「不可知信聖人語」

即以胡氏所舉中觀

之言

說有地獄有天有鬱單越無見者信聖人語故知』 "信有四種一現事可信二名比可信如見烟有火三名譬可信如國無鍮石鍮之以金四名賢聖所說故可

足以佐證是墨佛根本討論之問題已不同矣胡氏之附會可見且更觀其濹經出於尼

『此種精密之思想在中國古代決不能有卽在今日中國思想大多數猶籠統在彼時能分析得如此清

事實不合。

今日 彼時之特殊人才也先奏諸子思想皆甚精密爲今普通人所不 大多數何如吾恐今日非特中國卽世界大多數「猶籠統」不能「如此 而已也豈得謂皆「似與事實不合」若必欲謂墨經之說 中國之思想大多數籠統此指普通 二般 (人而言) 「在彼時能分析如此清楚」 此出於印度; 能及者多矣非僅 則 今日印度 元清 楚 一 也。其 墨經 思想 蓋

行論論尼乾子經者之苦行有赴火投淵等行又百論疏稱尼乾子經有天文地理算數醫方等按墨家抱:

精神雖蹈湯赴火亦樂爲之墨經中亦有數學是皆相合』

佛家 數學數學背 見其所論數學安能 與墨家之有犧牲精 近人 /附會而 知其 成。 神蓋皆主力行其道使然非何者本於何者也又遷經中絕無 即認 **皆相合」又安知其數學與强解而** 墨經中 確有 數學 如近 人强解者今尼乾子 成者非絕然不同 }經 不

乾子經是否出於墨經之前尙不可定即能皆相合安知非尼乾子經出於墨經也?

爛之文明上古印度除形而上學神秘思想外本無科學可言也是墨經科學之說驗之 外來自發二說皆理所不可通其非附會而何? 如 退西方科學漸次進化之跡皆可得而見若墨經如附會者所釋則如此燦爛之文明其 何而來又如何而去謂之來自印度固不可信若果來自印度印度斯時亦無 要之衡之以歷史進化之論文明之進化皆由淺入深決無突然猛進亦無突然猛要之, 如 此燦

# 證之以學術大勢

在別色與「堅」則何涉此不可通。張純一墨子集解謂「蓋分析之法在名學中至爲重 要堅白之辨卽從一石之體而分析之也」是亦牽强名學之旨在乎論究名實辨說之; 之辨前人未有確論魯勝謂「名必有形察形莫如別色故有「堅白」之辨」然旣 遷經一書「堅白」「同異」之辨爲其要義「同異」之辨在乎名實人盡明之至 「堅

理分析一石之組合與名學無涉也汪馥炎堅白盈離辨一文(東方雜誌二十二卷九

號 亦但略論名墨盈離之異而未明此辨之源流莊子天地篇曰:

孔子語中述及「棄愛」「棄愛」之名出於孔後乃墨子所倡道也又如天運篇所載老 亦非当於孔子惟「離堅白」之說已於莊子時風行蓋可見矣又如天道篇記孔老問答, 樂調甫因謂辯者堅白相離之說老子時已有之非是莊子書多寓言全出虛構此語當 子有「儒墨皆起」之言墨之起離老子甚遠此皆足證莊子所載孔老語非真出孔老口 『夫子問於老聃曰有人治道者相放可不可然不然辨者有言曰「離堅白若縣寓」若是則可謂聖人乎」

也欒氏釋堅白盈離之辨云

論亦迂曲。今略論「堅白之辨」之源流而明其要義。 辨者之離乃離物而成之意墨子主張物意相合以為於石堅白同體旣不可偏去而異處則於意不相外人

#### 班子天下篇云:

相里勤之弟子五侯之徒南方之墨者苦獲已齒鄧陵子之屬俱誦墨經而倍譎不同相謂 「別墨」以「堅白」

「同異」之辨相訾以觭偶不仵之辭相應」

是知後世墨者確相訾以一堅白」「同異」,莊子駢拇篇云:

『駢於辨者彙兎結繩竄句游心於「堅白」「異同」之間而敝跬譽無用之言非乎楊墨是矣」

是辨「堅白」「同異」者墨家而外尚有楊朱之流而莊子皆非難之以爲「無用」也辨時

非特「纍瓦結繩」曉曉爭辨且又「竄句游心」穿鑿附會也莊子齊物論云

『昭文之鼓琴也師曠之枝策也惠子之據梧也三子之知幾乎皆其盛者也故載之末年唯其好之也以異於彼

其好之也欲以明之彼非所明而明之故以、堅白」之味終』

『夫「堅白」「同異」「有厚」「無厚」之察非不察也君子不辨止之也」

是「堅白」問題惠施輩亦嘗辨之其所辨者殊於衆人非衆生所明也満子修身篇云

荀子儒效篇又云:

『若夫充虛相施易也「堅白」「同異」之分隔也是聖人之知未能僂指也不知無害爲君子知之無損爲小人』

是知「堅白」之辨虛空抽象未能僂指無關德行知不知無所損害也故儒家亦非難之。

韓非子問辨篇亦承其師云:

是「堅白」之辨亦爲法家所排擊以與憲令無涉也總上所述知「堅白」之辨冠於諸辨 之首前後各家莫不受其影響此固一時代討論之所在墨經 (經上) 爲墨家所俱誦,

文皆界說其論「堅白」亦非說辨旣未「纍瓦結繩」又未「竄句游心」必「堅白」問

題之提出者是時猶未嘗與人相辨也。墨經云:

『(1)有閬中也(經)

[有] 有閒謂夾之者也(說)

間不及旁也(經)

[間] 問謂夾者也尺前於區穴而後於端不夾於端與區穴及及非齊及之及也(說)

禮間虛也。 。 ※經

虚也者兩木之間謂其無木者也(說)

)盈莫不有也 (經)

無盈無厚[盈] 於尺無所往而不得(說)

堅白不相外也。 }經

堅 得二異處不相盈相非是相外也 (説

五〇

(3)攖, 相得也。 |經

尺與尺俱不盡端 與端俱盡尺與端俱或盡或不盡堅白之撄相盡體撄不相盡。

· (此) 有以相製有不相製也。 ※經

兩有端而后可。 (設)

(5)次無問而不相櫻也。 無厚而ら 后可(說)』 ※經

|墨經論及「堅白」者僅上一章舊儒釋此多所碎亂陳澧釋「有間」爲直線角釋「纏」爲 廣縱相乘謂之冪」(見東塾讀書記)胡韞玉釋「盈」爲「長」釋「次」爲平行線

釋「盈」則曰『盈而吾見其有間可得將吾意以入之也』章氏全以「兼愛」釋之亦皆 (見墨子經說淺釋) 而章行嚴釋「纑」則曰「無象中虛吾愛因隨遇得以入之」

何以爲 臆說梁啓超則以「有間」等句爲論物理以爲「物質皆有孔隙」以「盈」句爲論幾 「有容積纔成體」以「攖」句爲論點線相交之異詞以「仳」句爲論比例又 句爲論形之排列。 若果爲科學書豈得紊亂無系統若是此

墨經 篇當亦同他篇決非雜亂無章必有一 貫之系統也。

(見墨子學案)

圆

「次」:

竊意. 上章爲論萬物之結構乃墨家宇宙論之要義爲「堅白」之辨所從出墨家以

爲萬物之成由於物德不同之組合此章八句蓋論組合之五式今略釋之

者此空隙墨家命之曰「鱸」故曰「艫間虚也」居中之物德則命之曰「有間, (1)「有間」「間」「艫」三句蓋論有空隙之組合物德之組合有排列而有空隙 一故

旁也」又曰「間謂夾者也」夾本從二人夾侍一人之像引伸爲兩以夾一之意故夾 夾之者不相連及而后可故曰「間不及」此「及」爲連及涉及之及故經說特申言 時居旁在外者謂之「夾者」 「有間中也。」又曰「有間謂夾之者也。」居旁者則命之曰「間」故曰「 居中者謂之「夾之者」也此類有空隙之組合須夾者與 間,

曰「及非齊及之及也」

各 尺 而 |物德旣相混則無論何點皆函各物德故曰「盈莫不有也」又曰「盈於尺無所往 無所 不 (2)「盈」與「堅白」兩句蓋論相混合之組合。 往 夫測物量邊量邊用尺尺蓋「邊」義引伸而得 洏 不得」 者蓋於邊界之內各物德皆無所往而 物德之組合有相混而排列者。 非全同 不得也若不 幾何 學之線 相混排 心。「於 列,

墨

能積疊而 「堅白不相外也」謂 成體故曰。 「無盈無厚」 如石乃堅白二德相盈而 此類排列最普遍 而最 成; 不相! 重要故經文特 盈而 相外即不得成 舉 例 以

端相接疊各端之和與尺等則盡不等則不盡也。 盡相接疊一部接疊則不相盡也故曰「堅白之攖相盡體攖不相盡」(相盡之「攖」與盡相接疊一部接疊則不相盡也故曰「堅白之攖相盡體攖不相盡」(相盡之「攖」與 ·盈]同)尺邊也邊之狀態不一故接疊不相盡端之大小畢同故接疊皆相盡若尺與 (3)[攖]句蓋論相接疊之組合。 物德之組合有相互接疊者若堅白之在石則

(4)「仳」句蓋論不規律之組合。 不規律之組合有相攖者有不相撄者。

(5)[次]句蓋論有規律之組合。 物德之排列井井有序旣無空隙亦不接疊皆

相 並 而排列者心。

於哲 要亦相似也先秦時科學當亦未離哲學而成立「堅白」之辨當爲宇宙論而非科學 盈 相攖, 學 墨 中最 經 乃 積 以為物德之組合不外以上五式-體積之成皆由相盈相攖之組 先所 而 厚厚則 討論 「有所 者, 亦即宇宙 大, |本體之論 而體積成矣稽之西洋學 我國環境雖 與 西洋 術 史初 有 亦未 異, 而 歷 有 合物 史之過 科 學, 德 而 附 相

天下之心乃不得不利用此等迷信以圖發展其學說其論「天志」之根據云: 辜於天我罪伊何」足見我國古代社會以天爲主宰之迷信甚盛墨家因其道難行反 迷信主「天志」「明鬼」皆於後起詩小宛云「各敬爾儀天命不又」小弁又云「何迷信主「天志」明鬼」皆於後起詩小宛云「各敬爾儀天命不又」小弁又云「何 論者或以「天志」 爲墨家宇宙論以爲宇宙之間唯有一天耳然不知墨家 之重

也』(天志下) 天之臣也此以莫不芻牛羊豢犬豬絜酒體粢盛以敬事天此不爲兼而有之兼而食之乎」(法儀) 『楚之王食於楚四境之內故愛楚之人越王食於越故愛越之人今天兼天下而食焉我以知其兼愛天下之人 奚以知天兼而愛之兼而利之也以其兼而有之最而食之也今天下無大小國皆天之邑也人無幼長貴賤皆

强以當時之社會迷信拉入而利用可見。份賢中云: 越之人而定天下之主宰兼愛天下之人而非命篇則以衆人未嘗見命之物聞 斷定命為確無然則衆人多嘗見天之食乎此與墨家尚實之義相乖此非墨家本義牽 此二段論證以衆人之祭天而斷天下之國與民皆天之邑與臣以楚越等王之兼愛楚 命之聲,

**墨經科學辨妄** 

其為政乎天下也無而愛之從而利之…故天鬼賞之以為天子。

其 **然政乎天下也兼而憎之從而賤之…故天鬼罰之使身死而爲刑戮」** 

是則天 志非墨家 本義, 利 用之以謀發展其 、學說之跡, 叉可見矣。

所引) **漢子** 著 非 其 儒 乍 作 家 俱誦之墨 荷子但 於同 田} 試 時 是則吾人於其漸 {休 期 更 時, 觀 子胡非子諸書則更盛言: 或 尚賢 攻其 況文義之大同小 較 経, 先中篇次之下篇文 亦未嘗稍及迷信不然若 術同 持 之有故之 諸 論, 次演化之跡亦足見迷信非 皆 · 異 哉? 分上 一節 中下墨 依文字 用, . 迷信; 繁好辨當又次之下篇作 反不排其牽强附會之迷信 「天志」 (見韓非子呂覽及意林藝文類 家 理論考之上篇名 作 事, 果爲墨學之根語 極 墨家 有 紀 小本義而 律, 上文約宣 期最 而 必合於需要此, (據則何排) 晚而 爲 根 後 迷信 要較 冊 據 所 聚 乎? 斥 太 最 拉 重 鬼 理論, 攏 {平 重, 一者當 及 神之 也。 **一个** 故 其

多 者 曉曉 傳 佈 墨家 於貧 駁難 尚 之墨學 實 賤 階 其宇宙論當亦 級; 之道 貧賤階 以 自 級, 較切 苦爲 知 識 實,近 極, 較 幼而 反天 乎 下富貴者之心而 物質也盈堅白之論, 重迷信故 墨家 仰亦 愈後, 爲貧賤 必為 迷信 然也。 其 老 愈 所能 本義 重, 其論 耐, 無 亦 故 疑, 愈 其 故 辨

天志

之說必爲後

世所

拉入其學之中

·絕而

無人信

勢使

效篇所謂: 理皆相違言 紀後 厚乃有所大而; 創 論, 與 所以排擊當時探討宇宙論者先秦之辨者亦然亦所以攻擊論及宇宙之墨家, 流 雖較精深然堅卽硬度白蓋色澤皆附於物質之性質本無所謂盈與離也驗之科 堅白相盈而 變細 华 萬 遊 各 地 崇 尚 口 辨 中 國 之 辨 者 起 於 紀 先秦之辨者頗類希臘之詭辨家 如前 古人於空間 所論上下文庶幾可一貫與 而 察墨者辨者實皆未知科學辨者之辨飾人之心易人之意固不 證之以 欲謂墨經有燦爛之幾何物理其誰信之? 率 其 辨者則云「 成石」之宇宙論於是辨者創離堅白之說以破之。墨者以 之認 羣徒辯其談說明其稱譬老身長子不知惡也] 本書思 識, 不離 無厚不 想 實物離實物卽無空間 可積也其大千里](莊子天下篇] 學術 (Sophist) 情勢亦相承於「堅白」之辨亦 希臘之詭辨家起於紀元前第五 元前第三世紀亦周遊各 可言其空間與幾何學之空間絕 希臘詭辯 合 無盈 可 地荷子儒 瑌, 家 明 選者之 墨家 之起蓋 無厚有 其 跡

象

旣

五.

£,

然不同考之墨經亦然墨經云:

『窮或有前不容尺也 (經)

窮: 或不容尺有窮莫不容尺無窮也(說)

盡莫不然也(經)

[俱]止動。 (説)

孫治讓墨子間計釋「窮」云

蓋以布幅為喻自端至尺為半不容尺謂不及半明其易窮也」

令人讀之茫然何<u>墨經中忽喻布幅之易窮梁啓超</u>墨經校釋釋「窮」爲域之終極而釋

[盡]則日

『盡全稱也如言「凡人皆有死」則主詞表詞皆盡之故曰「莫不然」動相全止卽圓成之義故說如此爲釋』

論宇宙之意義下文爲[始]句亦論時間之開始何得論理學插入其間此章承上[久] 梁啓超迷信於墨經科學之說乃無釋不以科學附會之此章上文爲「久」「字」兩句蓋

有」者字之邊際也邊際之前更不容尺斯爲字之終極矣「盡」言宙之終極動作不止, 「宇」而言「窮」則言「宇」之終極「盡」則言「久」之終極「或」同「域」「有」同「囿」「或

五六

矣此則宙· 宇宙, 與 刞 科 變化不已時間無盡也若動作俱止絕無變化天下之物莫不皆然則無時間性 亦以 學所 之終極。墨經論字 論, 爲 絕然 一質融之形體 **添同也科?** 學所論空間, 也其論空間, 宙皆有終極皆就 則以爲 則上 動作 下 絕對 四 實 方有限其論 (物立論: 無限大非有邊際 此 與古 時間, 則往. 希臘 心其論: 同。 來 、古今有盡。 希臘 ||時間亦 可言

以 爲至於 無限非人力之所能 伸縮也。

墨經經說云

若鼃爲鶉。

**鼃」古「蛙」字說文云「蛙蝦蟆也」** 其說與淮南子等書全同淮南子齊俗訓云

『天蝦蟆爲鶉水蠆爲虼嵩皆生非其類惟聖人知其化』

列子天端篇亦有此文萬畢術亦云「蝦蟆得爪化爲鶉。

論

**衡無形篇亦云** 

"歲月推移氣變物類蝦蟆為鶉雀爲蜃蛤。

記亦云: 而呂氏春秋季春紀淮南子時則訓亦云「田鼠化爲鴽」 南 海有 黄魚 九月則化爲鶉」蓋古人以「鶉無常 高誘注云 居」(陸佃 語) 「鷙鶉也」 逢以爲彼變

一經科學辨妄

五八

籍未有若何科學思想也欲謂墨經有精深之自然科學又其誰信之 化無窮皆他物化成也此生物偶生說 Generation)本古人普遍之信仰蓋未諳生物學使然墨經經說所言亦同乎其他古 (Obiogenesis) 或無生原始說 (Spontaneous

### 四 幾何學辨妄

(1)辨「端」「尺」「區穴」非幾何之「點」「線」「面」

而引爲美談者然稍深究知亦非實然。遲經論空間不離實物不同乎幾何之空間所謂 附會者以「端」「尺」「區穴」謂卽幾何之「點」「線」「面」此爲世俗所深信,

端」「尺」「區穴」亦未嘗一離實物與幾何之「點」「線」「面」 亦相迴異。

「端」墨經有專論。墨經云

「端體之無序而最前者也(經)

端。是無同也(說)』

序等次也端之爲物無長廣高厚至微極小無等次可言也論其地位則處於最前故云,

於 此亦失之穿鑿端無體積與無相同故云 亦非是梁氏又校經說之「同」爲「間」因謂「點者不可分者也不可分者無間也」 序之辨」足證墨經之「無序」不訛而梁啓超從之而因謂「點無長廣厚薄故曰無厚」 之牽强王引之校「序」爲「厚」非是墨辯注叙云「名必有分明分莫如有無故有無 「始」爲「久」之起而「端」爲「宇」之起因謂「兩點相承卽成爲序今著體之所自始限 之普遍而在於想像中也陳澧訓「序」爲「旁」 端體之無序而最前者也」墨經之所謂「端」僅限於實體之最前處不若幾何「點 一端故曰無序而最前」亦非是墨經論 「是無同也」章行嚴以「踹」「始」並釋以 「端」可於「端」句見之其論「尺」與「區 因謂幾何之線無廣是無兩旁也失

墨經云

穴」則可於[間]句見之。

『間不及旁也。

間 間謂夾者也尺前於區穴而後於端不夾於端與區 [穴]及及非齊及之及也]

梁啓超墨經校釋云

『區者…有長有廣…先有懸而後有線先有線而後有面故曰尺前於區而後於端則似尺在端與區之間而其實

不然蓋間之義不如此也』

梁氏因欲强之爲幾何學乃强釋「前後」爲「先後」殊不可通此句所論蓋爲物德

空間即表面也端處於最前邊(即尺)處於端後表面 有空隙之組合前巳論之矣物德之夾他物德者謂之「間」彼處於他物德之旁故云 旁也」夾者與夾之者須不相連及然後有空隙譬若一物尺邊也區穴者區域內之 (即區欠) 則更處於邊後故云:

尺前於區穴而後於端」如下圖:

連及端與區穴故尺不得名爲「有間」而「端」「區穴」亦不 然端爲尺之一端尺爲區穴之周界(如云若尺之端) 尺旣

得名爲「間」故云「不夾於端與區穴」此乃作經說者恐

人不明「間」義故舉實例以明之所謂「端」固指實 物之

最前點[尺]亦指最前之線[區穴]亦指最前之表面與幾何

學想像中普遍之點線面亦大異也。

端

區穴

· 盈莫不有也 (經)

無盈無厚[盈]於尺無所往而不得(說)』

「尺」孫詒讓校「石」固誤梁啓超釋云

此

《於尺無所往而不得者…引端爲尺則尺函端無數縱橫曲折以成區則函尺無數積疊以成厚則函區尺端無數。

隨所引而皆有函

合前亦巳論之矣尺邊界也於尺無所往而不得者各物德旣相混於邊界之內各物德, 經何不云「於端無所往而不得」而必云「於尺」此依前後文義蓋論物德相混之組 梁氏此釋誠哉其幾何學也然察幾何之理積點而成線積線而成面積面而成體則墨

無往而不得也尺之義爲邊界於此亦可見之非幾何中想像之線也。

『庫易也。

庫: 區穴若斯貌常。 ※經

此句上下文皆論動作此句所論當亦不出此易換易也釋名云 。 (設)

墨經科學辨妄

「庫舍也物所在之舍

也。云 區次, 也。 庫乃藏物之所時將物件移出移入庫之區穴依然若斯外貌猶常而物已易也此 當指庫之區域內之面 而言此亦指實物與幾何學想像之面, 亦判 然不同

爲光線之端釋「纑」 爲 無厚之面此更穿鑿不可通。

端, 故 曰: 線當屏穴間, 穴前欒氏拘泥 丽 欒氏謂如自壁穴引光入室其抵對立之屛之體則爲「端」屛近則端近屛遠則端遠, 光線當屏穴間釋「尺前於區穴而後於端」 近屏之端實為遠屏較後之體端無定序故曰「無序而最前者也」又謂 有長 至欒調甫墨子科學釋「端」 廣 「是無同也」「尺前於區穴而後於端」 者則以光線當屏穴間之長爲在端後 丽 則尺夾於屏穴間矣何經說謂: 無 厚」此 「穴」字釋以「壁穴」因以光端之可隨屏伸縮釋「無序」 復因之以 亦牽强經說謂「虛 也者, 「不夾於端與區穴」 然則光線爲一物壁穴與屛叉各爲 兩木之間謂其無木者也」 欒氏 釋 是虚 一光祗 間虚, 物光光

兩 物 間之空 際非「 「無厚」之意。

(2)辨「平」「中」「直」「圜」「方」諸句非幾何定義

「平同高也(經)

[平] 同[者]以正相盡也(此句本說今錯入經文)

中同長也(經)

中 健與[柱]之同長也心中自是作相若也(說)

[直] 中正[向]也(經) [直] 直[參]也(說)

園一中同長也 (經)

闐:

方柱隅四讙也(經) 規寫[交]也(說)

方 矩見[交]也(説)』

中央量至四角長必如一。」案量四角固如一如量邊則互參差張說未當也陳澧謂 「圜」「方」固幾何之二形「平」「中」「直」則幾何所未有也張惠言釋「中」云「從

「中」即幾何原本「圜界至中心作直線俱等」則此與圜義全同亦不然陳氏又謂 墨經科學辨妄

六四

平」即幾何原本 |兩平行線內有兩平行方形有兩三角形若底等則形亦等] 叉謂

直 二即海島算經 「後表與前表參相直」皆附會而不相貫 通。

注儀篇云:

『百工為方以矩為圓以規直以繩正以縣平以水…皆以此五者爲法』

是「方」「圜」「直」「正」「平」五者乃古百工之習用考工記亦云

「園者中規方者中矩立者中縣衡者中心」

荀子禮論亦云:

『繩者直之至衡者平之至規矩者方圓之至』

學雖 學固亦有定義水平之法「直以繩」「正以縣」之法工匠用之幾何學所不論究也幾何 論之也與今幾何學不同。(墨經之「中」卽法儀之所謂「正」)圓方工匠用之幾何 蓋古於有規律物形之概念僅此。墨經此章蓋論物形之規律亦就百工所用之五者而 中」乃指正中之線此線於幾何學中無用亦無專名幾何學三角形之中線乃指底邊 有「直線」與「中點」「中線」但不與此同工匠求「正」「中」以縣墨經之所謂

五 力學心理學生理學辨妄

墨經元

『力刑(同形)之所以奪也(經)

[力] 力重之謂下與重奮也(說)

生刑與知處也 (經)

生 楹(同盈)之生[離]不可必也(說)

臥知無知也 (經)

(無說)

夢臥而以爲然也(經)

(無説)』

附會者釋此皆以「力」句爲論力學「生」句爲論生理學「臥」「夢」二句爲論心理學何

全文不相貫若是梁啓超釋「力」云

墨經科學辨妄

六五

六六

"形之所以奮在力深合物理物質恆動不已以成衆形" 所費之重即物之重量故云力重之謂」

欒調 甫釋云

『其說蓋詡重勢就下畢重乃以見力是力生於重也』

尹桐陽墨子新釋則釋云

『所謂靜止物體其運動必須作用於外力也奮迅也謂運動迅速今物理學有隋性即此』

伍非伯墨辯解詁釋「力重之謂」云:

。謂其靜之量曰重動之量曰力。

又釋「下」爲地心吸力因謂「地欲向下人欲其上重勝力則下力勝重則上故曰舉重, 奮也」而墨子新釋亦釋「下」爲落下運動經文寥寥七字何能包函 如許之義諸家雖

皆釋科學而又言人人殊此皆不察其一貫之思想私意穿鑿所致。

張純一墨子集解釋「生」云

『今生理衞生學本諸質驗分析精密遠勝古人然惟知養形不知養神以視古人甚粗陋也』

則墨經之生理衞生學幾駕今生理衞生學而上之林昭音墨翟心理學研究

聯合發生隱動猶日間躬爲其事或躬歷其境林氏 作 丽 忽於 知也林氏之說 派之色彩墨子謂 第 四卷第一 [臥] 臥 號) 無當。 時 夢亦一種感覺仍能 以爲「臥」「夢」二句乃論: 知 無 知, 知能已失其 引起由各官體來之一切過 變態心理謂墨子 知是知離形也夢時臥而 釋 「臥而以爲然, 睡眠之說頗帶近 一去經驗, ]偏於「以 以 使其 爲 然是形 爲 代 互 相

離

然雖有. 謂。 故 雖 形骸 奮者, 知 力非 生猶 處 以力量的 也。 之能 力也不得謂之生故云「力形之所以奮 愚意 形 死, 知, 然而 形猶 與知之分離若臥則失其能知之能雖未死, 不 動, Ŀ 章全論-可 蓋 施 未行也; 必謂之生墨子乃一實行家兼愛中篇云「言行若合符節無言而不行」 形 於重 今所謂身知猶今所謂 骸 上有 人生上下文皆 量之上則重 其知與形巳離雖似生亦不可謂之生。 動 力在 焉。 量 生 因此 一貫以爲人生意義非形骸之能 心身心二者能互用乃可謂之生使身心離 而 也者形骸? 動, 也。 此即「奮」之義也故云 力者所以 亦不可謂之生若夢則臥而知其 與 知 能統一 動重 之謂故云 者 1「下與重 屯; 奮而巳形骸 放云: 一生, 「 力, 異,則 也。 典

墨 經科學辨妄

選經云:

『(-)化徵易也(經)

化 若體爲鶉(說)

(2)損偏去也(經)

損 偏也者兼之體也其體或去或存謂其存者損(說)

(4)環[俱柢](經) (3) [益大也](經)

環 俱柢也(說)

(5)庫易也(經)

庫: **甌穴若斯貌常(說)** 

(6)動或[徙]也 (經)

動: 偏祭徙若戶樞兔 [徙](說)』

此章之「化」 附會者以化學釋之然電鶉之喻乃無生原始說悖於科學也樂調甫墨

六八

墨經科學辨妄

蓋通論 子科學,乃以五行變化釋之亦不然「動」 (卽[化]句)(2)損失(卽[損]句)(3)增益(卽[益]句)(4)循環旋轉 動作之歷程爲宇宙論中論宙之一部言古今往來之動作不外六類(1)變化 句附會者以爲科學之動理亦不可通此章 (即「環」

無動作則無時間可言所謂「盡俱止動」也。 句)(5)換易(即[庫]句)(6)徙動(即[動]句) 墨經論宙以爲全由動作所構成若

(1)變化 爾雅釋話云「徵虛也」「徵易」者虛表易而質未變也高子正名篇

狀變而實無別而爲異者謂之化」與此同義其非化學明甚。 (2)損失 「偏去」者一部離全部而去也就其存者言則損矣此亦動作之一。

3)增益 益者言物外有他物增益於此物使之增大也此亦動作之一。

4 循環旋轉 爾雅釋言云「柢本也」孫語 將所處之空間轉遞而已。 護調: 「環之爲物旋轉無端 若互

巳易也。 (5)換易 庫乃藏物之所物件時常移出移入故从广从車換易者空間未變物

六九

(6)徙動 動也者所處全部空間遷徙也戶樞之動僅在原空間中旋轉此則爲

「瓊」非全部空間之徙也。

相同亦未有科學思想也。 總合全章六句觀之知「化」舉「動」亦僅論動作之一部與「損」「益」「環」「庫」

さつ

## 荀墨名學研究

#### 一正名

群 第 第 符 音 轉 適謂百家各有名學名學者以接以思以識以言以論以辯之學也禮官所守兼文散 名司馬班氏據之而簡稱名家也。嘗論先秦名學約分二派一派循名責實按實正名, 臣有患於世夫刑名之家皆曰「白馬非馬」也已」 說誠是而孟堅之所以列「名」爲一家者亦有所本也戰國策趙策記蘇秦之言曰: 諸子各有名學班志著錄七氏勒成一家殊可不必此演胡氏之說也自予觀之胡氏之 著錄七氏勒成一家若擯其他皆不得與此則未若胡氏之言爲得實也。 名察名類之起散名當在最前譬若水自高原流衍遠則別出多班志所溯頗見遠流。 劉念親荀子正名篇詁釋自序曰: 自名學而言名學實爲立而非破吾名之曰正名派墨儒法皆是也一派譎辭詭 「班志稱名家者流蓋出于禮官之守近績溪胡 班志著錄七家當古有形名家之 推 其意以爲 惟

**有墨名學研究** 

施公 僞 辯離實超情以飾人之心易人之意乃破而非立乃後起而非正統吾名之曰反名派惠, 恆古今偽書考唐鉞尹文子辨爲<sup>閱卷一縣</sup>,其可考見者惟惠子公孫龍子二家耳。 而 孫龍 非眞。 其著也班志所列七家成公黃公毛公三家書今佚鄧析尹文二家雖 (鄧析子 爲 《偽書說》 見四庫全書提要尹文子爲僞書設見宋濂諸子辨, 有 姚際 · 書 然

孫龍 施 正 在古本爲通 心公孫龍 立名耶抑為E 十四篇今存六篇惠子書佚其說散見于莊子天下篇而馬 之反名者 稱, 反 《名耶稍籀其書者皆能言之以此推之則班志所列 後乃爲儒家專名以別于諸子也。 也諸家皆論 『形名』 丽 施龍輩獨稱形名家或名家者亦猶儒之 國翰又有輯 餘 A. 家叉 無非 本。 如惠

名參同君乃無事焉』 叉揚權篇日 之精而韓非之論則又自荷卿正名引伸而出蓋「參同形名」者「首子「辨同異」之謂而 之道也名分不定勢亂之道也。 定位」者則又荀子『明貴賤』之意也法家正名此其柢也 商君書定分篇日『名分定則大詐貞信民皆愿黎而各自治也故夫名分定勢治 韓非子主道篇曰『有言者自爲名有事者自爲形 『審名以定位明分以辨類』 商子之論未若 韓 非 形

**巴也**。 **浮雜** 術, 成; 談, 珍之貴之神之如是則說恆行矣。夫是之謂能貴其貴者夫無類之說不形之行不贊之 故 軟 等 所 避 見 孔子 日 辭, 日「無易由言無日苟矣」可不愼乎」離婚失之 韓詩外傳卷五『孔子日「夫談說之 名論 日 《事不成則》 與告子 語則孔子固不 齊莊以立之端誠以處之堅强以待之羣稱以喩之分以明之歡忻芬芳以送之寶之 吾聞取于臣謂之取不曰假。」 季孫悟告宰曰「自今以來君有取謂之取無曰 君子愼之。此孔子正名論之見于他書者也而子以四教言語居二直說曰言論 事 之見于論語者也禮記大傳篇日 [論: 第五 山 知孟子 夷之陳相之徒斤斤 了子路問 荷墨名學研究 日: 禮樂不興禮樂不興則刑罰不中刑罰不中則 謂之取不曰假。一季孫吾告答曰「一、し、」、「孔子侍坐于季孫季孫之宰通曰「君使人假馬其與之乎」孔子曰: "我 亦從 廢辯 **詩外傳輸** 政子日 事于 說者也孟子正名之論 「正假馬之名而君臣之義定矣」論語曰「必也正名」詩 辯學而其所以從事于辯學者义豈不以 「必也正名乎」」又曰『名不正則言不順言不 而 辯亦可想其 名者人治之大者也 雖 爲 人且孟子嘗云 無明文可 稽然觀其 民 無所措手足。此 可無慎乎」原以正人」 『予豈好 七三 與 世道衰微邪說 諸 辯哉? 王之侃 順, 孔子正 予 則

事

亦

侃

而

七四

也。 利而 聽。 作君子不若惠 誠以處之堅彊以持之分別以喩之譬稱以明之。贈謂 君子之於言也志好之行安之樂言之故君子必辯。 「終日嗛然不言」 一子又謂子夏爲賤儒而推子貢至與孔子並稱豈不以子貢之長于言語 是惠施鄧析也。 楊倞註曰: 有作』者歟降至荀卿儒者正名之學大宏。 不順禮義謂姦說。又曰『不法先王不是禮義而好治怪說玩琦辭甚察而不順禮義謂姦說』又曰『不法先王不是禮義而好治怪說玩琦辭甚察而 施鄧析。 『此非公孫龍惠施鄧析之屬也』非十二子篇曰『辯訝譬喻齊給』 手非 第十二 此荀子之非反名者也以辯說爲用以正名爲事此儒家名學 乎荀子儒效篇云: ;非相篇日 『凡言不合先王不順禮義謂之姦言。雖辯君子不 『不邮是非然不然之情以相薦撑以相 后論 詳 叉 曰: 荀子 曰: 荷卿正名大較如是而其非十 『談說之術矜莊以 『君子必辯』 而以子夏之 叉 曰: **心位之端** 便 华山

上而 「有本之者有原之者有用之者於何本之上本之古者聖王之事于何原之下原察 立朝夕者 墨子言辯, 也是非利害之辯不可得 亦在立而非破, 何以驗之墨子曰: 而 明知 也故言必有三表何謂 「辯論 必立儀: **管而** 無儀譬猶 三表子墨子言 運釣之

百姓耳目之實于何用之發以爲刑政觀其中國家百姓人民之利此所謂言有三表 矣漢志墨家者流墨子前後尚有五家今書皆佚雖尹佚田俅隨巢胡非馬國翰皆有輯! 也」非命三篇皆有所論而籀其書亦實能以此法貫之則是墨子之名學所以正名而 非所以求勝人也或謂墨子自有主旨以立辯與名家之徒爲炫亂者不同有先見之明

本然一鱗一爪其神已不可覩矣!

蓋名學之正統然法家之書語焉不詳儒墨之論則莫備於荀子之正名墨子之經上下 經說上下大小取故據此七篇而考論二家之名學焉若夫名家之學其爲反名而非正 名其爲破而非立則非本篇所當詳姑置之以待異日。 右略論名儒墨法諸家之名學儒墨法之名學其爲立而非破其爲正名而非反名,

# 二 名之類別

善惡貴賤是也三日況謂之名賢愚愛憎是也。其於名分三科而苗墨二家之分名更 偽尹文子大道上『名有三科·······一日命物之名方圓白黑是也二日毀譽之名·

荀墨名學研究

中國語文學研究

有密于此者經上日

[名:

類、

『名物達也有實必待文名也命之馬類也若實也者必以是名也命之臧私也是名也止于是實也聲出口俱有名,

曰: 類二名皆爲邏輯之公名私名卽邏輯之專名』苟以荀子正名篇證之則所謂達名者, 『類名者以同類得名也』三日私名校釋日『私名者專有之名也』樂廷梅云『達 墨子別名爲三一日達名梁任公校釋曰『達名者物之通名也』二日類名校釋

荀子之大共名也類名者荀子之大別名也私名者荀子之單名也正名篇日 『敌萬物雖衆有時而欲徧舉之則謂之物物也者大共名也推而共之共則有共至于無共而后止有時而欲偏暴

之故謂之鳥獸鳥獸也者大別名也推而別之別則有別至于無別而后止』

正名篇大共名舉物爲例與經上達名同其大別名舉鳥獸爲例則相當于經上所舉之 馬自名學而言名學荀子之義較長。自今日之邏輯言之則大共名乃槪念外延之最大

七六

函之屬 者而大別名乃概念內包之最大者外延增加而內包即小猶大共名表象擴大而其包, 性 減少也外延減少而內包反大猶大別名屬性增多而其表象之範圍之減少

正名篇又曰:

也。

『單足以喩則單單不足以喩則兼單與兼無所相避則共雖~~~~~


共不爲害矣。

色也 害者如十百成羣毛色錯見同時並命之仍曰馬是也』馬者所以命形也白者所以命 劉念親 軍形足以喩則單形單形不足以喩則兼色色者本附於形也故共而 "話釋云 『單者如命馬曰馬 兼 者, 如命馬之白者曰白 馬。 無所 不 相 避難

"後王之成名刑名从商辪名从周文名从禮散名之加於萬物者…散名之在於人者…」

之 威儀之文也。 切雜 楊倞 名也。 {注 『刑名一切刑法之名也爵名五等諸侯及三百六十官之名也文名節文 墨子名 劉 念親計釋 學分析常較荀子爲密惟名之類別荀子反差勝於墨子也茲列 散名猶言雜名也者注散獨雜也。」然則散名者, 刑 爵文名外

**荀墨名學研究** 



正名之用

經上云『辯爭彼也辯勝當也』 此「彼」字衆說紛紜胡適謂「彼」字之誤彼者詖也爭彼者爭詖也章士釗謂彼者

他也卽名學之他詞爭彼者爭他詞之是非也自予觀之爭彼者爭彼此之是非也莊子 『彼亦一是非此亦一是非』經說下云『辯也者或謂之是或謂之非當者勝也』

謂

非反名也。小取論辯之用凡六日明是非之分日審治亂之際日明同異之處日察名實 可證顯式「辯爭非也爭讀爲諍彼讀爲非」似可不必辯卽正名蓋儒墨稱辯正名而

之理日處利害日決嫌疑者子則稍異于是正名篇日

「辯說也者心之象道也」

其名當其辭以務白其志義者也」正是此意辯說所以達意其用一也又正名篇曰 劉念親詁釋『相導以傳言辯說以達意似之故曰心之相導也』按下文「彼正

「辯說也者不異實名以喻動靜之道也」 是非也

**叉** 曰:

『今聖王沒天下亂姦言起君子無埶以臨之無形以禁之故辯說也』

此即墨子明是非之意其用二也又曰:

「辯以養故」

按『故』者所以然也與墨子『故所得而后成也』之『故』字同義『盡故』者究盡

其所以然之故也辯說所以究盡其所以然之故其用三也正名篇又曰 荀墨名學研究

七九

"王者之制名名定而實辨"

『名聞而實喩名之用也』

此即墨子察名實之意其用四也又曰:

序上下有別儒之教也故明貴賤棄相愛交相利墨之教也故處利害此則見異論異未 , 所爲有名」探名之源也名之用明貴賤辨同異然則正之之用何獨不然惟親疎有 『制名以指實上以明貴賤下以辨同異貴賤明同異別如是則志無不喻之患事無困廢之禍此所爲有名也』

可議也

四 內 包與外延

墨子名學兼內包外延二法經上日

『體分於無也』

按 外延者以較概括之原理為基礎從而推知特殊原理之法也兼者特殊原理也體者、校釋新釋皆謂為幾何公理而張純一集解則謂此乃演繹論證其說較梁鄧爲長。

較概括之原理也又小取日:

八〇

· 效者爲之法也所效者所以爲之法也故中效則是也不中效則 非 也。

胡適 謂 「此效即今之演繹法也」 詳見小取新詁。

『故所得而后成也』

原因所得即所得之種種原因原因前題也故斷辭也綜合種 張之銳新考正墨經注云『故之名義在名學中爲斷其結果之辭結果成於種種 **六**結果名學

種 原

因

|而斷其

謂之歸納法。按內包者以事實爲基礎進而推求普遍原理之法也此故卽欲推求之謂之歸納法。按內包者以事實爲基礎進而推求普遍原理之法也此故卽欲推求之 普遍原理所得即所搜得之事實張氏之言是也又小取曰:

推也者以其所不取之同於其所取者予之也』

胡適謂 『此推今之歸納法也』詳見小取新詁。

荀子名學重演繹而忽歸納其正論篇曰:

『凡議必將立隆正然後可也無隆正則是非不分而辯訟不決』

叉解蔽篇日:

荀墨名學研究

八

.傳曰天下有二非察是是察非謂合王制與不合王制也天下有不以是爲隆正也然而猶有館分是非治曲直者

邪?

合於隆正者非猶墨子中效者是不中效者非也蓋名異而實同者也。 荀子以爲先立隆正然後是非可分辯訟可決蓋隆正旣立其合於隆正者是其不

#### 五 名之認識

也疾痛寒熱體之異也此名之同異也然則果何緣以認識其同異乎荀子曰『緣天官』; 方圓黑白形色之異也淸濁緩急聲之異也甘苦辛酸味之異也香臭腥臊臭之異

篇名楊注 『天官者耳目口鼻心體也』蓋同爲圓臚同爲方趾皆具有五官以認識萬物

之同異故曰:

**"形體色理以目異聲音清濁調竽奇聲以耳異甘苦鹹淡辛酸奇味以口異香臭芬鬱腥臊酒酸奇臭以鼻異疾養** 

**追熱滑錠輕重以形體異」篇** 

惟五官之所以能認識萬物則由於心之有徵知其言曰『心有徵知徵知則緣耳

山 而 以 知聲可也緣自而 因 耳 m 知聲因目而知形顧心之徵知亦必有待於五官之接於物也故曰: **加形可也。** 心有徵知者謂心能召萬物而 知之也識能召萬 物, 故

然而徵知必將待天官之當薄其類然後可也』 **篇**正 名

者以其知過物而能貌之若見。即此意也五官與心用實相輔缺一不劉念親訓薄爲著甚是類者指色聲香味觸諸塵也經上云『知接也』 相 接 無說, 而 生識認識之道亦猶是也不 貌之若見。 知。 **篇**正 名 ·然則必爲不 知者矣故曰: 『五官薄之而不知, 可禪門謂 經說 心徵 知 根 也 塵

之而

則人莫不然謂之不

也吾人之記憶也譬諸月焉其形若何其運行若記識萬物者然則所恃者又何物乎經下曰『知而』 路者謂感覺所經由之路若佛典以眼 日常經驗(記憶)中本有月之概念存焉由是言之墨子之觀察較荀子更進一層矣。 夫所謂『緣天官』者墨子『知以五 耳鼻舌身爲五入矣。 路」之說也校釋謂 何可不 不以五路說在久。 見月而 『五路者五官也官而 然亦有不以五 知之也所以然者吾人 **久者日常** 路, 之經驗 而 名以 能認

## 一 莊子南華眞經

也戰國策士縱橫抵巇以謬悠之說荒唐之言無端崖之辭雖儒者之純實道家之淸淨, 詳說<br />
老子正言者<br />
皮<br />
班子寓言用<br />
<br />
害上知造物無法<br /> 吐辭爲經猶不能出縱橫策士之囿焉則甚矣習俗之移人也! 爲一。蓋莊子之學出於老子而發以縱橫家言猶孟子之學出於孔子而發以縱橫家言 昔 老子: 著書上下篇言 『道法自然』 莊子 物下知有物之自造也恢恑憰怪, 乃暢發其意。老子提要鉤玄莊子博學 道

六萬五千九百餘字唐開元十九年侍中裴光庭請册四子。天寶元年詔册莊子宜依舊成之自注秋水至樂二篇又易馬蹄二篇爲三十三篇中內篇七外篇十五雜篇十一凡 日南華眞經義取 漢書藝文志諸子畧莊子五十二篇晉向秀注二十八篇未卒業郭象得其書而 離明光華發揮道妙也大抵內篇莊子立言以自抒所見而外篇則 足

讀子卷頭解題記兩種

八六

傳媒子已云 篇有 **}**篇 釋 {内 外 亦 固 生 者推其意 老子之言 之自 王 自 復何害非若 盜 故 殊 書之竟以叙傳 明 者蓋 外篇 跖 得 其著書之趣也宜出雜篇 況 其 者 例 得, 岩 + 劍 作漁父盜跖 **淪** 內篇之成一家之言自鑄 五, 爲 漁 曰: 内 多疑非 |父四 心 如 可 作 **外篇** 近 有 也大抵內篇七皆抒所目得辭趣 老子 篇, 人之讀老札記而 耀 生先讀老子 率爾 也。 所 記, 注 此 讀; 不過老子 而 外篇雜篇, 談乏閎雅之致 外篇與內篇之 而 而別署爲叙錄, 內篇 則固 有所會而筆之成 雜篇 之所 偉詞, 則多老子 莊 非所經心 生 得, 未宜 書 則 別 以殿於 莊 猶 世 所 舊有; 生之見 之所 儒 也 爲 以 華 雑篇 輕 外 多 **外篇** 後, 疑 鑠 心掉之 深, 引 蓋 故別 隨筆 爲後 聞 我 而 如太史公書之終以自序班 祗 未發者 隨 以 而 叉 記 意 立 也。 雜 未能 筆 人 篇目, 援入 瑣聞, 有 一終之以天 也, 記, 題日內篇 其 未 自 不 經意 者。 語 有 盡, 備 特 標三字 公然太史 乃自 淺深 遺 心之作淺 。 下篇, 忘; 也 未 著 雜 其 以 公書 若 書, 以 則 與 別 出, 率 成 **外** {内 於 如

者, 我之所自 道德 得 心; 旗子 莊子 諡 Ė 之日 内 聖外王 內 聖之道 道也 者 內聖得 人之所共 其自 由也; 在。 外王 班子諡 工蘄於平等。 之日 [外王之道。 『維綱所寄其

指

歸,

如

逍

遙

遊

齊

物論

之屬是也

則

任

取篇首二字

·標題而

德充符 自 者, 我; 師 而 所 也。 則 虚 義, 逍 {道 以去 也此 得 爲 見 無 以 無 而  $\Theta$ 遙遊 遙遊 能 之場 累 其 明 {天 師 無 內篇 三篇, }地 者 所 放 性 內 於 爲。 喪; 之指 齊物論二篇 聖外王 言 日繕 命之桎梏。日天運言逍遙 無 乎 固 逍 遙。 所以盡逍遙遊不 心 視 逍 養 七也凡外篇十五日駢拇日馬蹄日胠篋日在宥四 不 喪其足 性言 生之主 也。 遙 同 也。 日 乏 夫 理絕名言故平等而 同 **山** 而 以恬養. 得 之之爲王 · 木 言 無 無一 也然人間 心而 **循遺** 其 道 虚己 自 斯章生炳麟之所云信有當於知言也! 知 在 亦 放 土 齊物論 以遊世 也夫 德。 之爲逍 言之指而大宗師及應帝王則所以竟齊物論 乎自· 也; 斯 泄情偽萬 日天道言靜 在, 惟 無爲之爲采眞之遊日刻意言逍遙之在 固 遙。 之孰能害。 任乎自然 逍 成適; 一德充之符矣。若是 之指也秋水言小大之齊 遙之至 日至樂言至 端, 齊物論之指 化 丽 而 與接為 者, 者為 聖, 日田子方言 應 動 能遊 樂 而 爲 王之壹 惟逍 搆, 帝 則 也。 夫 王 日 雖 心 遊於物之初。 遙於無爲日 苸 俯 與 也。 天 |然則養 德之和, 體任 篇言絕聖 地 心 於虛靜恬淡 知北遊言 仰 之大萬 菛; 平 主 性 惟 (生主人) 地 眞, 不 無 [達生] 物之富, 此言道 (故自由 之間, 死 棄 係 心 生之齊此 寂 恬 知, 未 累 而 逍 淡 發之蘊 寞 於 絕 間 不 遙 棄 寂 其 自用 而 無 }遙 {世 形 及 世 棄 所

讀子卷頭解題記兩種

八

錄者不 以 之大指 則 於 **精課** 王 物論 内 爲國家其 放乎逍遙之遊內聖之德也性命之安在物乃以徵物論 物論 故畧之也然而 聖 算焉; 外王 也 者 然莊子書三十三篇言逍遙遊二十篇言齊物論者十二篇而 五日庚桑楚日徐無鬼日則陽日寓言日說劍一言以也凡雜篇十其中言逍遙遊者五日外物日讓王日盜 則是詳 也不任自然則失其性命之情。壹任自然則安於性命之情性命之安 土苴以治 荀子則譏之日 於內聖而略於外王 天下由此觀之帝王之功, 工工子 也嗚呼莊子不云乎! 蔽 於天 (聖人之) 丽 不 ·知人。 餘 一言以蔽之日道 之齊; 事 也非所以 『道之眞 外王之道 有 味 乎其言之也! 完身 天下篇 以治 也。此 日列 法自 養 身, 可其緒餘 班子書 之爲叙 生 然,御 也。 在 無

而 衆家觀其會歸一 舊詁後人合刋 未 順 莊子言之注者夥矣要以晉向 於訓; 亦各有所蔽也儻以資參證勘異 而未 爲 覈 而 相輔 於詁近儒王先 以行, 如車 秀 之有 郭 證勘異同斯亦通人所不廢焉: 謙莊子集解郭慶藩莊子集釋於舊詁咸 象注 兩輪, 爲能會玄旨而 鳥之有 雙翼 也。 以 唐陸德 明焦炫撰莊子翼 明音義 多覈定, 爲

莊子之文縱橫軼蕩長於諷諭略似戰國策然莊子之文以無爲有國策之文以曲

是書 作直; 爲言 不 同, 而 興象則一亦不 可不知也謹就誦覽所及粗述指歸著於篇爲成學治

### 二 韓非子

因急 **活** 以武 得 太史公自敍又 弱數: 荷 國 · 蠹之書日 失之變故作孤 彊 卿, 犯禁寬 攻韓, 宾, 以書干韓王韓王 而 子者自名一家之言韓非子者韓非之一家言也非韓諸公子善著書與李斯 不名儒 韓 以求 非 則寵名譽之人急則用 稱: 嗟乎! 使秦秦王悅之斯害其才讒 人任賢! 家喜刑名法術之學而歸 草 || || || || 寡人得見此 五蠹內外儲說林 非囚秦說難孤憤』 不能用於是韓 反舉浮淫之蠹, 人與 介胄 遊死不見 **脱難十** 非病治 而 之士今者所 加之功實之上, 其本於黃老其爲 下獄自殺則是非之著書當 乃史家駁文不足爲據漢 恨矣! 餘 國 萬言人或傳其事書至秦秦王 不 務修 李斯日: 用 非所養所養 辺 為: 明其 人口吃不 「此韓非之所著書」 法 制執 儒 者用文亂 《非所用》 書藝文志載 勢以 能道 古未囚秦前 說, 御 見韓 法, 其 見孤 觀 臣 而 非書 俠者 往 下, 富 俱 憤 者

讀子卷頭解題記兩種

語文 學 研 究

徒 斯 五. 收 駁 十五. 拾 非 之議, 篇。 纐 今所 次 及 以 斯 傳 成 E 五 帙; 韓王 }+∙ 故 猛. 在 書,其 篇 韓 {書, 在秦之作均爲 事 冠 與 以 文皆 初見秦 爲 次以 未 畢; 收 錄, 存 疑 併其私記 韓, 非 所 皆 蓍 入 書 秦 未完之稾亦收書中 本 後 各自 事 而 爲篇。 {存 非殁之後, 篇, 終 名 以 其

非

撰,

實

非

非

所

手

定

也。

修術。 參同, 老第二 定名 讀 也。 『韓非著博喩之富。』 繩 五. 墨, 術 倚物 十五篇書: 者, 君 {太 切 一十喩老 者, 史 乃 事 徙。 情明是 人 無 公書 任 事 故 師, 不名一 焉。 然後 聖 而 第二十一道家言也主道第五 稱: 人 憲令著於官府, 授 非, 『老子所貴 此 執 其極 官, 知 作之學是 家, 而 循 本 ---以靜, 道 名 慘礉少 者 而 非暖暖姝 令名自· 責 乏 兼綜百 道 無 實, 恩皆原於道德之意。 虚 爲, 人 無, 氏原道: 生之所 必於民心編著之圖籍而布之於百 姝 而 命, 因 令事 用 應 名 先 變化 家 修法, 自 揚 生之言者 執, 定有 之正 藏 權第 於無爲申子 之於 執勢正 言者自 名 八, 胸 漢書藝文 也。 大指 미 中, 大 比 名, 抵 膏: 卑卑施, 以 爲 辨 也。 偶 名有 難 正 顧 道 萬 其 名 添以 出 端 以定 心之於名實韓了 以 言 事 縱 而 者 名 横, {非 有 爲 首, 自 潛 法, 相 博 書} 偶 而 爲 用 喩 入 名 者: 羣 原 形, 似 法 臣 道 形 家。 正 如 小 者 以 獬 引

=

法

臣之所

刑罰

. 姓者

也。

丸

{飾 行以 第三十二外儲說左下第三十三問田第 法家之言三十八篇, 邪第 如 顯, 「勢」 十九,安危第二十五,守道第二十六,用人第二十七,大體第二十九,外儲說左上 而 術不欲見此非之學所以自成其爲刑名法術之學而不同於商君書者也凡 則有威克 而『法』馭以 而 其為義也三日[法]曰[術]曰 術, 則不 四十二殼疑第四十四流使第四十五六反第 測日有度第六孤憤第十一南面 一勢一而 不徒 『法』者蓋 第

第十四汪守第十六備內第十七功名第二十八難勢第四十人主第五十二凡八篇言 者也日二柄第七觀行第二十四 ·勢』者也亦有雜論『法』『術』者曰和民第十三內儲說上七術第三十定法第四 **|兩篇** 術 者也日愛臣第四人姦第九姦劫弑臣

四十六人說第四十七節令第五十三心度第五十四制分第五

十五凡十

八篇論[法]

三十六難二第三十七難三第三十八難四第三十九凡五篇而辯『法』與『術』之所以

異趣者曰定法第四 而 韓非書 之中堅也其它日難言第三說難第十二初見秦第一存韓第二捭闔 十三論『法』與『勢』之所爲相須者白難勢第四十此所謂 一法

讀子卷頭解題記兩種

法之待 以 非 用 小 飛 者也其相如 非儒 ·說家言 申 道 箝, 法 家 以爲 也日間辯 於勢也日常 也。 曰 名 心日五蠹 抵蠟縱橫克 也。 口<u>主道</u>第二品 非者: 至 如十過第 第十非儒 難 日忠孝第五 第四 家言 第五, 一明術 4十二世第5 也。日 + 九非縱橫 名以 難二第六難四 之出 競林上第二十二**說**林下第二十三道 十一非道家 一
於
道 申 法 干五, 也。日 《也謹汰其》 也。 兼儒 五蠹 定法 也。日 第八 墨之義綜名法之論, 第三論 明法 「顯學第五 煩 第 十 一, 複錄其精要凡 以詰 非縱橫 法之別 上十非儒墨: 難 儒 以 也。 於術 审 百 [十二篇] 則又雜 「顯學第· 法也。 一聽塗 也。 也。日 「難勢第 [日忠孝] 間辯 日 家言 殼, 一說難第 九, 此 非  $\widehat{\mathbb{U}}_{\circ}$ 於 第 第 此 兀 拾 儒 四 黑 明 相

主之大 焉! 其 曾史 中 也; 心 余 臣事 讀 欣 敗實啓秦政焚書坑儒之端 不 戰 (韓 攻 ) ;非 爲 愛仁 君宜下懷 則 {子 也義 書雜 國 何 取諸家 上宜子事父宜衆敬貴宜知交友朋之相助也宜親者內而疏 者君臣上下之爭父子貴賤之差也, 利 焉! 凡仁 獨 儒 而 人 墨 君子, 韓 無 非 所 有 亦 取, 行 不 而 能自 慨乎言 有俠之得民 免也! 之日: 知交朋交之接也, 然余讀解老篇 者, 孔 皆以爲 墨 不 匹夫 耕 稱: 耨, 之 親 二仁 則 私 疏 國 者謂 內 何 外

事

游

靗

以不

廢縱橫

也。

雖篇

章

不

- 具而菁華日

畢

出,

庶

爲

讀者

要删焉!

爲 }中 元 爲 富 指 之爲 斯 外 肵 外 何 失仁 岁. 之 卽 事 元 以 節 宜 代 年 H **韓** 實; 類 荀 連 禮 之 别 義 {黃 人, {何 {非 情, 卿 珠 無 而 也, 所 批; 者 **秋**未 犲 之 之 {子 剽 戰 後 以 以 謂 中 舊 {本 體 之危, 剝 教 義, 尊 喩 其 心 之言, 狠 稱 有 所 儒 歟? 失 他 内 懷 宜 肇。 }E[] 尹 者, 義 而 大 人 抽; 也。 而 舊 H ) 知 章 {本, 淮 有 抵 也, 禮 而 而 故 不 有 不 貴 有 嫉 南 韓 後 故 喩, 者, }注, 知 注 |李 之 非· 翖 文 禮 時 故 所 **| 學之士 }瓚** 見唐 何 尊。 m <u>{</u>Ц <u>\_\_</u> 禮 盝 勸 疾 以 據 **注** 不  $\equiv$ 實 斥 時 以 情 趨 鄙 題 也? \*書 然其 堯舜 首 語; 衰。 情 卑 貌 藝文志 模效之場: 姓 顧 陋 彌 君 而 貌 拜 刊; 其 名; 子之爲 無 著 湯 捷; 其 奉義 而 注 所 而 詁 書, 其 武 也 明 簡 言 取, ] 不 凡 之文 則 孔 熧 漏 蠢 應瞬 載 日: 子; 禮, 人 實 雄 文 多 卷 章 之爲 為 班 義 而 以 軰 心 舛 削 數, 今 1愛而 (王 固 禮 爲 整 兼 也, 誤 三字之指, {海 去 乃 贍 修 其 君 取 外 清 約 亦 文 道 身。 而 物 臣 不 云云 儒 學, 稱 其 切 德 知, 動 父子之交 韓子 盧 **火** 體 習 於 刑 此 也, 故 矣! 文 則 名 而 事 則 以 言 不 好 吳鼐 弨 注 {注 言繁 號 情; 談, 解 純 法 知 羣 老子 者 不 連 乎 則 術 也, 如 其 書 冶田 景宋 知 貴賤 珠 {内 無 之 純 斗 辭 拾 矣! 誰 }外 耕之 爲 之 說, 儒 以 {乾 李 豧 作。 儲 加 者 失 禮 信 賢 費。 獨 [道 之言: 王 說, 德 勞, 刻 也。 之; 念 聚焉 然

卷頭 解 題記 兩

**没** 

{元

元

至

古

以

൬

有

而

後

也!

衆

禮

肖

解一書校其譌闕正其義故視舊注後來居上矣 讀書雜志俞樾諸子平議咸有匡益厥後王先愼旁采諸家而折衷以已意爲韓非子集 **籀讀旣竟於五十五篇粗有條別旁引太史公以下諸家之說以見指撝而記之篇** 

首。

九四四

孫

趙氏誤 時人也孟子於梁惠王三十五年始來遊梁當楚惠王卒後九十六年其時孟子蓋 爲長隱以爲廣不可久也』。據此則告子亦嘗學於墨子趙氏謂其兼治 矣故梁惠王 然墨子亟 蓋 之道者嘗學於孟子能執弟子之問故以名篇。 言即告子。告子之名不害今雖不可 告子言義而 以爲 二三子復於子墨子曰 |趙 注, 卽 邠 一說魯陽文子文子者楚平王之孫司馬子期之子當惠王之時是墨子亦惠王 夫何 浩生不害也。 卿孟子告子篇注云『告子者告姓也子者男子之通稱也名不害兼治儒卿孟子告子篇注云 以曳稱之使墨子而爲壽考之人也或猶及見孟子之少彼告子之年 行 以明其然邪案告子 甚惡請棄之」子墨子曰: 条盡心篇 「告子勝爲仁」子墨子曰「未必然也告子爲仁譬猶跂以 考而 亦見墨子公孟篇彼文云『二三子復於子墨子曰: 「浩生不害」注云 知, /亦無由 「不可令告子言談甚辯而 **焦理堂正義云『趙** 知趙注無所本 『浩生姓不害名齊人也』 心間百詩 氏以告子名不害 儒墨之道信矣! 不我毀」」又云 釋 {地 齒, 未嘗 亦 輒 謂

子辯

告

中國語文學 研究

當 有公孫丑 在墨孟 之間, 萬章於告子則稱子而不名蓋尊之亦遠之爾公孫丑篇孟子答公孫丑 故 兩得接焉至趙氏以告子爲孟子弟子則不然孟子書以弟子名篇 日:

乎蓋子老弟子可以稱其師於論語見之矣師亦可以面? 子之間不敢挾長而孟子應答弟子亦不稱告子之名豈非不以告子爲其 告子 有稱述其弟子之言而曰某子者然則閻氏以爲趙氏臆度告子執弟子問者良不誣也。 先我不動心』先我者蓋謂其年齒長於我也非必如趙注所謂未四十也。 命其弟子於孟子見之矣未見 弟子之明 即令告

易大學中 宋明的理學家融貫了道佛二教的思想一 **清採取佛家的方法組成了** 新底唯理派思想。在我國學術界上放一異彩合於的思想一新儒家的面目他們的本體論根據周

分析叙述如后:

中庸裏的宇宙本體是「誠」所以說:

『誠者天之道也』

『誠者自成也…誠者物之終始不誠無物』

處及其偉大! 例如要做到: 兩方面一是萬物的本質一是萬事的原理同時它自身的意義要從「用」上纔見得着。 據這些話去觀察「誠」雖是宇宙的本體却是理想的形而上的不是實體的所以它棄 「盡人之性盡物之性贊天地之化育與天地參矣」然後纔知道誠 的 用

宋明理學家的本體論

中庸

裏所說

的本體旣是理想的形而上的

滅,

那麽要創出有形的

萬物自

九七

是很困難從形而 上的 誠 到形而 下的器其中缺少一 種實質的媒介無 <del>点</del>中生有是

是必然的神化所以說不合論理的因此中庸的作者爲自圓其說計乃把「誠」神秘化認爲「誠」的創造萬物,

『誠者不勉而中不思而得』

『至誠如神』

非但 這 種本體觀旣這樣過於靈空到宋儒周子出來乃以太極爲本體太極的意義比誠大, 一包涵了原來的 誠, 或生「誠」以外還能生出「神」 和 兩種同質而 異性的「氣」

·陰陽由: 神的開發而生出人的知由氣的變合而生出形而 下的萬 物。

乾元」即「太極」「萬物資始」是說太極生出氣 『誠者聖人之本大哉乾元萬物資始誠之源也乾道變化各正性命誠斯立焉』 由 氣生 一出萬物。 二通書誠上 「誠之源也」「誠斯

立焉] 是說[誠]由[乾元]而生卽[誠]爲[太極]所生。 誠」爲五常之本百行之源即性命之本源通書說:

·元亨誠之通利貞誠之復大哉易也性命之源乎』

## 「誠五常之本百行之源也」

「氣」與「神」爲萬物形體之源。太極圖說

『惟人也得其秀而最靈形旣生矣神發知矣』『太極歐旣

這是說由太極生神由神而開發人的知

這 是說由 "陰陽變合而生水火木。 太 極 生氣, 由 金土五氣順布四, 氣 生 出 形 而 [時行] 下的萬 焉。

思想的變更也是思想的 周子把太極做 宇宙萬 進 展。 物的本質認爲由太極能 因為他這樣一說就可以把中庸靈虛的毛病免除漸漸 生出 誠 以及神與氣等這不 單是

着實起來所以由周子到張子乃創立一種「有」的思想。

|子立一個||太和||為最高 氣]的凝聚生出萬物由[神]的清 張子底本體觀的方式和周子 無上的宇 相同; 宙根源從「太和」生出「理」以及「 他的意義却稍有不同所謂方式 「神」和 相同就是張 氣, 由

大致 相同所謂意義 不同就是周子所說的氣是偏於抽象的 通而開發 人知是和周子太極生陰陽, 這 是因為 他 陰陽 以 無極形容 医生五行,

宋明理學家的本體論

極的 緣故所以由 氣 生成萬物先要經過[變合]而成五氣再由五 氣的 ]順布才能| 四

時行百物生而張子所說的「氣」 完全是實有的就是空中的大氣由氣生成萬物只

須 凝聚一番就得了現在引張子的話來作證:

「太和江 知於易者乾乎效法於簡者坤乎散殊而可象爲氣清通而不可象爲神』 所謂道中涵浮沈升降動靜相感之性是生絪縕相邊勝負屈伸之始其來也幾微易簡其究也廣大堅固起

說「太和」包涵 在這段裏「太和」就是宇宙最高的本體。 了許多理「散殊而 可象爲氣淸通而 「中涵浮沈升降 不 可象為 效法 ·神」這是說由「太和」 於簡者坤乎? 就是

生出「氣」和「神。

『太虛無形氣之本體其聚其散變化之客形爾』

這是以空中大氣爲氣的本體空中大氣爲物質物質不滅故氣爲實有聚散變化乃爲

客 形並 非幻滅。

『太虛不能無氣氣不能不聚而爲萬物萬物不能不散而爲太虛』 蒙太和英

這是說氣爲形而下底萬物的根源而其形成的步驟祗經過一番凝聚就得了。

詞則爲 周子 「中」所謂理氣二面論因爲二程子並不以氣與理是從一 和張子的 本體論都是一 元論到二程子乃變更爲理氣二面論理的專門名; 種最高 的東西 所

生祇以理氣互爲即長相混而不離萬物的形氣固缺少不了理也缺少不了氣所以說:

『氣充則理正正則不私不私之至則神』九粹言卷一

『有理則有氣』全書卷十七

質(氣)必有文 (理) 自然之理 也理必有對生生之本也。 有上 則有下有此則有彼有質則有文一不獨立二必

為文非知道就能識之』卷一

『離陰陽則無道陰陽氣也形而下也道太虛也形而上也』上

論性 理 不論氣不備論氣不論性不明』書卷六

**『立清虚一大爲萬物之源恐未安須兼淸濁虛實乃可言』上** 

清虚 大, 張子以爲氣之體程子主張理氣互合故謂專言氣不可須兼理言。

濁虚實」即理。

至於 理氣的 功 用 如何彼 「理」是使萬物所以爲萬物以及萬物各得其當的道理。

所以程子說:

宋明理學家的本體論

【中者天下之大本天地之間亭亭當當頂上頂下之正理出則不是』

『天地萬物各無不足之理』 明道先生語一

『使萬物無一失所者斯天理中而已』卷一

以上言理至於氣則是生成萬物處形質的伊川說:

所謂 「氣化」雖說是萬物生成的方式但萬物旣初由氣所化那麽氣爲萬物體質的 『萬物之始皆氣化形而後以形相禪有形化形化則氣化漸消…氣旣化後更不化便從種生去』 伊川先生語四八年

根源自然明白所以他又說:

隕石無種種於氣鱗亦無種亦氣化』川先生語一

關於本體論程子張子不同的除上面所說以外還有下列二點

氣的自身本質 張子認氣由「太和」所生氣的自身本質就是太虛所以說:

『太虚無形氣之本體』篇和

知 虚空即氣則無有隱顯: 岩謂 虚能生氣則 虛無窮氣有限體用絕殊入老氏有生於無之論」上同

『眞元之氣氣之所由生』 川先生節一

程子則以爲人氣由眞元之氣所生天之氣自然而生他說:

\_ O

## **『人氣之生生於真元天之氣亦自然生生不窮』** L

氣的生滅: 張子旣認 爲太虛卽氣氣卽太虛於是又認爲氣不生滅只有伸

屈而說氣的聚散乃屬一種客形太和篇說:

"太虚不能無氣氣不能不聚爲萬物萬物不能不散爲太虛循是出入是皆不得已而然也!"

這就是說氣自太和分散出來以後則祗有聚散沒有生滅。

·氣聚則離明得施而有形氣不聚則離明不得施而無形方其聚也安得不謂之客方其散也安得遽謂之無]

氣之聚散於太虛猶冰凝釋於水』

「其氣 聚其散變化之客形與」 太和篇

這是說氣只有伸屈沒有生滅氣的變化散聚乃爲

一種客形。

程子則以爲氣有生滅他說:

"若謂旣返之氣復將爲方伸之氣必資於此則殊與天地之化不相似天地之化自然生生不窮更何資於旣斃之 是理也盛則便有衰晝則便有夜往則便有來天地中如洪鑪何物不銷鍊了』川先生語一是理也盛則便有衰晝則便有夜往則便有來天地中如洪鑪何物不銷鍊了。讀書卷十五伊 **真元天之氣自然生生不窮至如海水因陽盛而涸及陰盛而生亦不是將涸之氣却生水自然能生往來屈伸只** 形旣返之氣以爲造化近取諸身其開闔往來見之鼻息然不必須假吸復入以爲呼氣則自然生人氣之生生於

宋明理學家的本體論

『近取諸身百理皆具屈伸往來之義只於鼻息之間見之屈伸往來只是理不必將旣屈之氣復爲方生之氣生生 之理自然不息如復卦言「七日來復」其間元不斷續陽已復生物極必返其理須如此有生便有死有始便有之理自然不息如復卦言「七日來復」其間元不斷續陽已復生物極必返其理須如此有生便有死有始便有 上同

|朱子却把理氣先對立而後互立所以可說程子爲理氣二面論||朱子爲理氣二元論||朱 着認爲宇宙 : 程子的理氣二面論到朱子又改爲理氣二元論本來程子也是把理氣二者對立 事物的根源照理也可說是理氣二元論但程子把理氣先互立而後對立,

|子

天地之間有理有氣理也者形而上之道也生物之本也氣也者形而下之器也生之具也是以人物之生必稟此 理然後有性必稟此氣然後有形』九答黃道文書

理有 却 不互相抵抗或各自分離還是有密切關係常相依附的所以結果還是互立 程子說: 氣 中間 「有理則 少 一則字所以 有氣」從則字上可以表現出程子理氣是互立的朱子說「有 表現出理氣是對立的但朱子又再三聲明理氣雖對立, 立的他說:

有物而已有物之理然亦但有理而已未答有是物也」《友書》 與氣決是二物但在物上看則二物渾淪不可分開多在一處然不害二物之各爲一也若在理看則些未

"理與氣本無先後之可言然必欲推其所從來則須說先有是理然理又非別為一理卽存乎是氣之中無是氣則

是理亦無掛搭處」一理氣上

『只此氣凝聚處理便在其中』 上同

朱子雖把程子理氣二面論改爲一 一元論; 但理氣的原義並未失却從 上各條可以 證

明。

朱子的理氣二元論出來後陸象 山王陽明二人還是同樣的主 物的根源陸子說: 一張並沒有什麽 變

事萬

更陸王二人亦認爲宇宙有理與氣爲萬

『此理充塞宇宙如何由人杜撰得』 "此理在宇宙間固不因人之明不明行不行而加損焉。] 十五語 鉄

朱元晦春

是陸子說宇宙有一 種絕對獨立存在的理。

這

此理在宇宙間未嘗有听隱遁天地之所以為天地者順此理而無私耳人與天地 並立而為三極安得自私而

順此理哉] 與朱濟書

『此理坦然物各付物會其有極歸其有極矣所過者化所存者神』 奥趙監書

這是說理爲宇宙萬物形成的根源故天地不順此理則不能爲天地推而至於人不順這是說理爲宇宙萬物形成的根源故天地不順此理則不能爲天地推而至於人不順

来明理學家的本體

此 理亦不 能爲 人但理是無形方面 [的根源爲性命所本至於有形方面的根源爲

所 本的却是氣所以他也認爲除了理以外還有氣質在下列言詞中可以證 明:

·人生天地間氣有濟濁心有智愚行有賢不肖必以二途總之則宜賢者心必智氣之淸不肖者心必愚氣必濁。

包詳道書

陸子認爲心卽理這裏所說的 心就是理故從氣有淸濁心有智愚可知氣與理對立爲

形成整個 人 類的根源之一。

以上是陸子的話至於王陽明呢也有同樣的話:

·心之本體即是天理天理只是一個更有何可思慮得天理原自寂然不動原自感而遂通學者用功雖千思**萬慮**;

只要復他本來體用而已』 道通書之一。 傳習錄中答問

體。 這就是他以天理爲吾人性命所本的話可見他也承認宇宙間有 種理爲萬有的本

為同此一氣故能相通耳。 風雨露電日月星辰禽獸艸木山川土石與人原只一體故五穀禽獸之類皆可以養人藥石之類皆可以療疾只 錄傳 下智

這是他說氣爲萬物的本體物體的根源。

從以上陸王二人所說 的話去研究可以知道陸王對於本體論實是語焉不詳這

論; 裏 經過相 面 有一 種特 當 時間, 别 的原 乃轉變爲討論認識問題如王陽明所說的 因什麽原因呢就是理學家的思想開始是偏重宇宙問題, 一的討

話; 都屬於認識 問題所以陸王二 一人因出世較遲乃注意認 識 問題 良知, 的討論對於本體 及[致良知]的

問

題, 祗有承 傳先人的觀念未加闡發故語焉不詳 這 一點應當. 加以注意 的。

從上面諸子的本體論去說雖各有不同但有 一點是相同的就是 大家 都 看 重

理」所以他們可稱爲唯理的哲學。

# ——虹橋修禊客題詩傳是揚州極盛時勝會

,不常今視昔我曹應又有人思 遺雅雨詩

**惠**月 吾 入 多至 雨 都前, 鄕 任子田 (見曾) 爲 七千餘 有 往來揚州, 廬校輯 清乾嘉之際揚州 人而 大椿顧九苞文子相繼 先生 典籍, 清 與惠棟沈大成爲忘年友(註一)當時揚州 兩 代樸學 任運 不下十數種; (使主持: 人文蔚盛鬱冠宇內 大師若吳派之惠棟皖派之戴震皆曾客盧所爲 其最著者若感舊集之校定 風 而 雅獎掖名流海內談士依以揚聲虹橋修 起。高 郵 則買 溯 厥主 田 祖, 因不出 王石 風 **臞李孝臣**寶 山左詩鈔之蒐選戴 風會所使蓋自德州 氣已開· 小學 應 則劉 校讎 禊詩, 座 端 在 和 派, 未 酒。

焦里堂先生評傳

雄

傑,

代

經儒

若錢辛

楣,

王

西

莊程瑤田肯甚推敬之先生

壯

年.

即名

重

海

內少與阮元

徐

復及寓

居

揚

州

之凌廷

堪先

生並皆

繼賈王而

起

者里

堂

先

生爲

揚

州學

派

第二

期之

江

都

則汪容甫

並研精漢學各樹

幟。

再次

(則焦里

堂阮文

達,

E

引之黄

承

吉,

江

藩,

鐘

俱負 {儒 焦君 時 {傳, 望, 而 (註二) 元 爲 以表 先生傳自以爲不及稱先生爲學博大精深不媲通 服 膺。 今以籀 討 揚 州 詻 賢典籍所及為里堂先 生評 儒故署所撰 傳 一 篇; 非 通

論 前賢, 「聊爲 已仰止之私云耳!

授 氏 以 馮 (註三) 曾祖 以詩能 問 固以易名家故先生得飫聞外家說易之法。 陳褚衞之 里堂 曰: 子能誦 先生名循一字理堂晚號里堂老人世居 識 源祖鏡父葱三世皆治易學而先生妣王夫 馮。 聲韻八歲隨 之乎! 先生笑不 先 長者至公道橋阮姓祝嘏壁上詩有馮夷二字祖績園 · 曰: 生日: 「固當能誦, "舌嘗讀楚詞, 不致資 (註四) 此字音皮冰 江都 以馮爲縫三 年六歲從范秋帆先生受業。 人 北湖黃珏橋分縣為 爲 切乃馮字也。 耳。 明王 或笑曰: 吏部納諫之玄孫王 甘泉縣 座客靡不 此百家 先 先 生, 生 姓 顧

於經學而以 爲 諸 感大人 城 劉 文清 **減** 州部交契最稱莫逆者則有興化顧 以見意。 公。 以詩 (註六) if 物 引 知文清勸即 喩, 惨惨難忘 鳳 深爲 毛超宗名儒文子之子也文子固 人 所 稱 誦。 自得 文清之教 (計五) 文清卒, 益 肆 早 Ù 力

奇

之。時

外

舅

阮賡

堯

先

生亦

在座,

卽

以

此深契先

生而;

結婚姻。

年十七

就童子試督學為

中用

和

馨

字受

學

經以

足用;

先

生深德之。

西京拘· 汗詩 敬 稱 頁 條, 以之付刊(註十 遞 問, 何 時 經 月, 云 卽 有 外用: 爲 以 而 至 未 學 所訂 明 置 徴 哀之,庚戌授徒深港潛 嘗 規正處己 雄 云。 北 守之法 蓋 其神若 引 去, 櫛 湖 海 浩博考核 非 先 正, 訪 沐, 内, 生 覆 有 胎 先 食 先 而。 樂蓋 論 醬 此? 書 接物之道不媲直諒多聞 生。 生. 臥 一鄭氏而 榮雷 瓿, 先 居 不 旣 樂與 詳 海 生 先生 半九 卽 雞 與 之說, 明城 飽 以 内 喪 招 貫通; 霤 血血 規 學 愧 宗 書 次, 之。 涂壇 天 腹; 人 不 心 以 而 塾 游, 其經注炳如日 先生 子 交書 於經撰羣經宮室圖二 謝焉! 主 而 中, 孝 而 諸侯皆立 學之等 處 鄭 闡 抵足夜語有 肵 一復書 士 相贊 君 學益 於 (註九) 之論, 能 鄉 有。 一發抒己 也」(註十) 吳 屈 可 進。未 里。 意 中 唯 稱 後嘗舉以語子廷琥曰: 明 註 星不難於阿 終 :不相能 四 几 精 江 幾同 意類。 八 覽, Sn] 艮 霤 細 戊申 天 非 庭 無 超宗 子 以可 匹 感 遺 處 卷, 者輙貧 大 有 阿; 於 爲圖 超宗卒 議。 士 自 故; 附, 芝, 引喪 否, 世 對 向 文子 往註 之諸侯! 丽 書 則 不 氣 人 五 i 難於精核B 也 大記 於郡 中言 輕易 十篇, 誠 新 先 相 劐 爲 著 角。 生 先 明諸 今之古 無。 位 城。 超宗 超宗 許 病 逝 生 議 書, 宁, 後, 自 人, 致 果有 論 侯 榮雷, 生作召 閱 切責 丽 膃 就 不 殮 人, 徒益 往 有 者  $\Pi^{\circ}$ 對 館 及 以 復, 樂, 不 門 門 葬, 翻 先 曰: 郡 豧 以 勝 引 氽 城, 八 學 鐁 欽 基 閱

\_

學山 復召 榜 加工 應 靗 肵 [1] 趨 己之所學而 南 心 m 先生言 樸 ·得 元; 老名 經 風氣 鄕 不 發下 足, 則 之法 先 學頗 東, 試, 第調 生 召 中式 紛紛, (註十 爲說; 王, F 經賴 往 先 屈 加 益自信三月初八日入 自用之一 四而 人矣! 生游 如是 舉 游, 別英煦齋先生先 欽 至有 先生不 以 敬。 人。 壬 有 魯文達 也抉擇精 浙江 阴。不 桐 乙 來賀者先生自 一卯先 知所 叉 曰: 城 戌 ·則其書自在, 姚 春, 詩 聽人之去 音旣 入都 趨, 生 姬傳先生公子已欲得元; **鈔** 考試 應阮 微, 乃核是題神理以爲文法出場同人傳觀皆甚 **卷**。註: 會 不 生意甚惜 與 取, 召,自 《場題爲「爲人君止於仁爲人臣止於敬」。 先 為墨守此先 思會元 試, 不 謁 生同 庶 非易者所能蔽詩箋多異毛傳禮注屢更先鄭 必 十三庚申 東昌至 趨 不 旭 之日 卷至 師 失乎已耳』(註十三) 風 負 英 鄕 氣 宋乃拆! **贮齋** 阮 登 里重 主 生 <del>-</del> 吾 州, 司 任 初 所見試 見先生文自失日『元當讓焦某矣』 先 好 巡 有 望; 期 2生先生日: 山左 日間 尚之不 而 爲 撫先生復游浙辛 叉 學之態度 詩鈔 爲姻 何 文二百餘首唯子文第一 得 先生平昔每 同, 往 親, 知 <del>\_</del> 企此 趨避 卷。 對先 吾 往 也會儀徵阮 至於 知子 丙 酉 辰 阮督學於浙, 生淡 」場中粉 之字里堂, 於外初十 春歸 稱 持 相 道以爲必 此論, 反; 泊 文達 莫若 揚 自 州。 守勤 紛 鄭 聞 以 煦 據 秋 氏 江

則 無 が之 き き 王 尙 與 旟, 彭 曾 一公相對 向 彭 尝 綶 眉 然。 朱 石 註 君 -兩 五 先 生,道 先 生亦 子 ·文之善時? 恝然置之四 彭 月二 先 生亦 -+-六日出 舉 江 西 都 佳 爲 Ŧ: 篇, | | | | | | 榜

記以試: 學之證 知,日 仿東 恕則 {義 家 戴 旨 恕之說未 西銘太 東原 **疏** 者、 爲 中戴 能, | 證 爲 莫 爲不 如 其 異 所 而 事阮文達了 發明 孟 權, 及 書。 極 著孟子字義疏證, ·然先生日: 篇以 暢發。 之義 』(註十六)「 小 |子; E 孔門 道。 復以 義, 《張之以王 理 也余於 以格 又召先 禮, 孟子之言參之然後 (註十七) 貫仁 於理 日 戴 物致 在, 一恕之說 乃撰 東原 以爲戴氏生平 生游浙冬始歸 道 惕甫未定稿所載 氏 日 |君子小 7所謂義 知誠意, 天 論 命性情之名揭 臨沒之言知 可與 **}語** 7理之學] 人以 正 通 東原媲美乙丑有勸 心, 知 釋十二 孔子之言, **强人之道**; 所著書唯孟子字義疏證原善三 揚 修身齊家治 可以養 上元戴 其 州次年秋撰論 篇 生平 而 明之, 日 行善述 唯 參孔 聖, 所得 心者; 在 國, 日 如 兴天日; 平 子 大, 力, 乃 之言。 天下, 日仁, 恕。 東原臨終之言, 語通釋 先 丽 東原自得 唯惜 生應· 精 仁 靡 百 恕 且 魄 更部 不 所 則 私 其 之義 卷。 先 於孔 貫 屬 爲 淑 由 試, 此。 聖 孔 忠 專 一卷最 爲排斥 爲 人 子 恕 門 生 且資之者 理, 在 不 初 書 in. 非 而 貫 爲 得 學, 講 頗 汓 {字 仁 善 其 壆

焦里堂先生評傳

四

於古然不 實, 其 古, }經 言。 書, 丢 著書章 誠 己蹈 二也行 · 豈 其 及揚 恆在 生 稱, 則 圃 蘭臺舊聞: 殷竟 播自傳聞, 斷 有 以 樓。 書辭 **孙** 虚 無 詭 不 狀行 設 誣; ग 冤 文粹 足不 其老 以 此 夏病 徒 有 設 理; 之 曰: 所 如 易其 述, 纂 皆 鐅 屋 而偏爲 入 由 兩 小 作 空 來 錄 用 城 日: 冬卒先生哀毀成禮克 書(註二十)先 「生母 **(名,** 則 :於子 半九 乎? 成 吏書供前 誣 市 卽 若 至確此浮生之錄不及趙逸之舌也以其不見於書 書 書 僞 者十餘年。是歲 1纂錄之體] 孫所 者夫汲 之病。 書塾, 殷病 己 使 非行 半 万胎 生 朝 爲 復構 雖 稱 纂錄, 類聖亦仍而 狀 於古者 愈而 不 以 所頒 行 書 而 樓日: 述矣若已易其 半 其 伊 伊 神未健此不 篡而 湿其 出 書實 條 太守諍之其言 墨 交即 心 例, 雕菰 卿 列之乎不合二也且事 裁, 孝。 占 僅 先 編 用纂錄 自 之; 述古 則 生 樓, 是醯 先 一來守 喪後, 有 北行之苦非樂 名, 府 |不及今 驗 湖 而 君, 醬 於今 揚 曰: 不 小 光 仍繁以行 合於 將 易 有 州。 Ц! 「近 足疾遂託 仍 者, 時 色之勝; 丙 字; 其 寅 酒 事。 時 無 聚狐貉蒙 若郡 稱 書 朱 延 安佚輕仕 狀行 原 乎? 竹坨 標以 名 先 (註十九) 抑易其 縣 諸 生纂 疾居 p] 而 典 述, 志書, {日 出 述; 微從屏棄 修揚 籍, 則 處雖 進也」(註 於 黄珏 }下 無 而 名 名 盧 蓍 而 絺 卷 讀 其 爲 乎? 絡不 侔 瀾 數 取 洲 書 橋。 徴 Th 印 閉

焦里堂先生評傳

於同

拯

馬

壯

也,

何

以

旣

見於復又見於明

7夷密雲不一

雨

之象,

何以

小

畜

與

小

過

同

會於雷 時,}錄 集腋 古昔; 文 雨 摭 遷 旬 何 年。傳 粹 取 存 如 利 述 冗 輕 警志 揚 雜 注, 病; 成 荆 不 費, 目 至 先生為 塘之阮 伊公雖 州 裘, 稿, 合 且 軻 而 之事, 考核, 先 次第爲目錄 醸花 重筆, 前 四 數 生 ·10. 百 後 隨 事 雷塘話雨記敘其 父 公樓語及圖經因詢交粹并與伊 納其言惜未幾丁 爲 史傳之文互 言, 亦 相 筆記 有 佩 蜜; 合三 不 間, 關 士, 一合則 稱 不 乎揚 學易 錄, 容 也前古之書, 國 卷名曰 次 備 策; 簇 爲 一爲詳 不 者, 爲奇 但 載, **形記** 倦 礻 明言所 仍 **憂去**; 將裁 必揚 事(註二十三)未幾伊公卒於揚州。 先 揚州足徵錄文粹存揚 觀, 略; 六卷先 生 析 或數 丽 事未果行後乙亥伊公入 則 幼 人 此篇 本, 彼 年 之文也(註 行之 傷其零亂不合五 不 偏 定意待彼 生 卽 復瑣 辭, 於易, 好, 中,僅 成 公遨遊隋煬帝陵及古木蘭院。 我 述 嘗 本 專 取 二十三 書 有 疑 而通; 名; 業。 — 語, 家 ·人 夫 蓋義 八之文非 學祖 號 一个節 也。 憑我意 割之則 班 晀 固 文生先 各 都道過揚州, 也, (註二十一) 取 改 有取 何 揚 先生乃檢 二二字已· 派絡不 爲改 ٠. 一端莫測 以 州 旣 生 也。 者 移又 條 見 研 先 不 完, 舊簏, 於 求 生 取 與先 舉 名漢 首 舉 備 旋, 尾是 {易 修 也。 斯 前 斻 之 學 足 收 叉 生 言, H 歸 書, 則 馬 相 掎 必

語文學研究

豐之日· 先行 先 通 五; 之仍大中而上下應如乾四之坤而成小畜復失道矣變通之小畜二之豫, 匹 此 + 後, 迪 元, 所謂 復精 庚三 之井二之暶嗑 復 膚, 而 初 自 書。 不能 - 與五 一日之占, 卽 上 謂 中卽噬嗑之日 時 後初四三上為當位; 研舊 Ţ **卯**病 暶 行 下應之此變通不窮者也。 所 嘘之噬 應姤 /悟得者 ·也。 易三與上易, 稿, 此 悟得 危以易未成 何 例之義, 以 Æ, 初則能應小畜四 膚坎三 豐五 洞淵 有三一日旁通二日 **惡象與異象相例丁父憂後乃徧求說** 中漸上之歸妹三歸妹成大壯漸成蹇蹇大壯相錯成需故歸妹。 出於相錯。 本卦 之渙二豐上不能應渙上則能應井三不 九 不俟二 之離上成豐暶 爲 容 憾病。 之術; 無可易則 不能 或 ĪĒ, 如 實 廖盡屏他務 (通於易) 而 暌二之五 初四先行三上先行則上下不能應然能變而 旁通 應豫四則能應坎四之離 相錯, 初四三上先行爲失道易之道唯在變通二 嘘 於他卦。 上之三 乃以 三日時行旁通者(註二十五) 爲先妄并二之噬 專治易學遂成易通釋二 數 亦 之此 亦初通於四二通於五, 成 北侧求湯之比河 豐富 易 之書閱之撰述成帙甲子 順之 上成井 嘘 搥 應暶 B 五, 戾, 亦 例, 嘘三 豐 [1] 爲 於是 在 五, 十 失道兵變 離之日昃 无妄: 姤二之復 三通於上 本卦 卷。 则 擬 故 能 撰通 初 通 五 應; 與

焦里堂先生評傳

餘篇錄凡 篇, 梁三書前後籀討凡數十 得 顧 機易學三 履。 以 例 除 存之得二卷日 發明 須 雲霧, 亭林 臨二之五, 爲 人 之即需 集以至 復 主, 起, 無論 自 旁 號 n] 謂 洵 貧 友朋門弟子 \*書, 咷 通 舌 也。歸 共四 密 不 精 相 卽 其 [易話自癸酉立一簿自稽所業得三 雲, 易斯言矣』(註二十七)而王 **音以爲天之未喪斯文必有** 錯 臒 湝 銳 之兵。 一十卷先 時行之義。論十 二之謙 蹤 妹四之漸 名與 詞 跡 曲, 所問答及平昔所考究之心得錄入 否, 甚 必 生易學 年乃成先生之心力實耗於此阮芸臺先 細 (註二十八) 五, 顯, 必 初漸成家. 比例 讀 詳 蒺 藜樽 至再. 閱 心易通 旣 篇, 首 心有所契例 蓋 成, 破舊 尾, 酒, 數 先 小 假 人歸妹成臨臨通 车 借 訊 生 釋 有 伯 中有 聖人 旣 所 易 之非(註二十六)復成章 μŢ 申 學, 成, 則手錄之如是者三十年 得, 據。 先 復提其 復 如郭 隨 不 必 生 起, 筆記錄 手 拘 卷日注易日記 亦 守敬 未発 錄 守 以 之。或 漢 要, 遯, 先 相錯為 太過, 為圖 之以 魏各 焉三書外多有 之書編次之得二 生 友 <del>---</del>1 說 一茲之處處從實測 朋 實 師· 潞 易諸 生致 {有 謙履 法; 又有易廣記三 以 測 八 十 二 卷凡 著 得 唯 手 作 條, 書贊之日 故 天 以 所餘復錄 鑿破 錄 掛 卷。 眇 來 行 能 + 總 者, 爻 Ħ. 也。 篇, 無論 經 视, 混 卷, 先 稱 而得 跛能 沌, 文 {雅 生 原 北 每 丽

甲

戊 秋, 令子 廷 琥 編 寫 旧錄 得 Ħ. 十 卷, 曰: 里 一堂道 聽錄(註二十九) 叉於戊 寅年 夏, 撰

明之他 {補 通 借 **孫**二 解 卷叉 之法, + 如 卷。 曰: 讀 尚未 彭 爲 <del>-</del> 旁借: 說 遠 漢 於 馬 雍 易 · 者 多 者, 鄭 爲 諸 甕, 毎 解土 儒, 通 惟 孚 為 貌 弼 爲高 之說, 浮, 而 然弼 訓 簡, 故 爲 疏 務躁; 之解箕子乃用 者 視 解 斯 爲 至泰誓其篇 空論 爲 廝, 趙實說, 耳! iffi <u>\_\_\_</u> 釋 爲 因 **溅**賤役蓋 孔穎 爲 {周 易 達 以 王 不 {氏 六 能 書 申

詩 飾, 衍 {鄭 之 (氏 毛 卽 爽 鄭義有 用 箋 (孟子之說大悖) 補 以 亦 爲 疏 異同, 已 不 五 卷叉 飾此 存且其記 然正 左氏 以 義往 預 『左氏 為司 春 {秋 往 馬懿女壻 **)**善者; (傳 雜 集解所由 鄭於毛比毛於鄭而 云: 稱 馬 作 君, 目 君 所 也萬氏充宗斥左氏之頗惠氏牛農 見成濟之事將有以 無道; 稱 臣, 聲音訓詁 臣之罪」 {尙 書 爲 {孔 疏 杜預 昭 略亦 {氏 飾, 傳 且揚 多。 且 豧 有 乃撰 以 其 詞, 卷。 顧 爲 氏 懿 {毛 而 棟 師

人

作

傳,

何

可

一般之

非

鄭

能

及。

因作

疏

以

補

疏

以

誑

尙

書

以孔

}傳

爲僞

然堯

典以下

古

不

僞

11

卽

魏

語 時 爲 書所以 大 磁 Ŧ 發 萬 明伏羲文王 世 制 禮 之法 周公之旨其文簡 而 訓 詁 名 目 亦 所宜究 奥惟 孟子闡發最詳最密論語一 撰禮記鄭氏注 補 疏三 卷列以『論 書之中

高

糾

杜

氏之失

然未

有

摘

其姦,

**發其** 

覆者』

撰左氏春秋傳杜氏集解

補

}疏

五.

卷謂『

禮

參 猛 磋之益, 先 天元 卷(註三十二) 復校謄寫, 卽 者。 於 嘉 之疏 有不 日,泽 伍 起, 生 天 慶 消之故條 江意 錯綜 文 就 諸 易 庚辰七月二 通 書及 夜 達, 算 學 稱 來 開 則 爲 術, 旣 引 明, 交吳中 專說孟子而雜見 卷, 談 所 極 筆, 申 分 時 成, 思者, 李仁 、天三友乙 類 縷 卽 觸 有 析, 污 + 類, 七日, 李尙 意 其 發揮 }通 卿 一一檢而 尚未及半元 互相發 秦道 爲孟 釋 無復 卯 之先生飲縣汪孝嬰先生凌次仲 得 {子 卷, 古之書二君未之見 在 年 一鼓後不 明者, 弛, 於 }iE 浙 五 考之至次年七 餘蘊自李欒城郭邢台之後爲 以述二家之學尚之爲之敍云 立簿 他書者; 而先 {義 得益古演段測 十八 亦 與 、歲(註三十二) 寐, 逐 書。 生已歸道 易 擁 日稽 一一纂 乃 被尋 於 例同; 月十四日 省, T 主, 丑先 圓海鏡 思某處當檢某 出, 山。 如前 也先生又得秦氏 先生 撰論語 依 距生於乾隆癸未二 注易之法, 爲長編 次 [凡七閱] 編 思 書急寄 先 深悟銳於學 爲 {何 令子 氏集解補疏二卷(註三十) {長 此 生, 月而 學 此 先 簡 書某處當考某 {編。 者 所 與 廷 攑 書 生自 至 尚之先 草稿 長篇 戊寅 未 琥 於 爲 無所不 |月之三日, 查 帶 謂 }數 如

成次

(為三十

|冬十二|

月

初

之可

採

與

書,

天

阴

寫

前

儒

考論

此

妙

也。

註

學大

因

母,。降,

深

得

朋

友

切

窺,

尤精

一歿於

生;

尙

之

分寄

同

數

---

所當 呼應頓 **縷述者未嘗溢於所有之外且向** 之水隨 毎 指 變人以爲博耳達之於隱微曲折窮其原人以爲深耳譬如泛舟於湖湖港泮繁多, 者非徒質言之也」(註三十五) 欲 所以言之而 **昔論文主旨在於自然嘗曰** 三十三〉先生生平最愛柳州文二十年習之不倦謂唐宋以來, 質言 爲 而告之終茫然莫能釋及往來其間, 然改 ·而不 庸醫所詬, 《挫之間, 高 何 主徒具間架斤斤於字句之間,其與汪欽萊論文書總論爲文之二端日意日 非深 在而 下 曲 不可不質言之也夫學充於此而深有所得 博 病 爲是喋喋也是故學爲古文者必素蓄乎所以言之者而後質言之古 是揚行潦 折 以爲波濤, 往 不 往 可 爲 其 支; 以爲瀾 應 非深 如 水 學者以散 叉 曰: 響, 不 又未嘗不詫爲神奇。 者, 博 知 列枯骨巧荄吹嘘之以爲 土人之所述今且得而自述之矣醫之達者 不 也倘無所以言之者而徒質言之諄諄於字 『文有逹而無深與博達之於上下四旁所以通 可論 歷有年所而支分派 行 人之文。(註三十六) 爲古文散行者質言之也。 不 知 則見諸言者自 第明 別瞭然於胸 氣뷃襲雷同犐樇可憎試思 抉論 其 人而已(註三十四) 所以 文 其質言之何 (然之故) 心貴能 中乃知 然成 文。 得 其 而 土 句 如 爲 行 治 土 人 開合 也? 江 而 文 所 文 人 其 河

不 緣, 言。 所 不 人 之所宜所謂! 明意 也。 狀, 止。 若 先 吾 剿 人 歸, 事 辭有 阮 所 **党以事不可** 事之本 生 襲, 『事之所』 之所 無 窮文之所以主 爲 伯元之清新 茅 共 取 文 堆 所附 乎 在, 知, 類修潔 · 操, 爾 吾 不能 不 末, 或天象算 世! 其言 必瑣 不 可 亦 計 虚, 미 明其 明賴文明之或直斷或婉述或詳引 有法, 可誦云著述凡四十餘種 以 其 細, 於 意 曰: (註三十七) 陳 爲三 明意 事而 數或 可 亦 ---唯有 眼 不 以 風 百 前 必 縱 而 明 止。 Ш 言之有物, 篇為 之景意 時 論 ·明其事; 不 事, 也。 川郡 世者 亦傷冗曼風骨不 瑣 然說經之文, 且. 漢魏, 主意 細。 縣, 1無性情, 患於不實際 中 全視爲文之取 或人之功 之情, 不主巧麗以取容蓋: 爲 興 事 初 (主於意) 子之所 宜 三百七十餘卷今據其子 盛中 無景物以交遊聲氣供其諛諂 以聲韻形容之遂若人人所不 業道 明 飛。 晚爲四靈爲七子唯本其 其 於學 明闡論等 這德國之興· 資何 而意 意, 證, 患於不 或設譬喻, 無 如耳! 必 化於經循: 所不 亦有感於當時 爲文之領 而 精; 衰 通而 先 隆替, 或假藻: 學 生論詩尤 者 廷號所 就文 域在 敍 知 以 第一之不一 及 明 績, 章 之風 為攀附: 意 能 水意 事 丽 撰, 論 以爲 道; 主意 之難 其 物 氣 與 之情 而 口 意 之 有 而 實 事 假 於 而

焦里堂先生評傳

鏄

中所

載

全書總

列

后:

卷**釋**弧三 統考證 五十卷易餘籥錄 潭 經 卷。 ₹補 宮 }劇 流 室 一卷釋輪二 卷。毛 說六卷雕菰樓集二十 圖三 一卷易學三 鄭 卷形記六卷揚州足徵錄二十卷焦氏家乘 詩 一卷釋橢 十卷里堂札錄 異同 釋三 書四十卷易廣記 一卷開方通釋一 一卷毛詩草木鳥戲蟲魚釋十一 pu 8年中前紅河 四卷八五 Ξ 二卷注易日記一 卷種痘 偶談 卷里堂家訓二卷憶書六卷加減乘除 書一 一卷沙疹吾驗籍一次 三卷易話二卷禹貢 一卷時文稿一 卷。 八卷北湖小志六卷書義叢鈔四十 語通 一卷易餘集 一卷孟子正義三十卷三禮 老醫說 {鲫 是 程二 名 詩 記 一卷唐赋遇一 卷李公醫記二卷花部農 釋八 址 7卷里堂道聽姓 卷。 一卷唐人五絕 党 元 一 釋 二 产二卷**陸**雙 便蒙 四、陸卷。機 錄

|選 卷。

樓叢 {冤 具 {生 有 著述 服考 慧 其 未 潘十 符之處里堂 著 法曾令其 心, 考中 能 註 述 傳家學, 有 四 十)讀 寒家 種, 四 而阮 步籌 十 **滅有揚** 著有 書 先生子廷號字虎玉 五 推算, 種。當 小 . 氏文 記(註 密梅花館詩文錄, 以驗 州足徵錄及揚 選樓叢書亦有一 時 四十一) 卽 得數百 分 Ē 等書亦 刊 能 不 未 失一 世其 刋 州文粹殘稿三 (註三十八) 種傳硯齋叢書 及草 擅精數學十 著有 學阮伯元於定香亭筆談 稿 地圓 {因 ※柳 類。 一册與已刊行之足徵 說 四歲, 其後 閣詞鈔(註三十九) 有 隨先 卷(註四十二) 四 陸 種, 續 生至浙。 别 收 詳 入 曾贊 叢 拙 里 }倘 耆 書 堂 绿體 焦里 書 其 者 有 知 先 讀 }神 平 生早 孔 堂 書 {雕 圓 例, 頗 亦

之劬竺款誠尤爲後所僅見者也鑽研遺集爰述斯篇挂漏之譏自知不免大雅宏達有 謙以自牧卒爲通儒而博聞强記識力精卓每遇一書無論隱奧平衍必究其源其爲學謙以自牧卒爲通儒而博聞强記識力精卓每遇一書無論隱奧平衍必究其源其爲學 **覓盛名能絕意仕途閉門著述潛心究易精詣過人而當時處逸大儒又無不奉手受教。** 

以鑒之。

(註一)見揚州畫舫錄卷十盧見曾條

(註二)硏經室集二集卷四通儒揚州焦君傳

(註三)見焦廷珑撰焦里堂事略(雕菰樓叢書本)

(註四)見雕菰樓集卷二十三先考事略

(註五)見焦廷琥里堂事略

(註六)見雕菰樓集卷一處大人賦序

(註七)見焦廷琥里堂事略

(註八)見硏經室集二集卷四通儒焦君傳

(註九)見雕茲樓集卷二十一顧小謝傳

註十)見焦廷琥里堂事略

焦里堂先生評傅

(註十一)見雕菰樓集卷十四復江艮庭處士書

(註十二)見硏經室集二集卷四通儒焦君傳

(註十三十四十五)倂見雕菰樓集卷二十壬戌會試記〈言一言〉) 植希兰生 医外见线性丛宫

(註十六)見雕菰樓集卷七申戴

(註十七)見雕茲樓集卷十六論語通釋序

(註十九)見雕菰樓集卷二十九半九書塾記(註十八)見雕菰樓集卷十四答鄭耀庭書

(註二十)見焦廷琥里堂事略

(註二十一)見雕菰樓集卷十三上郡守伊公書

(註二十二)見雕菰樓集卷二十雷塘話雨記

(註二十三)見雕菰樓集卷十六揚州足徵錄序

(註二十四)見雕菰樓集卷十六易通釋序

(註二十五)見雕菰樓集卷十六易圖略序

(註二十六)同上見易圖略序

(註二十七二十八)倂見焦廷琥里堂事略

(註二十九)見雕茲樓集卷十六里堂道聽錄序

(註三十)同上卷十六六經補疏序

(註三十一三十二)見焦廷琥里堂事略

(註三十三)見焦廷號里堂事略

(註三十五)見雕菰樓集卷十文說一(註三十四)見焦廷琥里堂事略

(註三十六)見雕菰樓集卷十文說二

(註三十七)見焦廷琥里堂事略

(註三十九)有傳硯齋叢書本

(註三十八)有文選樓叢書本

(註四十)有積學齋叢書本

(註四十一)有郷齋叢書本

(註四十二)見清史列傳儒林傳

焦里常先生評僻

三五

### 近代提要鉤玄之作者

晉書比於稗,日家言宋史冗蕪尤甚有纂言欲鉤玄而摘比字句無當宏旨者如魏徵之 多學 史則有劉知幾之史通論理學則有朱熹之近思錄論考據則有王應麟之困學紀聞是 反說: 之日思. 也。 齋養新 之鉤提玄 北史捃華等是然尋章摘句不過擷其辭華而 **羣書治要馬總之意林是也亦有提要鉤玄而** 若就 而識; 約 韓愈進學解日 錄。 近代而論有欲提鉤一書之玄要者如史記菁華錄漢書菁華錄三 無 也」「說約」 邪。 然官 要者 丽 孔子教以 書 如官書則有淵鑑 思無邪」一言卽詩三百之提要鉤玄也孟子曰: 如淵鑑類函子史菁華有類 即孟子之提要鉤玄也漢唐以來學無師 『紀事者必提其要纂言者必鉤其玄』 以貫 之, 類函子史菁華私著則有 即教以提要鉤玄之法故曰: 例 非近代者論文則有劉勰之文心雕 無關體要又有博綜羣書貫串旁騖, m 無宗旨 不 顧 過 炎武 法有紀事而 此孔孟授受心 類書之摘 「詩三百, 博學 日 知 **錄** 而 錢大昕 一國志招 不知提 比不 **詳說之將以** 法 一言以 心也子貢 足以自 養 雜; 要者; 丽 論

近代提要鉤玄之作者

名一家言顧炎 八武日知錄: 錢大昕十駕齋養新錄又有宗旨而無類例可以自名一家言

條貫以啓示塗轍睹記所及其人其書經史子集各得數種而賅之以通論遊之於餘藝, 而 浩博無涯涘非初學所得闚其門逕若夫博綜羣書鉤提玄要有宗旨以自名家學有

凡十三家庶幾成學治國聞者可考覽焉。

(甲) 經部 凡兩家

(一)皮錫瑞經學歷史 說明經學歷代之變遷及其趨嚮。

(一)陳澧東墊讀書記 每一經開示塗轍及其治學方法有宗主亦有不同而融通漢

宋不爲拘虚。

(乙) 史部 凡兩 家

(一)梁啓超 中國歷史研究法 提綱絜領明史學之嬗變觀其會通而示以後治史學

者應取之塗徑。

趙翼十二史箚記 毎一 史融貫全書而類族辨物以互勘極春秋屬辭比事之能,

事遠勝錢大昕廿一史考異王鳴盛十七史商權之訓詁瑣碎字句校勘。

#### (丙)子部 凡一家

勝胡適 陳鍾凡諸子通誼 法有倫有脊實爲古今奇作不可不讀。 中國哲學史大綱之皮傳歐學武斷不經然胡氏大綱緒論開示治子之方 以周官爲根柢以漢書藝文志爲崖郭窮究流變根極於禮遠

#### (丁)集部 凡兩家

姚永樸文學研究法 組織有剖析有綜合洞明得失極有經緯。 明文章之利鈍蒐錄古今作家論文之言採摭極博而出

(二) 劉熙載藝概 究流變語本心得益人神智不少。 分文概詩概賦概詞曲概書慨經義慨六卷每論一藝自古逮今窮

#### (戊)通論 凡三家

(一)章學誠文史通義 事求是砭宋儒之空明經之不外於史亦以疏通致遠救漢學之碎理貴實證言不 篇數十而義則一以貫之道不離於事學必致於用是也言道之不離於事將以實 辨章學術而觀其會通由藝文以見道原推史意以窮經學列

近代提要鉤玄之作者

離宗。

張爾田史微 紹述文史匡謬拾遺不爲墨守然章氏文史以周官爲門戶娩於古

文張氏此書以公羊春秋爲根極所主今學而張氏調停其說頗多新義。

(三)章炳麟國故論衡 章學誠張爾田宏通而不邃密炳麟此書宏通邃密擅其勝其

(閨) 餘藝 凡三家

(一)葉德輝書林清話續話 於古書版刻源流貫串古今殫見洽聞而出以目驗無徵

不 信。

(二)葉昌熾語石 敍述歷史碑版明其嬗變考鏡源流足與書林清話稱:爲藝苑

(三)康有爲續藝舟雙楫 絕! 南海聖人天挺霸才高掌遠蹠以其餘事論書洞明正變雖

語或不經而目光如炬信足以開拓 心胸!

右十三家之言皆於古今流變洞中奧會讀一書通千百書如振裘之得領如絜網

留之不 庾靡. 傳 質 高 要然一二善書者皆從法帖得津次及碑版則 所至奧馬餐服: 羌胡廣武之碑, 吳州寶子之石, 王 本 心三口晉 |箸末學貫 真, 刻之非。 中 大氐得其形模失其神采是何也石 不同茲, 丽 世已後論書者皆崇碑版而賤怯帖持之有故言之成理。一日法帖展轉傳摹, 去斯 碑 但論 **猶當時故物** 斯名士 末石 由載祀未遙鏠穎無失故觀之足已會悟也秦漢石 穿古今乃使章 字佳不 莫不皆異豈徒札牘之間哉二耑疑難, 刻猶 野人之分也亦猶二謝作詩率標新格, 也二日閣 問誰 近分 手可 隸, 帝筆岩預啓千字劉葛 書法敦樸循有漢遺二王貴勝則其 法帖箸二王手筆 也若 帖題署往往舛譌爲黃伯思所駁碑版歲月緣 一刻雖真, 乃邊鄙之人篤於守舊都邑之士巧 去時積遠剂 形 畧 神可呂不 問 無舊風疑隋 對易己手 似是實 離其壹意 弊隨之昔歐陽 而 非唯謂傳刻 鮑照寒素猶似 書斯乃討論之失不關 刻至今幾二千歲唐碑 唐吕下所僞作 書矯然獨 石刻之士, 於創 詢 轉 建安推 異, 觀 譌 心起循, 新是故 索 持 也。 最 **旁**及 夫己 失其 論 靖 得 都 其 則 綱

四

愈哉。又· 舊又況 代 盡 鉉, 已 白代丹書之於石, 爲 围 鄐 也。 見。觀 **주亦** 畫不 得王 餘字, 量 勁, 君 視 ·書丹之術· 漢 則 墨 方 八自晉而 ·甚粗其 其遠 醴泉 基斷碑, 千 而汗漫肥腫視繹山爲 悉 書 西 碑 餘 爲豐碩 狹 有 如 者乎。 歲, 銘 之肥 錐 石 書成未 祖本宜卽棗木傳刻者唐人已, 其 上, 懹 立 未 畫, 法帖 仁聖 間 矣。 若 未 石而對書之運筆自與 训 滯, 此 其優 有 缺而 於 有 風 自淳化 洛陽 刻, 教序 害丹 紙 紙 雨 其徵愈 字或 所 劣 背 背鈎摹之技所目仲將題榜必緣梯鄉伯喈刻 鉤 最 不 新 輩, 蝕, 摹之術, 員 椎揚 失 出 甚焉夫繹山猶 其 म 爲 1後雖轉1 剪。 同 石 肥 難 Ξ 至今 所鉛, 者, 年 能。 體 晉書稱戴逵召鷄卵汁沒白瓦屑作鄭玄碑是乃己 皆 而 則 石 石 (紙素有異。 經傳 未 門 經及 書 語 至 無己是爲 矣。 毁, 於 西 丹 謂字肥失真。 刻,其 舊 法 而 非 刻淺字粗者 不 徒筆 調 部 帖, 字 畫腦 失真 所 頌, 君 凡懸腕虛掌 也凡筆得丹則肥縱不 琅邪則眞 勢有 、點畫 致。今 開 通夏 猶 爛, 筝勢攤 十有 者濡 未若 殊, 明 返 余 觀 其 審, 石 是 七八八 角 之則蹲鋒鋪鏠之用, 石 墨 也。 猶 琅 衡其筆 著 邪 丹 勝 刻, 甚 腫, 石刻至今 紙贵 亦 豈 龤 石 也。 則用筆之妙, 有 碑。 經 石, 繹 復 然己 先自 得 則 迹, 磨鉛其字 I 山 右 小篆 拙 依 誠 碑 匍 是 書 有 猶 摹 也。 石 率 爲 丹。 辺 痩 存 白 更 不 之 劑 淸 वि 勁, 相

健, 於篆籍分隸之邈焉者乎然則規摹碑版非倜 易。 說 氐 碑 尤 後 滇 ·版者徵存缺於一字之內分明暗於數畫之間非不詳審而大體不存焉故差足**已辨** 今人題壁作 則風 爲而 難其必己淺淡辨堅鉛己丹墨校肥 者孫虔禮 爲 之習者筆益 紙 骨 上說 不足已 叫 張 耳 知。 便彼卓 長史廣 書力減平素不可勝計。 正 別姸蚩自大興翁 蹇劣至乃模寫 石 對 書其石 談筆 筆 親 紙, 法, 則横, 亦 其 泐痕增之字內, 竟 輕矯當 氏專求形似體貌愈眞精采愈遠筆無已出見誚諸: 於此 横則腕力之赴筆耑者易已失其節制顧其勢猶完 **池瘦**召横卓2 幸 闕然意者古人悉能 其多爲行 何 如乎惜自己 儻 畫分爲數起一碟殊爲數段猶復上 有識之士心知其 通運用然後 押, 猶可 筆 陣圖品 自 I蓋。 令: 題壁, ग 來, 與昔 未有 題 意 作 者則 眞 壁 人競力耳世之論 爲 書, 有 書 視 力 無 則 摹 有不 丹 運 書 法 躓。 筆 帖 丹 自 誣 況

秦

相

下

詆右

匍,

刊終為

事法帖者

所銷已。

散文也而唐宋與周秦異致此時代之別也至若匡劉賈晃神理攸殊韓杜王孟性情各 孔子曰「道二仁與不仁而已矣」斯言也實評判一切事物之標準也。 異此則爲文者之個性千差萬別累百世而不相襲者也自來治文學者亦因其個決 之別也無韻之文始而奇耦相生繼乃析爲駢散同一駢文也而齊梁與漢魏 美是則此等不廢江河萬古流之文字其中必有一同點存焉同點惟何美是已美之質, 好尙各有不同。然文之美者無間於其體製時代若作者之個性而卒不得不同謂人爲 夫文之別亦多矣有韻文焉有無韻之文焉·韻文之中詩與詞不同詞: 與曲又異此體製 殊科同 性,

人生而 同 不善之不善之斯惡之矣好惡美惡之原也利害好惡之本也有利於羣抑有害於羣, 有樂羣之性故凡有利於其羣者衆必同善之善之斯好之矣有害於其羣者必

惟

何仁是已。

文學評判之標準

則仁不仁之判也。

也, 原。 近· 昔人論文之說汗 以 處必有愀然不樂者矣作品之能否成爲文學以此性質之有 利我者則接之而覺其可親久與之處而無厭離別焉 不 辭 此 此 爲 本 吅 爲 一个論 立而 多而 性質之多少為 不從事於探求也此條件惟何曰仁是已人之相處恆以性情相感, 第 義 後 眞 事, 枝葉有 諦; 能 多 取 必有此然後他事乃有可論不則本實先撥餘皆無所附麗矣。 窮其本原者少是則文學評論, 科學方: :牛充棟; 所附此文之質 法, 或 分條 則 此 時 析 (也文之質) 卽 興到之言 縷探 म <u>爲</u>文, 本窮原善矣。然夷考其說實亦就枝葉研討之 具, 然 **猶未能** 或則 無此者 而 後文之文有 偏 而 有一簡單直截之標準使人人 端 必不 彌不 觸悟之語多 能忘不是 能 無 為斷 所 成 施。 爲 文學 則若 文學 無當於論文之本 其意欣 也此文之本 美 與 **〈惡之程度** 商 此 買窓讎 然欲 條 件 樂 誠 知

亦

異處乎

得

為之位,

岩其性

質勇往

直

一前

者,

則發

爲

事業大·

有

豧

於斯民古

來

(聖君賢)

相,

世同

名

將良吏師儒皆是也是爲積極之仁處乎不得爲之位若其性狷介不能與

之也蓋·

人

之於

人

也有

其

欣

、然欲

樂

利之無窮

之心而人

、之性

質

**示同其所** 

處之地

位

論文之美者,

莫如

姚

姬傳

分為

陰陽

剛柔二端

之善然文之美何

以分

此二端?

姬

傳

未

性質, 凡 則 高 退 發爲 人隱 然自 **文章**, 處但以所謂不合作者減殺世界之共業而冀世人之一悟焉是爲消 士 無 聞 則 分為 於時, 陰陽 無稱 剛 於後者屬之。二者其所以 柔二端買晁之文屬於前者王孟之詩屬於後者, 爲 仁者不 同, 而 其 爲 仁則 極之仁。 一。以是 舉 此

隅,

除可三反。

*i*; 職是故, 矣昔之何蓮舫是其人今之樊樊山, 俗 相類然官場現形記必不能 所謂尖酸 無性 刻薄者愈不足以爲文吳敬梓之儒林外史李伯元之官場現形記, 情 而 徒矜藻采者必不 如儒林外史之歷久爲 足以 易實甫不久亦當爲蓮舫之續也徒事剽剝, 爲 <u>一</u> 文, 一 時 或貧 《人愛誦 《盛名不 何也一有悲天閔. 數 Ŧ 百 年, 而 烟 人之衷 外觀 類乎 消 火

世

滅

之辭貴不知 者以 性 情, 則 是謂 視 此, 以 社會之惡濁若秦 屑 能 有 使 小 說 人 於文文質彬 發笑? 氣, 則 然而 必為 人視 彬, 過 不 可以為 然後 心 基描寫· 越 人之肥瘠但爲過 君子。若其未能與其文勝, 之辭過 文者 其 (性情 基描 寫, 甚刻劃之辭 不 存 則 焉昔 必有 **"毋寧質"** 人論 餘 於性情 以 文所 博人 勝惟文亦 之外描 以戒 、嘲笑耳。 有 然文之 夫俳優 寫溢 小 說 於 氣

文 有 餘, 不 若文之質 有餘。

餘

文學評判之標準

女之欲有所不足而巳矣昔人云非公正不發憤令之發憤者則皆與不公不正之甚者 學自詡者皆然以其本無性情或雖有之而所感慨者不外乎一己之窮通甚者飲食男學自詡者皆然以其本無性情或雖有之而所感慨者不外乎一己之窮通甚者飲食男 界表面看似極盛實則求其眞足當文士之稱者百不得一焉無論以新文學自矜舊文, 自白話文盛行而文士如鯽以其工具易也文之美殊無閒於白話文言然今日之文學 也其動機皆作如意曲來生福者之動機而已矣康南海梁任父章枚叔之文字今日有。

至

錢塘沈竹礽先生精於象數所著周易易解獨闢蹊徑發千古所未發亦旣風行 時矣。

**羽彌足貴矣蔣維喬誌** 

卷一

孟長卿易士

卦氣圖說

魏正光歷推四正卦術日云云。

按易緯稀覽圖卷下第一節鄭康成注甚明不必引魏人語。

日日之七者一卦六口七分也。

按惠氏所引非易緯稽覽圖本文乃後漢書郞題傳注此節當分爲二一爲甲子卦氣起中孚一爲六日八十分日按惠氏所引,

易緯稽覧圖日甲子卦氣起中孚六日八十分之七鄭康成注云六以候也八十分之一

惠棟易漢學正誤

先生著述尚多惜爲友生攜借散佚不全今其文孫延國於故紙坤中搜得此篇吉光片

四一

之七及鄭注因中孚至六日中脱三百七十九字不能合而爲一也又口原文作日。

## 易緯是類謀曰云云。

按原書未見此文易緯稽覽圖在兌之下四正之上有易緯是類謀以此七字末二句亦无。

太初之氣寒溫始生也乾鑿度又云易變而爲一。注云一主北方氣漸生之始此則太初 易乾鑿度日太易者未見氣也太初者氣之始也康成注云太易之始漠然無氣可見者

之氣所生也孟喜弟子趙賓說易箕子之明夷謂陰陽氣无箕子當作荄滋(注) 文同孟喜以上惠氏按語也。 始太易旣自寂然无物矣焉能生此太初哉則太始者亦忽然而自生惠氏所引非原注至易變而爲一鄭注與原。 按乾擊度太易者未見氣也句鄭注以其寂然不動故名之爲太易乾鑿度太初者氣之始也句鄭注元氣之所本

卦氣七十二候圖

右李漑所傳卦氣圖也(按語) 按李紙卦氣圖載朱震漢上易卦圖與此圖不合。

案御覧載易緯通卦驗日云云(按語)

按此節通卦驗原文无至易緯中論氣候至多何必引用類書。

消息

 $\Xi_{\circ}$ 易緯乾鑿度日聖人因陰陽起消息立乾坤以統天地又云消息卦純者爲帝不純者爲

帝下不過王故六子雖純不爲乾坤十九字。 按聖人易緯乾鑿度作文王上有昔者二字起原本作定以字衍天地下有也字又不純者爲王下有六子上不及

史記歷書太史公曰皇帝考定星歷。

按皇原文作黃。

漢書京房上封事引孟康注云云。

按原注末句有并力雜卦氣於消息也以不可少。

四正

易緯是類謀日云云。

按易緯是類謀无此文見易稽覽圖。

康成注通卦驗曰云云。

按鄭君注係類書節錄非原文。

惠棟易漢學正誤

四三

四四四

## 孟康漢書注曰云云。

按流注見京房原文六十卦作六十四卦四字行文。

京氏易傳日賦斂不理茲謂禍厥風絕經緯。

按漢書五行志緯原文作紀如淳注則作緯見本書京氏占風雨寒溫條。

### 十二消息

康成注乾鑿度日消息於雜卦爲尊每月者譬一卦而位屬焉各有所繫案每月**譬**一卦

者如乾之初九屬復坤之初六屬姤是也臨觀以上做此。

戒必連數之者見四百五十變而周矣細釋康成注重在八十四戒而惠氏截去之並加以按語與康成注義相悖 按康成注夫八十四戒者十二消息爻象之象消息於雜卦爲尊每月者譬一卦而位屬焉各有所繫是謂八十四

### ₹.

春秋緯樂緯日云云。

按此引禮記檀弓孔顯達正義春秋緯即春秋緯元命苞樂緯即樂緯稽耀嘉孔氏正義與二緯語稍有出入又受

復下脫物之萌三字。

易緯乾鑿度日孔子日復表日角云云。

按末一句此皆律歷運期相一區之神也似不可删。

周易參同契曰節兆乃滋張句觀其權量句。

按張原文作彰量原文作度。

宋均注日物口也。

按宋均注原文作物乃著也。

月令孟春日節正氣日云云。

按氣係義字此節從十一月爲始句下脫陽氣漸升陰氣漸下句又五月一陰初升下脫陰氣漸升陽氣漸伏句。

辟卦雜卦

易緯乾鑿度日節天王諸候也。

按候當作侯。

康成注云云。

按與原文異。

易緯稽覽圖曰非太平而雜卦。以其效口辰則口口口。 口消息及四時卦當盡其日轉於日游與太平口口口太陰用事。關從香 寒六三上六微寒六日七分中口辰效則可口口口,原註雜卦九三上六决溫九三上九微温六三上九決 而少陽卦當效時至

惠棟易漢學正誤

一四五

七分從得一卦四時卦回口回回回回回之卦也七十三分而從母一卦次常以冬至日始於之七者一卦六日四時卦回回回回回回四四四五卦次是實見四時方的次常以冬至日始於	至遯 少陰卦效六口口口口口 越 世然息之卦當勝雜卦也六日八十八間從泰 少陰卦效六口口口口口 越 世 然息之卦當勝雜卦也六日八十八	口口口口口一時非太平以其卦分效則可。 异细四 口口口口口至文
冬至日		口口口口口至立效也太陽用事。

《雜卦相去各如中字》

位比而 也卦 右後 左 勝雜卦 所引者惟少陰卦爻亦如之節去原文一百二十七字 時主常盡其日。 按惠氏此引註明 微上 錄之易辯稽覽圖日, **破温臨分上辰也** 上六決温九三上九 坎 常以冬至 六日八十分之七之七者一卦六日七分也而從一 卦四時卦十一辰餘而從。 玉海亦不作注惠氏改比爲北想誤解說卦乾西北之卦也一語所致。 也。 甚省爲旱爲秋榮冬擊少陰不效爲旱爲賊爲兵雖消息及四時卦效各盡其日息卦主祿消卦主刑四時四方主刑兵故曰前九三俱當温乾之温當有不效者至衝事發矣盛氣行也何以夷狄來朝消息效四時效乃來朝也一曰少陽卦不效爲水太溫 H 七分目時七十二分也寒温之氣消息當六日 始 未可责時至立效也太陽用事。 壉 医海 定则 · 效 夷不浸以温效爲四夷來侵也。 坎北方卦名微陽所生卦效爲四 非太平而 雜卦以其度效一反則可矣 寒六 不如引用原文爲住蓋類許多不足徵往往節錄奪文使學者無從取 太平之時太陰用事。 至謂從秦 復生坎 當勝雜卦也下又節去六十七字往乾位北原文作小畜乾 至臨世也 少陰卦爻亦如之三上六微寒亦如效少歸也 七 日陽氣交故經書七書來復一正之者也。復卦各生坎七日復時一陽生於陰之下 m 三上六微寒六日七分中一层效則可也。九三上六决温九三上九微温六三上九次 少陽卦當效時至則於效分上 卦也十一辰餘者七十三分而從者得一之四時卦者謂四正卦坎離實兌四時方伯之 以上 時於三爻九三 **心證茲取原** 然息之卦當 唯消息及四 校正 惠氏

### 孟長卿易下

### 六十卦用事之月

十一月未濟蹇頤中孚復

孟僖易章句曰節五六相乘句。 按乘原文作成。

月卦也。

後漢書魯恭上疏曰易十一月君子以議獄緩死注云易中孚象詞也稽覽圖中孚十一

按十一月後漢書原文作十二月註亦然惟釋覽圖原文亦十二月因中学純坎公作十一月又中学爲陽貞於十

1 月子。今曰十二月退一位也何必竄改恭疏有可舍疑罪使詳其法大辟之科盡冬月乃斷其立春在十二月者,

勿以報囚如故事似當引用。

十二月屯謙睽升臨

易緯稽覽圖曰屯十一月云云(北史)

**馬行先作弄四足也八字稽覽圖无。** 按引北史不如引原文為宜又原文鄭康成注引王劭係後人附益叉王劭釋趙地下脫以神人將去故變動八字。

惠棟易漢學正誤

四七

## 正月小過崇益漸泰

易緯乾鑿度曰中孚爲陽貞於十一月子小過爲陰貞於六月未法於乾坤。

法於乾坤下有康成注與原文異。 按原文法於乾坤下語氣未完下有三十二歲而周六十四卦三百八十四爻萬一千五百二十析復從於貞又按

# 故康成云屯蒙之貞違經失義是也。

康成筆。 經失義不合二也未云謹撰所聞其餘君子爲肬贅而非之問其餘君子庸人求乎免也細釋詞義是後人竄入非 按此注在易緯乾鑿度天道三微而成一著一節至篇語氣不類康成語內云則與三著成體不協蓋寫之誤也又 

### 二月需隨晉解大壯

惠氏按語大壯九三主正月未詳。 按當天大班三二九三為泰泰為正月辟月。 (因康成云大壯九三爻主正月)

### 

按七字誤後漢書即題傳條便宜七事復條陳四事此節乃四事中第二事七字當改四字。

漢書五行志曰節齊分壄也句。

按其下脱夜中而星隕象庶民中雖上也似不可少。

三月豫訟蠱革夬

**按原文雷以上脱于易兩字** 漢書五行志曰:雷以二月出。

四月旅師比小畜乾

漢書五行志曰昭十七年六月甲戌朔日有食之云云。

字所致末句實陰之禮語氣未盡因其尚有三十三字不錄故也。 用幣於社伐鼓於朝禮也十字似不宜節太史曰在此月也當夏四月文又不貫蓋在此月也下惠氏節去四十一 按此節係節錄文集不貫須讀原文於是伐鼓用幣於是下脫乎天子不舉五字文義與原文相左用幣下脫諸侯

六月鼎豐渙履遯

京房易傳曰云云。

按京氏易傳係卜筮之書與卦氣不涉何必引用。

七月恆節同人損否

惠棟易漢學正誤

四九

中國語文學研究

按脫記節

九月歸妹无妄明夷困剝

易緯乾鑿度曰節能順天地之宜句。

按宜原文作通。

**鄍顗傳節亨其唯君子乎句。** 

按原文无亭字。

**漢書五行志節不殺草句** 

十月艮既濟噬嗑大過坤

按其下脱王道陵遲四字。

易緯乾鑿度節猶殷道中衰句。

.

七十二候

朱子發卦氣圖說曰云云。

按原文見漢上易卦圖如孔子得之於杷者句下脫也字謂二十四氣句下脫也字七月一篇句上脫觀字關子論

五〇

## 七十二俟句關子下脫明字。

## 漢儒傳六日七分學

後漢書方術傳曰云云。

按此節注釋非章懷太子原文乃惠氏手筆不及原注遠甚惟遁字闡明遁甲之起原佳

### 虞仲翔易

虞氏之學尚納甲與魏伯陽參同契息息相通魏居上虞虞居餘姚相距不過百里爲時

又近虞得其流風餘韻而巳。

與虞氏之奏疏陳桃夢臣與道士相遇者人品有別。 魏伯陽之說高出處氏同爲越人魏精而博然其于易跡近術士尙未以神人之術諠人

魏伯陽參同契曰永日爲流珠靑龍與之俱云云。

香溪謂陳桃以仲翔夢遇道士詔也即有夢此道士必是魏伯陽日子誠越人也。

按永字原文作汞俱字原文作居又潛潭見象下脫發數清光四字。

惠棟易漢學正誤

五

龍虎上經節注引春秋保乾圖。

按香溪間有此書否答曰春秋保乾圖已佚此引文選吳都賦注。

京房乾卦傳曰。

按京房乾卦傳曰宜改京房易傳乾卦曰下同。

京氏易傳日節俠工作做 易立節句。

按伋古閣本作變。

五位相得而各有合

右圖見宋本參同契當是仲翔所作。

按參同契此圖惠氏以為仲翔作武斷。

周流六虚

參同契曰天地設位而易行乎其中矣云云。

按引參同契語至幽潛淪匿在參同契另一篇須加又曰二字末終于亥而乾坤六位畢矣二句原文无。

孔文舉書

五三

## 孔融答虞仲翔書日云云。

按孔融答仲翔書惠氏引藝文類聚何不據吳書如義聞延陵之理樂令祝吾子之治易知東南之美者非徒會稽

之竹箭也吳書无義字今字而知字上有乃字又可謂探索旁通者已旁吳書作窮

仲翔奏上易注曰云云。

按吳書注翻別傳日翻初立易注奏上日又布易六爻挑其三以飲臣句挑吳書作撓。

卷四

京君明易上

八卦六位圖

朱子發曰云云。

按原文上有天六地六氣六象六八字又配長男下有也字

沈存中曰節爻辰亦然云云。

按爻辰與納甲逈異惠氏云亦然混而為一易理反险

**楊乾九四節初九甲子句。** 

惠棟易漢學正誤

五三

## 漢書王莽傳曰云云。

按此係依附經言以諂莽何必徵引旣引用之則攀臣上壽曰上有是日大風發屋折木八字不可少末又脫易曰,

受茲介福于王母禮曰承天之慶萬福無疆句。

如京說則今占法節注曰亦无起例可推句。 按惠氏以為无起例可推誤。

八宮卦次圖

張行成日陰陽相爲用節參同契曰易謂日月坎離者乾坤之妙用。

按坎雕者上須加又曰二字因原文不相連貫妙原文作二。

### 世應

京房易積算法曰孔子易云有四易云云。

按易云二字頭倒又惠氏注云八純俗本作六世。案八純二字京氏易傳作六世困學紀聞同其實八純二字亦不

雅馴。

按易原文作陽。

五四

易乾鑿度日節易氣從下生句。

## 恆彖日節陰陽會合句。

按原文作合會。

益六三日云云。

按益六三當作益六二故王用亨于帝原文帝字下有吉字又處震之象柔原文震作蹇

井卦曰節木周德句。

按原文傷字下有也字。

豐亨王假之勿憂宜日中云云。

京房乾傳日精粹氣純是爲游魂云云。

按以離變坎句變字原文作受又日中之象下脫也字又殷水德至勸勉之言也二十八字原文无。

按乾傳當作易傳此引晉卦精粹氣純上有晉陰陽返復進退不居九字不可節去因陰陽返復進退不居爲游魂

又日陰陽代謝節小注云樸菴先生日此易緯以游歸爲鬼易也。

之本旨故也又陸續注故返陽道道不復本位下道字祈原文本誤。

按易緯无以游歸爲死易之文京房易傳曰孔子曰,世二世爲地易三世四世爲人易五世六世爲天易游魂歸

魂爲鬼易。

惠棟易漢學正誤

五五五

干寶序卦注曰云云。

按此注自晉至唐无至宋始見惟語氣不類令升語

**蠱彖**曰節異歸合震句。

按合字原文作會。

飛伏

坤上六龍戰于野節坤在於亥下句。

按於字原文无。

爻等

**北六三節故曰此之匪人不亦傷王政也**。

漢書王莽傳云云。

按此爲當時諂莽之辭不過如今日星翁口頭語文不雅馴不必引用。

貞悔

京房易傳日靜爲悔發爲悔。

五六

按原文下有貞爲本悔爲末不宜節去。

卷五

京君明易下

五行

翼奉上封事曰節萬物各以其類句。

按原文類字下有應字似不宜節去又孟康注無所容受容原本作加陰氣所萌案萌字下原文有生字。

占驗

易緯辨終備日魯人商瞿使向齊國云云。

按此文辨終備未載見張守節史記正義仲尼弟子列傳商瞿傳注張注辨終備作中備。

漢書西域傳云云。

按宜讀西域傳原文惠氏所引出於類畫不獨此章爲然全書每犯此病致文氣錯亂致失原意至程舜俞集旣法,

不如引用孟康原注其注曰其繇曰枯楊生華象曰枯楊生華何可久也謂匈奴破不久也較師春之說爲高且孟 康魏人尙得漢人師說不引何也。

京氏占風雨寒溫

惠棟易漢學正誤

五七

易乾鑿度曰太初者氣之始鄭康成注云太初之氣寒溫始生也。

按乾擊度太初者氣之始有二其一鄭氏亦有注曰元氣之所本始太易旣自寂然無物矣焉能生此太初哉則太

1

始者亦忽然而自生。

鄭康成注易通卦驗曰云云。

按此節通卦驗原文與鄭康成注摭集而成而鄭注亦不全喜閱類書不專攻原文者往往有此弊病。

魏正光歷日云云。

按決溫微溫決寒微寒鄭康成易緯注甚詳宜先引鄭注再引正光歷。

易緯稽覽圖曰有實無貌: 調道人也云云

按詘原文作屈又鄭康成注無貌濁清靜及有貌濁清靜按貌原本皆作白

京房上封事日臣前以六月言遯卦不效。

按原文无前字。

京房易傳曰云云。

按此文引漢書五行志宜書漢書五行志引京房易傳曰方得文體又茲爲凱按爲字原文作謂又茲爲眊按眊漢

者作耄耄字疑又厥風絕經緯按緯漢書作紀如淳注則作緯。

五八八

### 易緯稽覽圖曰云云。

按陽者君也陰者臣也原文兩句皆无也字又專君政事按專字上原文有臣字亦陰侵陽也原文无也字又末脫

臣謀殺其君亦陰侵陽也

鄍顗七事曰今春當旱夏必有水以六日七分候之可知。

按原文目字上有臣字。

易通卦驗日乾得坎之蹇則當夏雨雪。

按原文无當字夏雨雪下有水冰兩字。

蒙氣

易蒙彖曰節乘陽不敬句。

按乘字上有陽字。

京房上封事 鴻照 日云云。

按已卯戶拜太守句拜字下有爲字又迺辛已蒙氣復來卦漢書來作乘又小注建昭三年按漢書作建昭二年

京房易傳曰云云。

按此節引漢書五行志節去一段文氣不貫須讀全文又蒙下霧風三變而俱解按蒙字上脫上字又慈謂動欲按

惠楝易漢學正誤

慈原文作茲又德不試茲謂主羅臣天恢原文德不試下脫空言祿一句又公懼不道按原文不字下脫言字又三

而起按原文三字下脫日字又茲為下厝按原文厝脫用字。

世卦起月例

又注比彖曰比坤之歸魂也亦世於七月而息來在已義與師同也誤贈

按原文比字下脫者字又亦世於七月而息來在已義與師同也按原文息來在已下有去陰居陽承乾之命八字。

卦身考

洞林曰云云。

按義與郡丞叔寶句叔寶上原有仍字又卜病得此歸嵩邱句嵩原文作蒿。

洞林日揚州從事愼曜伯婦病其兄周產武令吾作卦。

按原文產作意又身在戌土按戌土原本作戊戌又以代人任惠按人字原本作之。

鄭氏周易爻辰圖

十二月爻辰圖

周易乾鑿度日節並如而交錯行句。

六〇

### 按如字原文作治。

宋儒朱子發作十二律圖六二在已六三在卯六五在亥上六在酉是坤貞于未而左行,

其誤甚矣。

按鄭康成圖係爻辰朱子發圖係十二律二者有別不可混而爲一。

爻辰所值二十八宿圖

棟案康成注月令云云。

按秋泉謂此節惠氏所引參同契原書中未見何故曰此引參同契三相類淳于叔通所補遺又朱雀在張二兮離

南午按原文離南午上脫正陽二字。

鄭氏易

困九二節惠氏案此注本乾鑿度。

按乾鑿度言困九二上下兩卷複見鄭注互有詳略並未見此注

乾鑿度

孔子曰復表日角。注云表者人體之章識也云云。

按原文識作誠又日於出陽按原文作焉字。

惠棟易漢學正誤

夬表升骨履文。注云名夬者五立於辰在斗魁所指者又五於人體當艮卦於夬亦手體,

成其四則震爻也爲足其三猶艮爻口口口口

按世爻在辰此世爻與火珠林所謂世爻異又六口惠氏據類書其實據原本有八字爲猶艮爻於十十次值本於

柝。

# 剝表重童節名剝者五口也句。

耶抑為諸類書所蒙耶如復表日角節震東方也鄭云震之體在卯是也六四為應反爲癸丑此係八卦之六位與, 按原文口為色字又童子口口按原文為重童目子乾鑿度鄭康成注不下萬言而獨引此何也豈惠氏未見全書 爻辰絕對不同鄭注重在應字其非爻辰明矣後之人必欲以爻辰累及之**此學者務虛名不尚實學所**致。

### 易正 義

惠氏按語所云先儒謂康成何妥諸也王輔嗣解易不用爻辰孔氏正義黜鄭存王故有

### 是 說。

按孔穎達所謂何人則不可及所謂康成所謂何妥穎達未言之而惠氏謂康成何妥未免武斷況孔氏所引之文 中蒙不白之冤鄭氏見理无所不通其說各經廣大備奏於易尤深造范史論鄭元括囊大典網羅衆家删裁繁輕, 有二則一言十二律一言消息卦氣均非爻辰也近人自命以漢學說易者必主康成囿于爻辰使鄭氏干載在泥

乾鑿度日節體氣相亂故避句。

按體氣下脫與之相亂四字避字下脫之字。

案鄭于主歲卦注云此月陽爻此月陰爻句。

按此月兩字為皆字係一字拆作兩字而又筆誤者也

卷七

**荀慈明易** 

乾升坤降

叉日水流濕火就燥節故曰燥句。

按原文故曰燥下有也字。

泰九二明亡得尚于中行。慈明日明謂坤明亡而下則二得上居五而行中和矣。

按原文得上兩字作尚。

六五象曰貞吉升階大得志也節作階使居五已下降二句。

惠棟易漢學正誤按使字下原文有升字。

一六三

.

緊辭上曰天下之理得而易成位乎其中矣慈明曰陽位成於五陰位成於二五爲上中,

二爲下中故曰成位乎其中也。

按原文陽位成於五五爲上中陰位成於二二爲下中故易成位其中也曰字原文作易。

易尙時中說

揚子法言又云甄陶天下其在和乎。

按法言先知篇其字上有者字其在和乎下脫剛則顯柔則壞二句叉注云二五得中故有利見之占按占字原文

作吉字。

卷八

辨河圖洛書

注蓋讖緯家以爲河圖桓譚張衡所痛斥爲非者也。

宮又曰圖讖成哀平之際也且河洛六藝篇錄已定後人皮傅无所容篡閱原文知衡所痛斥者係圖蠫非河圖洛。 按桓譚言河圖洛書說詳下張衡見後書漢本傳衡上疏曰臣聞聖人明審歷呂以定吉凶重之以卜筮雜之以九按桓譚言河圖洛書說詳下張衡見後書漢本傳衡上疏曰臣聞聖人明審歷呂以定吉凶重之以卜筮雜之以九

書也若痛斥河洛何再云篇錄已定乃作者誤解圖讖之圖混而爲河圖之圖治經如此奈何。

桓譚新論日河圖洛書但有兆朕而不可知。

六四

按新論讖里河圖洛書原文具在班班可考今惠氏節去讖出二字武斷桓氏痛斥之張本奈何細釋桓氏之意識

自讖河圖洛書自河圖洛書亦恐後人皮傳故慨乎言之爾。

乃和漢以來並未有圖書之象。

按点运事语陋極矣漢以前言圖書者夥矣豈惠氏未之見耶今不師古而曰知漢以來妄矣。

### 辨兩儀四象

八山 書時日易四象之節也時月已建分至啓閉之分易八量之位也讀之可知太極自太極兩儀自兩儀四象自四象, 日經元一日統始易太極之首也春秋二日日歲易兩儀之中也於春每月書王易三極之統也於四時雖亡事必 按惠氏此辨陋儒之譚可不再辨夫太極兩儀四象易繁傳言之漢書律歷志又闡明之其言曰太極中央元氣又 自八卦界限分明无可段借半農人易說立說未見嚴正力詆邵氏何益之有。

无人為之糾正爾乃一一正誤口講指畫自侵至幕未嘗少間余與香溪丈秉筆直錄歸檢羣書知惠氏誤處靡 六年庚寅夏五上咸曹源秋泉跋于關風郃氏書屋。 不指正與藝摘章句者有別於是知 丈以 近吾浙治易者必推重 先生治易以輕漢而宗宋叩以惠氏易漢學。 沈竹砌先生庚寅春余與袁丈香溪胡子伯安訪 先生於易深矣遂合香溪杖所書訂成小冊謹誌數語以告來學光緒十 先生詔之曰此書雖近類書然有益于學者惟謬誤處惜 先生於吾邑福祈山下寓次香溪

厂所云但開風氣不為師者耶先生尤自負其駢文然隸事新穎而少乏韻致今誦其書札詞筆 三審錄其二焉重展乙過如親瞻對一流將盡溫太眞為之動色况先生絕學斯文一脈如龑定 審言先生起自孤寒苦志讀書日益宏肆而論文不囿風氣好稱子部雜家之學卓然有以自立。 余生也晚未**誊奉**手而先生殷勤賜書語重心長今先生往矣其子承祜抄論文書札相示與余

疏俊而氣調岸異繁彩勿務古艶自生乃正蕭散似魏晉間人也甲戌首夏錢基博。

### 與孫益庵書

益庵先生閤下頃者訪友劇談日餔始囘接奉大敎敬承枉存未值以子猶興盡之反重 儷 張敏往尋之迷相距數牛鳴地乃如列禦寇南郭連牆故事此不免悵悵也駢儷之作公 推君與孟劬爲有雅人深致其他則庸賈裨販蚩眩流俗而 爲健者誠審於文章流別溯源前古旣非從擔上看花亦無驥驂駕服之病。蒿老之外當 釋例之作企竦歎偉促其速成今知彫印將竟前人似未有此撰述陳思昔云有南威 已去年記聞先生有六朝駢

學製齋論文書札

之容乃 海 爲 可以 附贅, 論 、叢話爲賣餅矣。太冲三都之後士衡 淑 媛, 有龍泉之利乃可 以議斷割先生既兼二有述成佳製此書一 安仁漸趨今軌明遠文通起而 出, 振 將

藻 繪, 艱深文陋自矜已 文。 蒲 使法 也拿言江鮑旣當而極 藻耀高翔足稱勍敵張皋聞謂恨別 之蔓草縈骨拱木飲魂縈歛二字何等研練歛字且: 年之吼非陰爲 以吾家太白擬作論之不值一 安敢 婉勁下開子山先生之尊任沈殆爲 自 我 出如 附麗, 作故邪。 魁 推 不 至於此因謬以目論 紀公不. 客滬十年相賞 任沈謂猶詩家之有李杜豈不信然隱侯彦 知 流 哂皋聞所好贋古猶未 二賦文通俗筆, 入 、徐彦伯 不 過 陳於大雅幸不以爲 不 數 刊之言近 入, 澀 禮限: 而能 似不知文通底蘊 出古蒿里歌黯然銷 内蓋役. 深 、突微言 資高 知文章 才 自 僅有先 陋而 標置貌 而 流 **昇詩** 不課 所在請 别 訶之往復方在 魂翔 如 為高古 生。 學, 與 先 文異, 駏 古人 生典 字 以 虚之資, 亦 恨 能 實 詩 本 别 下 則 走 嫌 靗

答 孫益 庵 書 後

耳。

益 庵先生左右風雨畫晦鷄鳴不聞比荷雅言曠若開霽至論相雜爲文斷自往誥今體

之別, 百態, 眇音宏恉具之篇翰逮於我 **揣對句凡此之類僕** 初以來名輩迭出。 無 覘國 湄刻意摹放眩目 俯 勗, 恆 如 稚威閎覽虬戶 識, 清陰 思, 噴 遂 語後始嚴此誠深析六代文筆之異遠味遺經奇耦之旨蓋自 寓複於單寸 至謂 惜 至 運政謂此耳詳少無師承遠覽往 不 無忠臣湘郷曾氏稍 鳴戢 之蔭 申 桐城義 板, **鳞潛逸而巳。足下深會此秘道同先覺來書所** 竊 暍, 慮目論 所詣 轉意以句而一 浙派 篠 法衣被天 澒耳語至累譯卷 (所不喜諸老先) **贂隸事詭越學渠者死誠亦不** 自在隋陳 (初宗雲間) 一出詆者四集, (下如唱: 知自反雖規揚馬, 朝容甫次仲伯元崇論鑑起遂使 往疲苶, 之前所論自拊宋明之背各置匧衍足以自 後亦別開戶牖穀人以後彌共畦畛仲瞿梅伯披猖 梵唄尋聲按譜有契佛**意實則皆**資如來別義。 達, 微近自然 代兼及 信能自 但病驥仰首, c然有仲宣: 仍宥體製故亦不足怪也駢文一 先士, 立,不 [鱏魚上唱] 免定庵錯綜金石其弊日: 意捧撦至 西 河玉芝顨軒容甫淵 之不 陳, 、義歸簡素, 東京 足好南 非遇冪 此 逐縱尋斧 非止傍乐舉其 休 脈, 文彦和德 衣, 威 墜緒復振。 之 岩 或 文術 玄味 娱不 輕議。 聆 如, |基湖口碧 率 鼓 施三人, (偏詞 道,自 ·欲以我 之變可 之起 亦 瑟. 因 旁涉 空疎 則 君見 無 國 卽

輩老蒼敵彼, 爪觜率復盡言伏希裁幸。

答江都王翰棻論文書

琢視之而· **夫韓柳亦** 也。 自致不能如足下百分之一而困學則同稍觀古人文字喜蔚宗漢書昭明文選以 渥然仁兄足下。日者之集以有坐客不能暢談客未來時某巳略陳狂瞽茲奉來書洋洋 伽 三唐皆奇耦相參錯綜而成六朝儷文色澤雖殊其 阮氏文言之旨阮氏之言亦昭明立意能文之區 盈耳色然以駭不意足下少年所造至此殊可羨仰足下起自孤童與某相等其無師承, 元師承未墜自穆伯長柳仲塗蘇子美尹師魯倡爲古文胸中初無所儲而務紆其詞以, 其散文 以古人爲歸足下尙居郡城某則村落僻左求一卷之師不得也又苦無害可借蚤歲 記與 未知其 耦 釋氏高僧傳等書讀之皆散文之致佳者至今尚無 亦爲千古獨絕試 也觀其全集何曾有子家言連芥恣肆渺無岸 八自然高 妙也唐之肅代以下文字亦多追 取三國志注晉書及南北兩 一畫也文章自六經周秦兩漢六代以及 不潛氣內運 史酈善長水經注楊衒之洛陽 一畔參廁其主 響南 默默相通與 北兩朝特韓 人能承其 内。 此道 (緒蓋誤) (散文無 至北 柳 稍 朱初 異耳。 以雕 選旨 求 申

學製齋論文書札

薦於左右<sup>6</sup> 文達母 學之一 爲 用 求 某 自 以 非 也。 張籍李 之於文 之於古 不 桐 命, 蘇 古, 也。 此 某所 敢 老泉 曳其 惜 況 城, 塗, 經 卽 盡 抱 爲 翶, 字 則得 爲 擁護 以布 足下今持 嗜 長文遂往而 聲 室 言 而 未有 亦 畔道, 摹 以 者, 集, 也足下涉獵 於後, 左 謬, 矣安有今人之足師 ·其章法起 爲韻裁複爲單改短爲長歐陽兗公雖師昌 王 衣求之於縱橫名法家言冀以自達二蘇繼之馳 若精 比於漢 以師 氏 容 (傳文 盛 甫 曾文正又演程魚門言比於禪林宗派後生小子粗有見地一若文 意, **稱之者翱又娶其兄女尚倕退之爲兄某何敢** 不 研 述 《選杜詩韓 之,非 欲執贄 學高 返後雖別爲一派, 訖, 人且有甘背師 諸 書己是一斑。 以爲古文在是滄海橫 數十 郵 衰 王 集, 容 朽, 氏 年 邪。 以 諸 治 功 法以求禄 爲 齋 經治 惟 書, 力 《論文之: 記文段 隨 近 而文章正宗 不 入文字相1 筆, 可, 小 且 困 學 |學紀聞| 地。 氏 必 亦 流其誰主之異代必 利於是天下靡然嚮風相逐於不悅 在 求 注, 不 普 誠 勝 易, 郝 不在是也本 勿觀其 曝 但觀 黎, 昌 於 氏 書亭集 黎, 諸老否則公 遺 大意, 小變其 勝而 書, 好 害人 爲 此皆某之師 好爲 錢 屈足下爲弟子。謙 與 朝自望溪以古 人 師, 少 體, 訓 如 有 一然剽 詹 鴆, 策 其 詁 推 未 門 潛 假 著 士議 原 爲 借 人 背 襲, 禍 K 也, 研 皇甫 敢以 堂, 如 始者, 論, 引 師 可 勿 膩, 阮

推 此 必 一件受業分 比 勘相距甚遠以書往來不異面 邪。 通 鑑某亦 尊必 **倕夫子噫此市道交也奈何效之。且韓門至有劉义況今之逢蒙呂** 好此胡注: 於 地理 談毋以未相推 最佳其他亦有望文生義者足下 !奉謂有隔閡某非讓 如有 以鳴高亦以 所見, 可 互 相

論 學 不 規 規 於是也某再拜。

答 |陳石 遺先 生書

究其旨 鎮亭言方今駢文家北王南李謂書衡也諸貞壯聞之不平今先生謂弟之文可 前後書次弟答之尊言貴門人黃秋岳駢文極佳 秋 先生言近人能詩者皆好自欺欺人語叉千篇一律語熟口臭閱之不 遺先生閣 海 岳鼎足而三敬山舊交其結一宦文久經寓目惟秋岳文爲 南 蘊。 有 二通, 先 此箸書才明眼人自能賞之弟之駢文惟先生與元和朱梁任首尾一 生前言 下今年 並朱君文同寄謹當洗目以待容甫文箋尊許甚至古君以書定交將二十 |漢唐二 **选奉來書弟** 劉漢當爲梁字之訛豈不信然他 因家事昏瞀所答未能悉具頃已逃暑得閒 數月以來絕未 石頭之浮湛願 人概偁以好特酬應 頒 到, 此乃 一行使人欲睡弟 郵 乃摭 付憙事小 局 讀, 之過。 典 語 且能 敬 先生 山

公謂 勇決。 人 公詩 愚大 頹 傳. 當 杜 函 所 方公 邪五 暮, 少 子 交 私 感然 惟 猶 陵 部 北 避 千 謂 不. 雲太 史不 解, 公原 託 雜 俗 作 也。 餘 出 有 乃 豪 閩 沆 吾 家 好 載 子 鄊 感激讀 文 應 甲 瀣 語, 奇, 部 語, 海, 兩 之後白話詩 里, 載 有 張 不 弟 直 人 胸 雜 卽 唐 燕 之子 知者 高 燕 氣, 家 家 和 不 書後 事今檢 公不 於我。 公 具古 淮 久 學 意 問 部雜家 笑 滋, 而 削, 不 爲 さ 知 偶爾為詩 爲 天 加 出為 和 弟 今。 文示 H 陳人, 北 公 所 敬、 詞, 鍾記 處後燕 行, 史 不 詩, 大革 如 以 亦 松松不 盧 知者 弟 捉 必箭 文 室 敢 未 思道 前 在 殊 執 命。 必有 必 以 公以 猶 \_\_\_ 函 師 鋒 弭 閤 無 任 能 傳, 作 處 有 利 以 相 可 下 昉 所 甚 之叩 從者, 中 所 年 囚, 直, 與 傳者就詩求詩, 爲 作示子 解, 獻 山 少 可傳。 弟 泥 絕 戒, 弟 劉 替, 觀 非若 以好 鰌 維 猶 但 **摩箸前** 松爲 之魯陽麾戈老而 李志曹 摩 專 屈 揭 安子安亦 )1 || 1 詰, 盧子 爲子 强貧 制, 羌 孽狐 放 人 爲二士之談 無 作碑 者誤 北 幹之酬 部雜 <mark>| 蜍</mark> 故 架上 固, 更 作祥各 作 實, 銘 有未 指 屬子 家 一堆得 見 刑 詎 此。 以示 之學, 劉 在, 天 出 今 安頃 益 傳其 識。 道。 隨園全 越 奈 舞 經 先 思 弟謂 厲, 詩 戚 兩 石, 厭 吏, 道 先生豈 生 學而 家弟 己 之態, 李 格 相 厭 改定 思 語 剜 雖 集湖 謪 無 爲 子各處 E. 道 放 改, 仙 不 生 同 裁 本已 讀 北 甚 非 年 之 同, 氣 爲 量, 海 佩 其 嘲 內 何。大 因

學製齋論文書札

悉改矣敬釋唐事之疑容甫文箋先生前後簽補各條語必溯源唐李崇賢之選注王伯 厚困學記聞內之評詩文顧亭林之解韓詩虛警錢宮詹之補竹垞詩注並世考證 家,

古公愚容甫文箋爲兩重公案弟與公愚尙無豫生望文生義之病足當先生一盼福建 先 生殆無 可與談者當寫寄古君補入先生少時補許豫生入家四六注晚年補李審言

通志告成在卽所示最目弟亟欲見者唯蓺文志篇卷無多請先惠寄詩文近刻附示 爲

快詩話旣屬拔可寄贈久久未至昨致拔可書問其有無和槐字韻詩別紙錄上壽序誤。 兩人同病弟 苦駢文全須隸事又不肯拾他人唾餘楊雄賦甘泉爲之病悸少氣昨爲

駢文汗出: 不止服參附乃免改定新格凡求駢文要先兩月通問先奉潤金三百元不

依 此格者 十紙, 快 付之不答黃秋岳文書到, 函 寄 去知公覽之興發計當 亟速鈔示弟之新製駢文一首即寫就 如願以報門前綠衣人來專俟南三官堂陳函, 求正羅 縷 此

枚生之起疾何 如。

陳石 遺書

遺先生道席前月二十六手書拜誦彼此往來函贖以今年爲最少亦緣閩中寇亂不

學製齋論文書札

昨 容 故 多 定 彼 旨 欲 帛, 睨 不 宙 由 有 事 敝 諱。 坐 也。 且 不 邀 待 殘 間 於境 說 同, 毁, 詳 處 公 往 發 嘯, 不 不 聞 盡, 書 修 海 以 顧 尙 賊 [u 値 江 有 寄 焦 唯 來 唐 不 志, 外, 淮, 如 去 無 蔚 吾輩 問, 問, 識 Ē. 民 淪 稱 來 巖 見 年 力 專 見, 早災 東 詳 此 翁 何 示 過, 爲 處 鬻 坡 容 親 老物 用 徐 亦 盜 竭 可 駢 黨 總 (之後, 於 臨 矣。 唐 健 越 以 藪, 纂 禮 庵 俎 秋 支 法, 去 開 文 人 死 啓 設 之洞 之說, 聘。 院 撐作 此 丽 年 後 門 門二 唐法 有 附 陳, 偶 逃 揖 下 當 世。 壽 海 庭 入。 古 殆 徙, 人 感 且 百 公文 外 乃孔鄭軒 卽 如 東 卽 本 下 董 未 之 Ш, 指 辭 省 姚 利, 聞 指, 看 知 謠, 法 院 局 此夫 通 叔 也。 看 所 \_\_\_\_ 纏 鄰 羣 首, 志聞 詳 其 節 恃 堯 邑 屆, 綿 興 總 方倫 老夫 與 成 艱 數 賊 生 朱滄湄 黄 民 書 纂 亦 有 於 旬, 書 來 也, 照 君 徇 金 何 須 爲 叔 如 札 通 朱 有 他 風 詩 誠 不 如 例 供 問。 梳, 耳。 肵 告勁, 名 仲 爲 知 奉 給, 今 人 兵 文, 之 論 門 望, 謝, 我 何 此 來 數 雖 幸 者寧垣 之 皆巳 故 莊 譖, 肺 逃 下 唯 月 如 先 唐 遭 参校 喘 思 謂 箆, 兩 此 生 忌。 物 法, 至, 雄。 縅 惴 健 詳 叉 厄, 朱 非 公之啓 傳 腦筋 作。 故, 惴 貧 而 怪 在, 君鴛 唐 詳 絕 職, 皖通 馬 日 孤 亦 豪 中 大 通 夕 城 死 太 可 半 氣 葉以 佰 資 舊, 事 是 歲 去, 以 志 福 四 如 格, 雖論 通 材 遙 聘 館 懼。 間 面 初, 爲 博, 故 氣 海 領, 長 犧 界 阻, 私 幾 故 得 無 亦 顧 文 江 恐 謂 牲 水, 將 問。宗 雙, 人 從 未 脾 有 君 玉

福建通 省。 以後當兩月通書一次亦希公如期答復老思故人爲彌甚耳。 分公之精力盡於是書詳雖老循願作王勝之一讀也允贈年譜及禮記辨證統附 不 法 獲 巳, 山。任 公 旣 一當以吳慶百 沈 志似已告成今由郵寄二十元希將全志分包頒 相 賞 雖 不 在 前當 能 逮恰有任沈意 胡 亦以詳言爲 希張處之再 然。 味在 7加以考語 內單複 L 文 加 跌宕自 相接有在任沈之先如 鋪 寫盡致, 1熹公業爲 下不足若不 則 土 衡 玄晏, 輩 不 干再繳不 汪容甫 敢 何 勞 以 傖 下 敢 交 之泝 走 相 有 再 爲 累 詆 序, 漢 盼。

## 復陳石遺先生書

清 圣礼 之訐死· .1 ٤ 遺先 豁我 俱 댗 風 乃以桐城 爲 不 友背顯 所 生左右患復及通志同時寄到檢係六十一册然燭觀之夜半方睡, 爲 **泛吳賢湘**年 諱, 妙, 乃 叙 火点 之不 成 事 犯 \_\_.\_ 通掌故不采野 华驅 年有 揭, 傳書李廣芸獄高澍然傳爲 褒贬互 jith. 設 泛清 不 ijĮ 見史公之又 泥 史, **史惟據官書了** 略 塑木彫之死文字天生君 4 存文作? 法 也。 私 叉 陳恭甫雪謗汪稼門之假道 家酱 (兼采瑣· 之趙次山固有愧王橫雲而足下之 述 歐陽 事, 才不使參 法李延壽書林 公五 代 史, 預 四讀類 清 學梁 発 史 紒 局 此 林 旭, 茝林 病 與 書, 而 短

弇 言 詥 申 之君亦謂舍 點 'nſ 尋 印 ји∫ 採 師 未歇, 洲 用 詬 蔚宗, 愈。 老萬 出, 者 經 故。 之弟 謗能 不 弟 唐 續 即希 趙 世 善 季野横 寄, 法 所 卽 續 宋 新 嘗與 下賜文鈔了 書 今由 爭 卽 秘 如王述庵之湖 傳 經 人 顨 者, illi 法 弟 俥 幾 不 論 箸佐 友 卽 也 軒 郵 粰 讀 遭 無弟二 人 <del></del>

一 與其 書, 此 致 詞, 列 棄 百信 書 **强僅於修** 唐 十元, 不易選定須 1 於 爲 一人得此語 Ż, 法, 文誠 直 甥朱文翰 包 烈, 與石 爲 以 海 速請將 安吳 而 緣 腕 文傳, 君 不 創 講 有羲之鬼弟與 遺 用 安得 云 通 書 理 書所論 弟 虚字 陳 已成 尙 始見知已之言 略 上天平平一平, 學 志發之吾雖 参以 可示 君, 太過, 海 知 作 事, 共 脊 經 任 為 於海 健 綑 楊 似 世 不 子 沈, 句, 有 炯 束 本 知 先生其亦腕 文青溪 部 王 内, 正 加 所 末, 此 欲 -精騎五 雜 搔 氢 前, 不爲緣飾詩文續 闕。 君其愼之朱君 而 效 循 姚燮之派, 家 着 早讀 全志 女之列克 不 卞 之學, (之軌迹 第之鲜 和之 如 千足敵 二日其: 何時 此 有 亦 傳蔚宗 傳之詳。 哭不 蔓 鍾 處, 卽 可 刻 樂劉 尋, **鴛福** 爲 非 延 快 羸 成, 得 子 有 海 湘 卒數萬; 集及年 無比。 書序 命繳八元 也。 文苑傳不 勰鬼之少許 部 所 内, 水 文定當 列 雜家 之波 狂易之 已言 弟 歉, 女 譜 恐 依 自 君 瀾 爲 謂 見林 之矣。 仿子 禮 附 八 疾 誤 經 角, 未 序, 末 爲 會散 光必 無 將有 歇, 弟 箸 Ŧ 澍 #: || | | | | 政, 깷 前 審 u 泚 勝 見 兼

學製礦論文書札

論 如右期君撥除冗事作 一長復相和後生當怪爲兩老物攘臂而爭援爲談 助 也率復

即頌 箸祺。

答陳 含光

盡 含光先生侍者夏秋之交日有不適洞泄下利相繼爲虐近始能與諸友通問先生所來 茰 不 生自通門隨宦在 可 母 仇 左 **党数犯大** 書一一拜讀江君扇書畫兼施楊君甘伯等視渠輩業已臧弆不輕於揚仁風, 墮 視 傳國策爲之輔昌黎子厚咀其胾變化容甫之法而避其轍鑽仰顨軒所業而 不 君是也詳論文章與世所宗尙者故爲異趣自論桐城派一 飲不意求之二十年後由惺庵爲 **人矣詳**。 入 通此指阮文達論筆與文異言之若夫文言之文則取諸范漢之後而 近時輕剽綺靡惡習所撰詩文皭然不滓如鳳翔千仞俯視斥鷃歸昌 所恨者渠輩概不讀書專致意於起結伏應守爲義 不敬乃獨偃蹇屈 外與郡中諸俊少蹤跡闊疎獨襲累代從乾嘉人物與聞學問宗旨, **彊羞與之伍但自承** 媒方得各吐胸中之奇積誠旣 爲子部雜家之文寗失之不 首著於國粹學 公法稍溢 5 人 天 必 為 、 分, 不 極 之作 於唐文粹, 報, 一鳴凡翮 探其蘊, 也。閣 檢, 啻 爲 :合, 某 而 海 幸 下 内

背 語。 復 能 庵 幸 且 者, 長 如 體從惺庵處讀足下詩得於比 西江 與 馳 亦 相 流 意 不在是也足下 文者大都子家之言, 陳 騁豪 之同 連義 逐 簡 前 孤 深願足下 曾言之諸 祖競不 齋乃魯 此足下 行不顧毀譽於今四十年矣。昔惟淡生袁子今有梅縣古生最後復有足下, 派 病故極論 無 所 山, 歸 而 流 毋偁 已世論又多歸 宿蘇 俊 誻 深 衍, 直之肖子誠齋後 讀支景甯集賞詳 而不 以宋 少 書皆得要領詳雖不 詩文自寫 亦漸 長 鄙詩於友人間則詆諆者少 公出傷盡 能 派 不得謂之文也至於詳之學詩已五 《傷於直 自 老矣而薪火殆將不 成 之詳一 罪 一隊北宋之初, 興爲 |徑魯直| 、狀某君以摩登伽淫咒盡毀諸沙彌戒體餘氛 傷巧傷譬喩太多, 村質爆撲野 · 兩詩獎借 多以爲 **窮秀才安敢出** 敢引 后山 爲至當文章之正鵠, 學杜直 過甚, 太無 繼然研詩文 自 方令救時 矣杭大宗曾道 西崑 今亦 傷聰 興會。 工其議論 **Ŀ體後不** 可謂之生 之藥無 放翁 不 明 太露。 一十年初 能 如昔之俊少亦無 轉囘風 失 稍 爲 過於 豈復有 閻, |香活 心知爲 唐 有 此體矣詳詩 人正 嗜文 雅人 潛邱喙長才 氣仍自託 此而 剝。 一大家意识 一 軌 歐 公 選, 深 外 繼宗 於此。 持 致。 Щ 風 偏 南 二二足下 老學究 學 未 怯, 於 雅枋 今之 杜 宋 於 、賦之 韓, 馆 韓, 詳 始 雜 所 者, 不 重 叉

學製齋論文書札

談, 與 今以 休 嚼, 庵 渠 爲 兩 獨 絃 絕 之哀 句 寄呈足 快。 歌, 文 誰 下。 友 爲 人 好 事之造 除 否。 休 庵 門 外, 復有 而 叩首。 請 何 業 也。 人, 俾詳 詳 處 聞 郷 之,望 城 惟 西 有 楊 南 君甘 而 笑, 伯時 且 如 常 屠 渦

陳 含 光 書

之大

爲

起

病

之

下

其許

我

詳

[jil

首

内, 朝 郡 伯 出 託 以 弟 含 論 盟 諮 浙 劉 吳 孔 光 途, 派 恭 史, 卤 駢 自 先 顨 生足下。 次之流 高, 叉 非 文, 甫 而 軒 次 有 以自 改 亦 lll) 不 之。而 轍 薄 習 他 不 昨接 冤 避 然 也。 靡, 初 爲 :變化容: 之敝 唐阮 效 四 拔 爲 時 宗, 尤 棘 + 下 復 以軍 集 自成 儀 尺 書, 誠 华 牘 甫 期 具 徴 外 婉 派 間 孫 期 稪 在, \_\_\_\_ 所 雅 隊, 者, 謂 以 淵 何 友 相 有 嘗於 爲 百 傳之至今衍 間 節。 人 如 淸 多 簡 裁 譚 不 爲 JE. 以 容 淡高 體, 者, 欲 仲 ग 脩 耳。 善容 大都 甫 以 掁 近 古 貌 趙 集 撥 撝 時 甫 爲 碑 足 中 爲 爲 宗派。 文歸 齊梁 駢 趨 叔 作 販 下, 響。 作此 网 贼。 文, 冤 先 孟 弟, 洪 其 僞 刺 竊未 實容 作爲 生 北江 慈善 甫 ---册 ·外聞者絕。 答, 今 子, 處 效 便爲 敢 派 甫 小 戒, 最 善學 父體, 當 以胡 倉氣矜之隆後 甚 烈, 得 不 慰 少。 范 龔 過 矣。 尙 計, 稚 譬如 蔚宗 定 能 威爲 不 其 此 庵 尋 爲 不 種 常 得 書及 文字 恶。 知 派 不 州, 容 此 蔓 至 叉 口 自 甫 延 薛 鑒 南 久 規 法。 海 所 同 而

本, 光如 光 劉 禮 作 **沙别呈** 王 意 部 謝 集 <u>一</u>振, 子 爲 | 朝陶 弟, 以竟 善, 而 其 潛詩, 勉 容 人 副 僅尊二董 甫 有意 鄙言以, 餘 路緒大方遠宮 無意 竟 含光必能鑒之。 此 方為極則吾哀吾揚! 客津 哀 歌 求 門, 友風 須 將 此意 雲會合之歡悅含光其 心告之爲 州 叉 兼 哀 南 北之 常 州 也弟老 相 (無讓焉前 和。 名 家 矣。 欲 華 胄, 吾 含 改

致陳含光書

然先 效偃 鍾 可 詳 復堂先生所推 含光先生侍 走 與 以 靈 向 艈 Ŀ 生之言天下之公言也試問百餘年 君耳所最 師 重 之技 秀, 揖 保 隱 緒 自 侯, 漢 早 復 使前者辱賜 製恨者間, 絕學日記 **彩**視 著鄙 以 争 夜郎 下 亦 子 文 乏其 架結構 之大詳 顯, Ħ. 篆聯, 得 君 之緒也來書論駢儷文字附和鄙說又 人姑 君 頌 :竊羞之故: 中其 豧 爲 並集佳語猥以容甫相況詳前書僅承具體而 以本 一定模型, 義, 、味雋 不 朝而 覺 ·來滄海橫法 懑 敢 齋 論, 然 빓 集, 如 平 乾隆之前以 J) 絕 削 服。 師 生所 印泥, 流雅 數 蔚 宗,晉 見貢 絲豪 + 戸其 年 文章 (之左 前 略 不 嘗 綜 異, 咎, 名者, 多推戴 右 北人 語 論, 胠 医探 友 尤 而 人吾揚 竟忘却 多清 命 不 世間 囊丼 (之言)皇 拾 綺 江 微, 出, 溝 雅 保 傷 西 ||恐萬 而 通 緒 事 麗 唾, 不 文不 之語, 主既 敢 唯 狀。 Ţ. 糟

學製齋論文書札

登二 認 盲, 敢 詩 出 日風 多 可 上 究詰。 文雖未 下其議 【八家詩】 有 見, 者爲子部雜家之詩文而不爲奄奄如泉下人之詩文與靡靡俱盡, 而 異論 一絕渠 凉於是乃探喉出胸 而富 不可救藥矣詳之詩文譽者謂文學容甫質多詩爲學人之詩既前詳俱不 自 I吾縣顧· |有根柢不失一樸字且學問尙 論, 臻絕詣而屹然有 有 也詳論詩文深戒同 則僅窺 謝 引爲至幸不僅如 詩容寄江 宋格, 文子 任子田 其他學問略無師 君, 鬲 亦請 中 不 -語噴薄而 倡為 越之流人見似人者而喜也久當作報天熱至病 。輩萬不可 山 接例為 嗤 、點之處, 樸學, 之此書牽率不能自休而惡札 出敬質足下其尚許我爲 有餘於詩文之外者此詳所以亟函 爲 法, 汪 卽 不過仍守明之楊升 鄉 劉 原之詩文至一郷一 如阮文達詩文有 王 焦接 踵 而 起而 庵胡應麟 不 阮 聚論 可傳 太傅 國稱之其病 一也足下詩文雖 否楊君扇子 幾不 者 集其 「輕剽舊習了 邪, 納交而 辨 大 海 一受所自 勿足下 少氣, 已入 内 成。 頭, 恐不 其 拜 仐 以 未 膏 間

致江都陳含光延韡書

請鑒

我

所

云云,

一勿責

其字

迹之粗擴

也。

光先生足下郡城之集獲果願言喜嘉賓之出人慰子猷之乘興通家誼重前席談深,

無俗 日 吾門之商 牽拂嘉招肴覈豐瞻休庵陳子家近太傅之隣周生新 三世論交一門競爽固嘗矜榴枕爲名篇極菰蘆之遠憶昨乃睹有睟之容遂暫歡之適, 一十日重憶舊游白雲在天蒼波無際隱侯之感衰莫彌惜離時顏遠之思故 協 於辰 物胸 偃承 有古 良緇素之交清言符於彦會仁風在 人無異齊賢聖於一庭促千載爲旦莫已復萃於僧寺共味禪悅王 一袖畢景首途佳箑弆臧篆繪 知秀繼梅岑之轍。周生官無家官陵 如 文字之飲吉 一。頃? 者抵 一君爲 眼

復錢子 泉書

似裁書叙款不

盡

依 馳。 里

人佇立想

子泉先 作答今承賜復豁然開朗表裏盡見弟前云足下張桐城之幟以足下箸古文詞類纂讀 之舉不能自休乃竟數紙亦以並世賢者皆得論文獨足下能爲古文且爲讀書人 文竊願有所論 擇而忘其言之過戆加誣良善書去之後婁從範九探足下意旨因告先生攖疾, 生足下前以範九紹介屬呈鄙集逐罄十數年嚮慕之忱輕貢狂言爲發鯨 列往復辯別爲文章家互張壁壘使當世後生有所準的好丹非素, 未遑

一八四

詩文甯爲· 文最 所 在揚 亮, 而 **盧執戈而** 如 問, 有 集胸 來 法, 意 以 叉 曾文正之於吳南屛其可乎。弟平 暖暖妹 亦所宗仰但一 餘 書 獨 味 佳, 州 地揚 未知足下衷曲相提而 亦云少好選 中 乎容甫 高 深 華 亦 長叉 文言之文不願? 一代而譚復堂先生推爲絕學 而 前, 水卒章之四言揭以見告始懣然心折錢子 平 姝, 不 之氣, 訶禁不祥多方擁護致類宋人撏撦義 奉 甚善 先生之文章 豔, 質 世不求姚郎中學問所從出之途惟執其選本尊爲 無所發泄 學一時强附桐城特徇學子爲講授計其期期以爲 先 沈 而 生爲 休 不 俚类 文任彦昇之樹 熟於范蔚宗 爲 師, 論此一 博簺之文區 而妄意足下, 且采弟三十 而 實 ·生持論 腴, 重公案 談 書, 也。 義遣 而陳 而 品 亦託 车 彌 所守 願 必有集矢不肖 前 初好容甫文义嗜文選昭明之序, 詞, 為子 永容甫窺得此秘於單 承 畏廬後塵迎合時尚自 論 不 祚 如 桐 敢 之國 部雜 此安敢承足下所言天下之文章其 山之病。弟於是尋斧畏廬, 城派一 輕 泉誠 渉鮑 志在 家之詩文不 者。幸 篇, 叫 明遠江文通之藩 前裴松之注, 爲我 有 知首 所去 友矣。 複奇 願爲 過, 金 不可 知罪 取時正見畏廬 除 科 所采魏| 耦 依草附 去足下 玉 於 者, 過, 間, 温 傷 其 律, 姚 方 無 日 籬, 音節 :更有畏 郞 寸 所 晉之 此 木之 名 本 間 追 中 其 學 改。 别

信蔚芝先 惑又云· 復阮太傅: 若足下之虎且 附麗之者, 曾 桐城尚 不 無 諱 和者, 有 本師遂以第二義進所重 時 生 미 讀 不 文言說尤所心醉至今已成爲痼疾矣鍼肓起廢唯待足下來書過 先生書盛加 不肯言豈 與 見撫實者少憑虛者多今乃拾其蜣 hl 叔 相率而辟易 **傅派楊州衰歇至** 彦 編 修 不 在伐國敬請足下於先生前誦 繼 推挹不禁灌焉涕落也桐 吳 第自 中 止此尙有何-|此之後| 定下 江 氽 者 能 兩 盲 不 · 較輕 先 多讀 人敢附容甫七十之年精 生之後亦自 量足 書, 丸 城自有 而 爲蘇合香豈 下 下 -矣蕘圃! 艺。 筆 薑塢 輒古畏廬僨! 不 恶時賴! 果 非岐之叉岐 儀衞之學後輩竟 無別集 好事 力彫 於 定 人, 豚 耗, 載醪 本得 邪。 上 呻 譽, 吟下 茲 絕不 可 畏耳。 袪 復 識 未 所 乃 邑, 有

再答錢子泉先生書

莫不皆然雖 之列, 子 泉 **一下觀漢書儒** 此 先 公長 生 侍 極當 者之行適彰 者。 重 承 林傳及劉歆移博士書昌言其敝而操矛入 世所偁公然摘 惠復, 下走之福衷耳。然猶 憬然以悟, 其是非, 公於 不爲之諱。 畏廬爲其排笮尙不忍修舊怨終致之文章士 可言 白秦 者古 世儒 人護道如護頭目自孔 八室鍼育? 生阿諛暴主, 起廢, 級駁五經 各自 孟 莊荀, 說

入畏 究韓 宗又 末。 穠 邇。 浮於桀紂畏廬之罪應科 席, 獨 有 舉 復 毁我 畏 弟 出 巧 文 固 樹 於大 廬 靡,淫 願 以爲 爲時貴意旨傾嚮遂復 章之士當之而 廬 柳 不容利觜長距 者亦必有譽我者猶之乎畏廬也尊謂當時 自 始 文 義, 氣 思古 有 渠 矜 畢。 法, 而 儒 復起桐 本高 Ż वा 弟於是 强 之 隆 傳 意三十年來胥天下後 天 口 7材前者爲5 限 自 者 下 專場自己 大 原有賈 以 兩漢迄 在, 内, 城 之燄, 然實 有 下 荷 走 不 何律畏廬旣以此得 同 招顧金錢, 欧附和其 蜷 本, 不 鼓 封 逵 者。 **今學術皆有黨派** 以鑪 欲 閒 太上不 伏 者也弟於畏廬從未識 在 1內佼者據2 海 典 與 濱, 畏 鞴, 說, 徒友言之義形 勢令海 生盡驅 張之無 出 廬作尋聲之黑, 出其緒餘致敗風 朽有三立言亦 交 當 別 2名可以已会 판, 內 皆有 本易爲 已縱其言論, 入猥薄無行終以亡國吉人言王何之罪, 亦 學子, ·競爭然必: 嘗 於 術業各有專攻異日千 從風 色, 以 如 賈誼, 爲不 面, 文 俗後 矣而 來 而 字 書 再 涉 而 觀 朽之一孔冲遠之疏· 叫 又逞其: 見 所云 於氣 又强論 與 靡, 其所譯小 見文章之士得 相 知 閤 承有 《 矜之隆, 耆 與 也。 下 往復 舊, 其 文章, 故 人之立 緒, 並 技, 說, 小 始 秋理: 說 高 寢 世 辯 因 能 重 至在言情纖 身, 等, 論 至 與 論, 擇 自 分立言 無獨 後 各 文 不 而 不 舉 左 立, 氏已 代 有 覺 其 章, 可 世 未 必 本 嶞 取 鄕 所

學, 文 爲 優 誠 有 無 哉是言 殊 可觀, 畏廬 以 貴 文 游 〈學之左證〉 師 漸 朱紫 )飫能自得! 校 利 之勢偶逞 與 爲 不 維 魯靈 月 미 <u>闰</u>, 摩 復 不 詰 |憑其 知閣 <u></u> 狂言特蚍领 師, 易。 光 第子, 中有 殿, 但 歸 \_\_ 謂 下 言辱在 聽二 然獨 所 位 不 置弟 蜉之撼 主, 宜 一士談道, 方不 存束髮· 重 揚其 下 於 風, 何 爲 樹 有 我 願 波為為 等。 小 耳, 子導以作 所 聞 無口 \_\_\_ 軰 輕 其 議論, 流 束 重, 說。 將 髮小 實之足慮 不 此 聽其 盡, ·文先宜· 子, 亦 後 溫 善 發縱 書 太眞 字。 疏 也。 指示, 一 令 讀 尙 閣 口 往 情而 來但 爲 實。 下 奔之 前 古 色 則 復伏希 動。 以 屬 書, 弟 談 公之文學 範 猶 如 如 蓺 為高 九 有 韓 一 說。 垂 索 爲 弟 柳 察, 鄙 敎 節 七 箸文 史 不 目, + 方今 人 出, 老 無 集 定 令

答東莞張江裁書

談 雖 有 以 張 數 晉 君 重 南 其 卿 人, 江 蓋 裁足下。 名, 雄 在 傳 於 不 叔 龔魏之派, 敢 節 北 與之通 之外, 方。晉 淮海 重 卿 燕 m 聲氣 其 王 薊, 猖狂妄行變而加厲襲魏之學受之劉 善讀 相距 先 也。 生 今賢父子旣 書, 以 數 兼 儒 千 者之 单, I 於 無 學能 修 緣 禮晉老復 詞, 奉 餘子 書左 爲 經 翩 右。忽 術 師 文 翩 字, 南 承 相 海為為 競, 絕 枉 典 非 札, 禮部 走平 再 桐 語 傳 城 意 逢 弟 薪 日 謙 禄, 火所繋走. 子。 所 抑, 走觀禮 南海 持議 至 不 昔 論 可 部之 與 不 久 任。 知

集, 不 下草 之資也恕之爲 有 亦 其 免爲 具 示 甬 "成極願 卽 排 兀 素紙不知足下云何作文邪, 刊行之本亦不欲致之足下請取時賢文附! 東 偶及明季: 微之氣往 如是也, 復 全無常 濂 爲子部雜家之文以故好逞己說間有謗及桐城處爲衆所不喜, 數紙 亭摯父 讀走年 欬 入手, 因 時坊肆 逆上 入 所 此 脱俗 囿大都有義 而 虚 已七十二 氣不能自休 衍 與委蛇戛然中 有近代· 調考據 爲 杭大宗道古之餘緒實皆出錢受之黃梨洲 矣好與文學少年相贈答足下 法二字函数 則有尊師文在, 詞章又未嘗不 十家文鈔之選走常以爲不倫聽其自 而又輕肆己見觀縷如此妄鳴不 止范伯子亦故 ||於胸 :麗其間何是 寓其 中固結 如作詩則又平生所持復 八也其文品 内。常 不 解, 取於異己者作狗尾之續邪。 與石遺言共爲子部雜家之學, 似 方 (思極深: 尙 以 不 **公書來重達** 如 河繁義領 湖而! 無論敞集未 爲 叔 初格 節, 風 知 規模少 氣 出 其意, 其 也。 縟, 而已。 之從容且 爲 南 而 走從 彈 於燈 狹 出, 汰 海 年 别 卽 去

炳

麟

**遂**。 童。 終。 髡。 歸。 甯 啸。 猷。 遒 方。 神 非。昏。古。首。懼憤。侶。之。相。夢。農。 而。猶。吁 兮。蒿。世。於。福。迫。誰 里。之。空。束 **媢。能。嗟。亦** 兮。 云。 夏。 善。察。乎。何。之。不。林。履。重 覺。 夐 兮。 劇 救。 殮。 容。 兮。 平。 日。 思 兮。 哉。 九。何 **薬。於。魄。時** 謂 塗。 諸 貌。 如 州。譞。不。民。兮。太。鸞。不。夏。 娘。 之。慧。 可。迷。愚 息。皇。謂。之。自。 召。己。之。安。微。食。 博。而。己。閔 H. 大。不。褚。屈。禍。長。宜。兮。不。 何 兮。知。兮。平。而。**潜**。訥。相 能。利。暆。 之。使。兮。天 蒺  $\mathbf{H}$ 反 曳。自。祿。 蹙。相。爇。升。賢。獨 不。曳。振。 分。 何。 百。秋。不。皇。與。悲。能。而。兮。 福 涑。 里。蓬。可。兮。之。衆。止。趨。而 輕。兮。 亦。之。己。將 齊。之。人。深。 震。乎。 己。辭。踐。周。超迷。之。谷。乎。羽。能。 流。遠。所。惡。耳 羐 褊。燕。 貉。忘 習。 夸。荷。而。舉。從。**兮。驚。**蒙。 周 **詬。石。** 秦。亦不。旋。入。也。聖 霆。 之。 辱。 漢。從。可。顧。深。旣 不。而。俗。兮。申。 唐。風。 己。 進山。 託。 能。 溷。 放 楹 不。而。爲。退。兮。命。曉。宫。辟。槍。兮。 可。輪。衣。去。百 於。愚。羽。邪。東。 幾。轉。兮。留。卉。斯。之。兮。侈。出。曰。 兮。旣 皆。盡。上。惑。目 白 己。拂 偃。 菑。石。不。焉。兮。予 胸。爲。太。 壹。害。不。可。有。天 抱。日。常。角。 媿 鬱。之。可。兮。薇。長。道。遂。兮。兮。 誰。並。己唯 從 喪。己。迷。厭 畢 至。充。 年。接。亂。自。青。先。物。 分。 兮。飯。愁。輿。將。虞。黑。民。來。 

餛

滑 書, 然 子 時, 千 不 葳 起日: 貧 先識 稽 及 金 喪 百 習之而先生固 至 父, 數 然 事 出기唐 蓋 家赤 「余 生 金 自 不 駝, 仲 + 能 耶? 錢 文 奇人 咸; 多, 金; 一日唐駝 購 但 貧, 且 隨 中 不 人 (也長不) 影 年 悉記, 知 送 其 學 手 本; 唐駝 來滬, 輒盡, 母 士 盜 不 今記 爲 出 以 之知 後識 過五 # 門 爲 登仲咸之門, 貧 人 至 浣 嫂固先生之堂 債 現代之書家曷敢 其 日: 販 小子 唐 追 衣 夫 如 尺右背隆然高 我送 以教: 走卒 駝; 故; 拜 得有今日先生之賜也 Ŧi. 人 敬恭執 養 或 + 君, 不 婦 文之及長期 年 庶 人孺子, 不 知 姊, 仲 前 不 知, 贄日: 起頤隱 常 以 爲 咸 習 疑 師 院 民富 皆樂與 出 有 邏 傭 字 百人先生家代型 第日 者 書 此 師 居! 追 弟子。 於 所 海 事: 拜五 駝 得 上, 肩, 有; 師 也! 一復業 卽 何 盜 近; 傴 仲成 日: 人? + 仲 聞 僂 入 懇先 八其室駝 取 其 駝言, 呵 减, 莊 即 恍然, 唯 年 行 刷; 行, 亦 仲 生寫 唯! 奇綜駝之生 前之先 不 後 咸 輒 鑒其 否否! 悉索 知 孝 忽 傾 形 廉清 大 之。世 以 奇。 倒; 生。 小影 **小子** 鬻 誠逢受之駝 所 其 駝 善談笑 書, 言 有 華 有 仲 童 歲 奇。 本, 平, 也。 不 以 轉給 時 與之, 余 此 致 咸 駝 知 學 弟 譽 少 類 數 詼 五

記

也! 有以怨報德者吾見亦多矣今駝能報 年皆三十以上謂之待先生可謂爲 |陳 復設盛饌於其宅宴請先生主客 一月二十六日也夫我國道德之大原首重報恩方令人心澆漓受恩不報習爲 詠 是可以風矣駝丐余文寫此紀之人奇事奇而余之文亦不得不奇。 韶 與 余皆六十一胡君 復六十班 中 鄕 陳容民八十老翁年最高 飲 百 五十年前不必報之恩其舉動若奇其居 俞五十五盛苹孫四十五; 酒禮亦可宴舉攝影爲紀念焉時在癸 仲咸七十九唐駝六十三; 此外駝之戚族數人 心則正 固然且 酉年 +

思。奉。耳。遗。新、而。一、之。中。新 志。城、逞。暑、志。傳 城。 莽。哉。手。**旣** 未。亦、貪 年、學。 誦。陳。 如 以 小师 敢。以、惏。 之、渙 親。屬 所、然。夫。以。 泯•淪、爭 提。湯 也。胥。民。嘗、大。之。文。 耳。定 睇、施<sup>。</sup> 口。享。 持 之 號○ 學 授、 問。嚮、奪 經、 振 垂 衍。 以。夏 斯。二。桐。 以。一、大 焉、 周。 劍 直。齋。盜。者、 文。百。城<sup>。</sup> 旋。 派 黃 躬。蔼、以。也。 於。年。一 將 脈。 爲、起。於 垂。積 終。公 勿 渚 爲。焦、則 戲。絕。世。震 身。 阿。土。多。天 焉。 有《禄》 詔  $\equiv$ 君 世。灨 **彝。耀。海。** 豈 殺。不 訓。以。內。 一。以。弔 徒。子 文 以。鍾。自 山。續 章。愀。 爲。吾 以。焉。功。民。宏。美。姚。 川。圖。 宣。於。姫。 娛·反 毒 曾 之。而 睇、我。傳。 美。 志。袂。逋、逢 識 抵於、 嚮、灨。先。 之 末 勿 爲。涕。湘、劫。齋、 史。 不 一。生。 梯。曰。鄂、士 之。敢 者。先。 贛、 娛。忘。榮。先 不。昔 生○文。 人。皖。詵。蘅、  $\mathcal{I}_{T}$ 正。 承 風 先、 日。大、之。赤 學。皋、益。 平。 公。 風。清。夫、敝。地、而。府、 尤、 物。佳。其、廬。數、侈。君、皇。喜。 詔、不。千、橫。讀、厥。稱。 展 書、考。說。 我、可。里、議。 足。斯。 之、蘅。之。 以。圖。矣。保。而、上 室、皋。 繫。也。言、先 贛、不。 而、府。 猶、人。爲、揆。 長。見。在、之。甚。道。 灘、君。集。

谜 都 授 縱 闘 大。基

野。 博

壓∘ 拜

民《爲

謹

手

頓

首

作

讚

一。

天

[[[]] o

低。

吾

無っ

辜。

有

וחענ

斯·

悽~

士

也。

狡

狂

不

嗁。

以

笑

急

功。

近:

名。

H

肆□

而。

僄

無。

失、有、靖。 墜。得、志。 其清靜莫敢告 一天 勿馳 榮觀 一天 發 報 横。燕、殺。 議。處、機。 民 超、喪 亦。然。為。 正 定 之 定 孝 子 。 般 般 。 告。茲。於。 多。楹 士。書。亂。 我。劫。傳 心。灰。子。 悠。此 悠。志。經。 不。把 移。卷。 圖、詠。 以、歎。 昭、道、 之。貴、

未。

勿、躬。

22.

批 堯 渡 登 小爺 巖越 嶺 道 木院 Ш 豐

Ŧ.

漢

登

では 寡 贞 懽。 風 色 薄 重 九興來 恣 所 往、 曾六祖 衰朽容 與古 渡 頭。 咫尺 仙 巖 口。 竦身

良久絕頂有一 颜。 巴 限皆培 壊。 増 徑歸途云可 壁谺其下數 數楹 取。 即路幸 却可 匪遙聞言忽抖擻清暉耽後娛勝景怵前 受。 飛梁 跨 無底。 埽翰淩絕斗賞翫殊未足延佇亦 誘投迹

楓 挺 向左涉足乃出右。早悟新 爲日樵牧時時逢果蓏往往有下嶺日正晡出谷時加酉千巖萬壑姿莽蒼入囘首。 術歧孰與故蹊守欲返嗟巳遠任適復奚拾寒榛翳荒

竺 語從游者茲行信 非偶。

四 月 -H 偕甸 廬 洛 君往湖口 汊游覽諸勝八首

橋纜巴: 收迅 於鳧羽 穩於鷗溪風習習蝦籠觜。 岸 火星星 漁 渡

頭。

漢文

艤

榜

津

窯戸 風 倩 取 次探人 《家更在 蜀 山 l南溪流向· 夕 · 浮蒼靄。 Щ 色凌 晨霏 黎 嵐。 湖 汉

近峯舒高 復低後 奥清晓? 入招提焙茶香裏客稀到。 濃綠陰 中 鶯亂 啼。 張

九五

一九六

乍 開 忽閟 變陽 陰萬怪千奇莫可尋雲氣驀驚生絕底錯疑潭水 一泓深。 張

下 窮 無 地 上摩天峭壁欹空水湛然但覺坐來毛髮 冷。不 知身上有雲 1烟玉女潭

太僕風: 流三百年摩挲遺 刻一悽然河山自昔有興廢片石於 今無 變遷普賢奉

市遠 烟蘿 Щ 洞 「村便沽 口鬱蔥龍洞裏千人自可容靈蹟未宜凡俗近。 酒。 飯 餘野店可烹茶: 林巒 如 畫波 如鏡邊漿歸 故 應終古白 來巳日 1雲封。巻洞 斜。

春 幕 與 匍 廬 盛諸公冒 雨 游 龍 池 伯笙 未往有詩 見及 卽 次其 韻 答之 王 漢 文

石開 過 洲 Щ 野 草 花游 興 少 時 渾 不減未應笑我鬢 毛華。

芳坪

十里距

嫌

赊。

楊

柳

陰

Ці

繋釣

槎异筍溪橋

偏遇

雨。

炊粳僧灶喜

l無沙飛

來

何

處曉

登南昌繩金塔

張家騂

塔勢崢 嵷擁 紫雲。 登臨 世 外淨 塵氛江 湖萬里縈襟帶城堞千 堆列掌紋入座風雲驚變

憑欄 吳楚極平 分步虛我欲高寒去。祗許鐘聲下 界聞。

更夫

章植

踽 踽黃昏後朱門酒未闌犯霜人絕跡敲夢柝驚寒蟾魄中宵冷鶉衣永夜單生憎 村上

六山影傍籬端

瑞雪次亦芸韻

黄紹蘭

誰 錫

為枝結約影橫斜發夜姮娥度碧紗樓閣玲瓏都綴玉岡原高下盡飛花助邊

先兆拜天嘉。

黃紹蘭

**內亦 三感舊韻** 

**網院員尚舊游筵每從文字結因緣三春修禊蘭襟集九** 日登高雁序聯海淀芙蕖

**企四山松柏志貞堅** 何期忽似長星散悵望京華年 復年

M 華 于尹見寄 近

> 萬 雲駿

俗不如石 逃名我腊書獃銜。性 壁雪松杉君詩 事奔走填胸百感殊難些蕭齋頓驚春巳到簾外埜草青如衫尺書遠寄 一、耽佳 一洗凡豔盡如典夔樂聆韶斌婉變季女苦作嫁縫裳十指珍 句歧實饞故八千里書忽至忻然色喜開瓊緘天桃冶李總粗

要永好不辭恩怨相 諵 諵。

**掺掺我亦飢**腳

春日獨遊法華西郊

萬

九七

詩

草紅紫 प् 之。杜 爛漫。 霞 明 垂 門 滿 媚 楊 終 野 生 春 朝 日 葳 曦。 不 韓芳一 成 蕤。 句。 羣 披。 叉 鳥 似貪 路東 上下 飮 亂 風 逢 隨。 林 糟醨。 病 藪。 争 後 畫微 春工 與 腰 游 脚 嫌綺麗無雄奇異郷風物慰坎壞短 \_\_ 子 非 事獨 相 昔 健。 娛 《嬉平生》 憐我渲染萬物供新詩。 步 幸 耽 有 詩 枯 如 筎 耽 支。 酒。 宵 裹 來 李花 頭 低 雨 夾岸 哦 潤 辟 百

## 放 歌 行 艒 心盒 杭 州

萬

雲

駿

見

郭

生

思。

紛

蘸

水

搖離

平

野

十里

展圖

歌

篷。 今流 顏 剛 君 紅豪 興子 腸 不 見阮嗣 轉如顯蓬。 逢。 不 提榼 吟 耐 洗 飢 寒攻晨起 宗。 盡 相 我辭刻 壘 追 浪 從六 遊日 塊 胸。 ·幕悲途 珠玉 畫雖未 橋 理酱愁青 烟 柳 第又不  $\mathcal{I}_{\circ}$ 春 生長風須臾躍 一異代 銅。 所 宫。 驥 坎填 ·見杜陵 西子 服 鹽 潢 無 車 公 翁 歲 拾 橡 哥 粧 乃同。 鶴 水隨蛟龍春 在 爲 君詩 我 龍。 容。 网 憤直 微 傲岸 栗隨狙公自 波 茪 才 欲 百 號蒼 何雄。 媚 如 夢 傳 夸。 客 恨年 嗟 幽 安得 衷。 忽 窗 少 咄 忽。 酕 何 醄 千 昢 羞 日 里 仍 雕 展 乘 書 蟲。 笑 衰 孤 空。 至

秋 梛 依漁 洋 原 韻

湖

邊

黎 佩 衡 遺

風 冷 落 淨 吟 魂鐵笛 吹殘唱玉門起舞 不 堪蕭 瘦影畫眉 空鬭 淺深 痕。 蟬 聲 亂

塢。 鴉 點 遙 投 隔 岸村。 九陌 韶 光彈 指 過。迷 離 春夢 向 誰 論。

垂 絲 樹樹 著新霜。 弱影離披 滿 野塘。 歌板聽 誰 翻 小 拍。 舞 衣從 此 叠空 **稻疏籬叢菊** 

澤。 濁 酒荒 、園話野王 促擣衣禁城風 苦憶舊 物亦全非常 遊成閣 別淸談 時 到 品 驚慣緘札書 茶 坊。 空悵雁稀攀折況經悲

樓臺有

地藏

萬

戸秋聲

落。 輕狂那 更作花飛永豐移植原多事一 曲楊枝 心 事 違。

日。 弱質經秋自可 新稊總翠又明年閑庭 對爾偏多 感慢觸無端到酒 松枝向晚猶舒蓋蘆荻衝寒欲放綿嫩柳 邊。

## 冮 灣獨 遊 感懷

黎 祥 燊

垂金

非

赴 積 郊。 綠 叠 悠悠 草已 疆 場。 霾 雲亂 心 百 抽 死非所足 悲烘無 芽。 堤柳 四 野。 復吐葉江 **L 轉攻乏舟車防禦無雉堞惟有骨與肉**。 殺氣 朋偕! 侵 暢遊。 後睫憶 良晨 南三 月天。 徒蹀躞驅 昨 ·好男兒戕! 惠風 車 動 賊 輕碟。 來 稱 江 灣。 雑錯 健 捷。 | 懷獨 北 開 等誇血: 山 塞 花翮 振 Æ 躡。 烽 共 烟。 壞 翻 壁若 淞 舞 蛺蝶。 滬 戰 致 嶙 沮 响荒 出 通 敵 牒。 門 捐軀 望 塚 遠 何

九九

戰短兵接三戰喪敵膽倭奴咸震響繼志更誰人死者心未怗如今幾度春蕪田生翠蹇。

青林帶落英競散住人靨我來覿風光沈吟意不愜靦顏餘此身桃花羞入頰。

秋 、雨客夜

黎祥 燊

春 風吹去日秋雨滴今宵破屋鄰燈暗拋書夢境遙新歌聽嫋嫋舊事憶迢迢竟欲披衣

起微吟件寂寥。

登高感賦

插異地過 百感因秋集離。 重陽。 人黯自傷況當臨絕頂能不憶家揶籬菊經霜綻汀蘆化絮狂茱萸誰

寄躑躅翠微巓。 顧蒼茫裏青天碧嶂連神州殊暗淡落日竟悠然鄉夢隔千里秋風又一年。予懷何所

四

寒假歸思

咋 夜圍爐溫課倦家書恍惚夢中來鄉關歷刧破還在幾朵山茶雲裏開。

舊曆新年偶詠

黎祥粲

爆竹聲稀舊俗微寒風 雨雪正靠靠除酥慢道千家醉荆棘傳聞萬戶饑野哭未應當慶

賀。 一世狂! 那 更問 譏誹。 瘡痍滿目嗟 何 及一曲新 春樂意違。

## 春盡日雨未巳

錢師鄭

不信今朝尚是春紫紅如洗綠陰勻幾番 來 雨兼新舊一樣飛花判溷茵逝日 唇之

駐。 漏天媧石煉難堙壞空成住尋常見休惜流 光更 愴神。

鶏黃駒白過如馳欲絆餘暉計巳遲藏海一身沉亦得戀桑三宿去安之茫茫難料 出了了 虚傳憶小時却待明朝櫻筍薦送春還與訂歸期夏食櫻筍

看火車過校外和中書

薛公俠

道 蜿蜒蛇赴壑幾聲呼 嘯虎歸山愁腸轆轆隨輪轉垂老天涯猶未還。

春朝偶吟

薛公俠

默數春 省識東皇妙化神柳芽菜甲一時新如何衰老逢春日猶是淸癯百 詔 匝 月 7經王孫消 息總冥冥朝來一 陣廉纖雨楊柳千條盡放青。 病身。

詩